

Ntirè nè Bèbonḡ nè MÀTIYÒ

Ntirè nè bèbonḡ nè Mátìyòèḡ sə tsə' də Jisòos ḡkum ḡḡà ḡèḡ bwìḡ nè Nwì à kà' də yi nè vèḡ nè. Nà' sə tsə' də bum sə Jisòs à ḡù sə, à ye bum sə wo àḡḡ còm yà' ndzəḡḡ ḡwàk rùk nè zəḡ nè, ya bwìḡ rìḡ də yi ḡkum nè nè zìḡ.

ḡwàk èḡ togè Jisòs də nà'a cìcà nè ḡḡḡ nè yi tse' ḡḡḡ ḡḡòtsòḡ rēḡsə fa bwìḡ lùuk Nwì yi nè. Yi tse' ḡḡḡ sə' yi ḡḡòtsòḡ fa bwìḡ nzak ḡḡḡ ḡkum Nwì.

*ḡḡwì Bù nè Jisos Krest A Tesə BohòWo
(Luk 3:23-38)*

¹ Yè'e ḡvè'nè ḡḡwì bù nè Jisos Krest à tesə bohòwo à ye. Jisòs à tesə bohòḡḡwì bù nè Devid. Devid à tesə bohòḡḡwì bù nè Abràḡḡ.

² Abràḡḡ dzə Azìk;
Azìk dzə Jàkòḡ;

Jàkòḡ dzə Judà bə bwe ma ye wèḡ.

³ Judà à dzə Perè bə Zerà. (Lìḡ ma àwo à ye də Tamà.)

Perè dzə ye Hezròḡ;

Hezròḡ dzə Ràm;

⁴ Ràm dzə Aminadàḡ;

Aminadàḡ dzə Nasòḡ;

Nasòḡ dzə Samòḡ;

⁵ Samòḡ dzə Bowàs. (Lìḡ ma Bowàs à ye də Rahàḡ.)

Bowàs dzə Obè.

(Liŋ ma Obè à ye də Rus.)

Obè nè à dzə ye Jesi;

⁶ Jesi à dzə ŋkum Devid yi.

Devid nè dzə Sòlomù. (Ma Sòlomù nè ànə ye to
me ŋgwe Yùriyà sè'.)

⁷ Sòlomù dzə Rèhobòm;

Rèhobòm dzə Abijà;

Abijà dzə Asà;

⁸ Asà dzə Jèhosafà;

Jèhosafà dzə Joràm;

Joràm dzə Uziyà;

⁹ Uziyà dzə Jotàm;

Jotàm dzə Ahàs;

Ahàs dzə Hèzikayà;

¹⁰ Hèzikayà dzə Månasi;

Månasi dzə Amòn;

Amòn dzə Jòsayà;

¹¹ Jòsayà dzə Jèkòniyà bə bwe ma ye wèŋ. Yi
à dzə yà' ghà nè bùu Babilòn wèŋ à kè ko kùrə
lòbùu Izùre wèŋ la'à wo co ŋkwèŋ yà'a.

¹² Ghà nè wo ànə jəŋ lo me wo mvwe' lak
Babilòn anə ve'nə fana

Jèkòniyà dzə Seatì;

Seatì dzə Zèrubabè;

¹³ Zèrubabè dzə Abiyù;

Abiyù dzə Eliyakìm;

Eliyakìm dzə Azò;

¹⁴ Azòdzə Zadòk;

Zadòk dzə Acim;

Acim dzə Eliyù;

¹⁵ Eliyù dzə Eliyazà;

Eliyazà dzə Matàn;

Matàn dzə Jàkop;

¹⁶ Jàkop dzə Jòsep nè yi à ye ndu Mèri. Mèri nè yi à ye ma Jisòs, wo to yi mok də Krèst. (A yà'a də, ñkum ñgà gèm bwìŋ.)

¹⁷ A yà'a də, ye jəŋ muni'ì Abràham kə dzeŋ muni'ì Devid, yà' sə nitsè' də tàcicii bwìŋ à ye hum-ncòp-kwè. Ye jəŋ bwi muni'ì Devid kə dzeŋ mvè'nè wo à ko lòbùu sə mvwe' lak Babilòn fana tàcicii bwìŋ à ye sè' hum-ncòp-kwè. Ye ñga'a fa'nə kə dzeŋ mvè'nè wo à dzə Krèst nə, a sè' hum-ncòp-kwè.

*Wo Dzə Jisòs
(Luk 2:7)*

¹⁸ Nsàp mandzè nè wo ànə dzə Jisòs Krèst à ye mǎmvè' nè'e. Jòsep à sə sak ma ye Mèri gù. Yi kà nà' ntòsè jə fana Mèri nə tse' zǎm bə ñaaŋ Yòŋsè nè Rəreŋ nə. Bwìŋ à rəeŋ də Mèri bə zǎm.

¹⁹ Jòsep à ye ñwè nəmòk nè yi à sə gùgè bum ye pwe' bə mandzè nè kəkùrè. Fana yi kà dzəm də yi fa Mèri marè'tu mǎtsətsə'rə bwìŋ dzəm. Yi sə tsərə mǎmvè'nè yi nə co'rə fis bo sənə nzak gù nè bə Mèri tse' nə gəe'.

²⁰ Yi ànə sə tsərə bum yè'sə fana masinjà Tà Nwì vè bohòyi ndzə loò, nə duk fa yi də, <<Wùu Jòsep ñgwì bù Devid, kà də wu wəp ñgòjə Mèri də yi ye ñgwe yo duk. Busè yi a tse' zǎm yà'sə bə ñaaŋ Yòŋsè nè Rəreŋ nə.

²¹ Mèri nə nə dzə mombam. Yi dzə nà', wù to fa yi liŋ də Jisòs, bùusè a yi nè yi nə fis bùu ye wèŋ mvwe' bap awo sè wo gùu.>>

²² Bum yè'sə à sə ye vɛ'nə pwe'fo' ηgògà də ya yusè Tà Nwì ànə cep casə yà' mɯ cùhù ηgàa tsòhòbum ye wèeη bɯη və zinə. Wo à tsə' də,

²³ <<Mɯwà'ηgwèη nè yi ka ηwəmbam riη yuk nə zɯ. Yi nə dzə mwembam, wo to liη ye də Imanùwè.>> (Liη yà'sə də, Nwì cu venə wèη.)

²⁴ Jòsep ànə yəəη və fana yi gɯ megu sè' mɯmvə'nə masinjà Tà Nwì anə tsok yi sə. Yi jəη Mèri ηgòye ηgwe ye.

²⁵ Bə nà' à ka kə co ηgwe bə ndum be'lə lok tè yi dzə mo nə. Yi à dzə nà', Jòsep to fa nà' liη də Jisòs.

2

Bɯ Ma Ntonùm Wèη Vəə

¹ Wo à dzə Jisòs mvwe' mɯbuk lak Betèrèhem, mvwe' nzeηgòn Jùdiyà. Ghà nè wo à dzə yi nə, à ye ηga Heròcu ηkum yi. A ka ηkùη sap fana bɯ səmok sè wo rì fàha ηkèηkàη wèη və ma ntonùm. Wo à kə dzèη mvwe' lak Jòrosalèm,

² wo fek də, <<Nkum bɯ Jus wèη nè wo dzə yi nə fòlɛ? Vès yə ηkèηkà ye ηga nà' tesə kok ma nùm fana vès vè də vèes kə kuksə yi.>>

³ Nkum Heròànə yuk bum yè'sə fana yà' fa yi ηgə' vɛ'ɛ wùriη. Yà' fa bɯ sè mvwe' lak Jòrosalèm pwe' ηgə' sè'.

⁴ Fana yi to benə ηgàa fa satikà' sè ghan sè wo fagè Nwì satikà' mɯmvwe' ndap Nwì nè ghan nə, nə ye bə ηgàa yə'rè fa bwìη lùk wèη. Yi to benə yà' mvwe' mò'fis, nə fek yà'wèη duk də, <<Wo à də wo nè dzə Nkum ηgà gèη bwìη nə yè'e ma nè fò?>>

⁵ Wo duk fa yi dè, <<Mvwe' buk lak Betèrèhem nè mvwe' nzenḡon Jùdiyà. Bùsè ngàa tsòhòbum Nwì wèḡ à còm nònṣə vè'nə dè,

⁶ <Mubuk lak Betèrèhem nè mvwe' nze Judà, wù ka bùu ḡkəḡkum sè mvwe' nze Judà pwe' wù jə'rə ghak.

A vè'nə bùsè ḡwè nè mantombi mòok nè tesə bohòwù nè yi nè sə jəḡ ḡkə̀rè bohòbùu am Izùre yi.> >>

⁷ Nkum Heròanə yuk me vè'nə fana yi to swihi lo bùu sè wo vè ma ntonùm sə mvwe' mòk. Yi fek tsə'rə yà'wèḡ ghà nè wo anə ye ḡga sèḡ nè ko' nè bə̀boḡ.

⁸ Yi ànə fek wes wo fana yi duk fa yà'wèḡ dè, <<Wèḡ du mvwe' lak Betèrèhem sə. Wèḡ kè dzèḡ, wèḡ lap tse' mvwe' sè mo nè cu sə bə̀boḡ. Wèḡ yə yi, wèḡ ḡu co mɛ riḡ ya mɛ nè ḡḡ kə̀ kuksə yi yàm sè'.>>

⁹ Wo ànə yuk vè'nə, wo lo. A kè wès mandzè, wo ye fe'lə sè nè səmòk. Anə ye meḡu sè' ḡkəḡkà nè wo à yə nà' ma ntonùm nè. Nà' à sə lòmantombii wo tètè nà' kə̀ təḡ mam mvwe' sè mo nè cu sə.

¹⁰ Wo à kwa, ni' mòk boḡ wo vè'ε nsàp mòk, mvəsè wo ànə ye ḡkəḡkà nè!

¹¹ Wo ni lo munda'à anə, nè ye mo nè bə̀ ma ye Mèri. Wo təḡ bə̀ tumfərə, nè kuksə mo nè. Wo muk bàam awo, nè fis dasə fa mo nè bum səmòk. Bum sè wo à fa yi sə à ye nsàp mbàm mòk nè wo togè nà' dè ḡu. Bə̀ nsàp làmindà mòk nè wo to nà' dè frankisi. Nə ye bə̀ nsàp mve' nəmòk nè wo togè nà' dè meè.

¹² Anə geŋ, Nwì tipsə wo ndzənə lo də yà'wèŋ kà bohòŋkum Heròmok bwìŋ fohòlòfe'lè. Wo à bɛ' mandzè nè zok, nè foho lo la'à wo.

Wo Caŋsə Lòjisòs Mvwe' Lak Ijìp

¹³ Bùu yè'sə ànə lo wes me fana masinjà Tà Nwì kə cep bohòJòsep ndzə loòdə, <<Lòkok mɔtsə, nè jəŋ mo nè bə ma ye, wenə wèŋ caŋ lo mvwe' nzeŋgòŋ Ijìp. A kə dzèŋ fo', wèŋ cum tètè nùmbu nè mɔ tsə' weŋ də wèŋ bwi foho və ŋkuŋ. Mù duk yè'sə bùusə ŋkum Heròo nè lap mandzè də yi zə nà'.>>

¹⁴ Jòsep à lòkok nòŋ, nè jəŋ mo nè bə ma nè wèŋ pwe', wo caŋ lo noon mvwe' lak Ijìp anə ndzəmè.

¹⁵ Wo à cu fo' tètè Heròkrɛ. Yè'sə ànə ye vɛ'nə ya yusə Tà Nwì ànə cep casə cùhu ŋgà tsòhòbum Nwì wèŋ ye zìnə. Yusə wo à cèp sə à ye də, <<Mù a to fis vè mo àm mvwe' nzeŋgòŋ Ijìp.>>

Ŋkum HeròZə Wes Bəbweŋke' Wèŋ

¹⁶ Ghà nè Heròànə riŋ ŋga'a də bùu sè ma ntonùm wèŋ sə bòrə yi laŋ fana ntum yaan yi wùriŋ. Yi fa ŋaŋ də wo lo mvwe' lak Betèrèhem nè ye bəbwe buhu lak sè yà' kəp fo' pwe', nè zə bweŋke' sè mbəmbam. Yi də wo zə sè wo luumŋgòŋ ba nè foho və ma ŋkwèŋ pwe'. Yi à sə cèp yè'sə, yi sə fuhɔ lo bə mvək nè bùu sè wo à vè ma ntonùm wèŋ à tsə' yi də sè nè à tesə nè.

¹⁷ Yè'sə ànə gu fana yusə Jèrèmiyà nè yi à ye ŋà tsòhòbum Nwì ànə cep buuŋ və zìnə. Yi ànə cep də,

18 <<Ngi mòk sə yuhu vè mvwe' lak Ramà.
 A ngi ngùṅ bə waŋ ve'ε nèbɔp.
 Recà sə wa bwe ye wèŋ.
 Yi sə wa yà' nsàp nè wo tsəpsə yi bùè,
 bùusè wo kpɔ wes pwe' nè pwe'.>>

Jòsep Bə Mèri Fəsə Ko' Jisòs Sə Ijip

19 Herònə ànə kpɔ fana masinjà Tà Nwì à
 vè bohòJòsep ndzə loòmvwe' nzeŋgòŋ Ijip anə
 sèmok,

20 nè duk fa nà' duk də, <<Lòkok mɔtsè, nè jəŋ
 mo nè bə ma ba fo'. Wenə wèŋ bwi lo mvwe'
 lak Izùre, bùusè bùu sè wo ànə sə lap mandzè
 də wo zə mo nè sə a kpɔ wes pwe' laŋ.>>

21 Fana Jòsep lòkok, nè jəŋ ma mo nè, bə mo
 nè wèŋ bwi foho vè fe'lə mvwe' lak Izùre.

22 Jòsep ànə yuk də Acilaòà kok gaŋ tè' ye
 Heròco ŋkum Jùdiyà yi fana yi wəp ngòcu
 mɔmvwe' ànə. Wo à kè tipsə fe'lə yi ndzə
 loòsèmok fana yi lo kə cum mvwe' nze Galìli.

23 A kè dzèŋ fo', yi ci lak ye mɔmvwe' nəmòk
 nè wo to fo' də Nazàre. Yi ànə gɔ ve'nə fana
 yusè ngàa tsòhòbum Nwì wèŋ à cèp bɔwɔ vè
 zìnə. Yusè wo à cèp sə də, <<Wo nè to fa mo
 nè liŋ mok də ŋwè lak Nazàre.>>

3

TsətsòhòNè Jon

Ngà Bəptesè Bwìŋ

(Mak 1:1-8; Luk 3:1-9, 15-17; Jon 1:19-28)

1 Mvèk ànə à ye, ngà Jon ngà bəptesè bwìŋ à
 vèə, nè sə tsoho nzak Nwì. Yi à sə cu sə ngèà,

bwìŋ sè tesè vè mvwe' nzenḡòŋ Jùdiyà nè sè kə yuk yusè yi sè cèep.

² Yi à sè tsòho duk də, <<Wèeŋ kupsə, nè bwi fa bup awèŋ ŋkwèŋ, njo nè gaŋ ŋkum sè mabu kuəp ŋḡòye sè nzenḡòŋ fəŋ laŋ.>>

³ Nwè nəmòk à ye ŋḡà tsòhòbum Nwì taŋntèŋ nè liŋ ye à ye Izayà nà'a à duk də,

<<Nḡi ŋwè nəmòk sè cèp torə vè sè ŋḡà, nè sè yuhu də,

<Gù tsə'rə fa Tà Nwì mandzè ye,

rəŋsə tsə'rə fa yi bwe cwèe mandzè ŋḡòḡi cà ca.> >>

Yi à sè cèp yè'sə ŋga yi sè duk yà'sə Jon ŋḡà bàptesè bwìŋ nè.

⁴ Jon à sè ni nsàap cəək mok sè wo à sè gù yà' bə nwèes nàm nəmòk nè wo togè nà' də kàme.

Yi à ni tse' korə ŋḡup sè mbwèe yi. Yi à sè zə ŋgwim bə nu.

⁵ Bwìŋ à tesè vè mvwe' lak Jòrosalèm nè ye nzenḡòŋ Jùdiyà pwe' ŋḡòkè tsèŋ yi. Mok sè vè mvwe' lak sè yà' kuəp ndzəp Jòridàŋ pwe'.

⁶ Wo à vè, nè duk də wo kəàcù bə bup awo laŋ fana yi bàptesə yà'wèŋ sənə ndzəp Jòridàŋ nè.

⁷ Jon à yə ŋga bòp bù Faràsi bə bòp bù Sadusi wèŋ sè kpəəŋ vèə də yi bəptesə wo. Yi duk fa yà'wèŋ də, <<Wèŋ ŋgwì bù no, tsè' wèŋ ŋga'a ndà də wèeŋ caŋ, nè swirə ŋḡə' nè Nwì nè fa bwìŋ è?

⁸ Wèeŋ gə yusè aco yà' ni tsok də wèŋ bwìŋ fa bup awèŋ ŋkwèŋ laŋ.

⁹ Wèeŋ kà də wèeŋ sè tsərə də wèeŋ nè swirə bùusè wèŋ sə dūhə də, <Tàcici avès à ye

Abràham> duk. Busè mù sè tsè' wenj də aco Nwi jəŋ liis yè'e, nə gũ fa Abràham bwe bə zeŋ.

¹⁰ Yuk a. Njàm nə nòsə kù' ŋgògbè' màk tũ nə sə mbwè. Tũ nè fòpwe' nè nà'a kà-a nto'o sè bèboŋ zəm, wo nə gbɛ' mak nà' sə nze, nə te' teŋ gèsə nà' sə misè.

¹¹ Mũ bàptesə mэгù yàm bwìŋ bə ndzəp ŋgònitsè' də wo a bwìŋ fa bɔp awo ŋkwèŋ laŋ. Nwè nè yi nə və maŋkwèɛŋ mũu nə baptesə bwìŋ ye bə Yòŋsè nè Rəreŋ nə nə ye bə mis. Yi yam ghak mũ yi. Mũ ka yè'e kəkurè co mũ bək fa yi kùuŋgùp ye yeŋ.

¹² Yi tse' wàam nzaŋ ye ndzə bohòyi ŋgòcis nzaŋ bə zeŋ. Yi nə nəmsə nzaŋ sə mũ tàpə, nə teŋ dzədzəə sə sə mvwe' mis nè nà'a kà liigè.>>

Jon Bàptesə Jisòs

(Mak 1:9-11; Luk 3:21-22)

¹³ Mvèk nè Jon à sə bàptesə bwìŋ ànə à ye fana Jisòs ye'e me'rə nzeŋgòŋ Galili, nə lo mvwe' ndzəp Jòridàŋ. A kè dzèŋ fo', yi kə ye Jon də nà'a baptesə yi.

¹⁴ Jon lap mandzè ŋgògù də ya Jisòs teŋsə. Yi duk fa Jisòs nə də, <<A nə ye co wu bàptesə mũ wù, wù sə və bwìŋ də mũ bàptesə wu mũ yè'sə va?>>

¹⁵ Jisòs duk fa nà' də, <<Mũ rì ve'nə sè' laŋ, bàptesə mũ ntèŋ. Busè a gù-a ve'nə ye də a gù yà'sə yusè yà'a kəkurè bohòNwi.>> Yi ànə duk ve'nə, Jon nə dzəm.

¹⁶ Mvèk nè wo ànə bàptesə wes yi ntèŋ fana Jisòs tesə kok sə ndzəpè anə. Ntòbu à mùhu

nòon to. Yi ye nga Yòh̄sè nè Nwì nè tsə tesə vè mbwa co kəkəb̄h̄n̄, nè kə naan̄ yi m̄tuh̄.

¹⁷ Anə geŋ, ŋgì mòk cep tsoŋ m̄bu anə də, <<Nè'e mo àm nè m̄ dzəm yi sə nt̄ū m̄. M̄ kwagè bohòyi ve'e wùriŋ.>>

4

Satà M̄msə Jisòs

(Mak 1:12-13; Luk 4:1-13)

¹ Yòh̄sè nè à jə lòJisòs mvwe' səmok sə ŋgəà də ya Satà nè yi ŋkum ze' nè mumsə ja'a nà'.

² Ghà nè yi à cu fo' ndzəm hum kwè bə marəŋ sè' hum kwè nga yi ka m̄zəp yumok kè cùh̄ gesə lok fana n̄jè yaŋ yi.

³ Fana Satà nè vè bohòyi, nè duk fa Jisòs də, <<A ye-a də wu mo Nwì, cep-a ya liis ye'e b̄uŋ na beŋ nga wu z̄u.>>

⁴ Jisòs à duk fəsə fa nà' də, <<Wo à còm nòh̄sə ndzənə Nwàk Nwì duk də, <Kaco ŋwè cum megu b̄ū n̄aŋ z̄uz̄u yeŋ.>>

⁵ Anə gèŋ, Satà nè jə lo Jisòs mvwe' nt̄um lak nè rərəŋ nè. Nt̄um lak nè rərəŋ nà'nə, a lak Jòrosalèm. Yi kə tes nà' m̄ ndundap Nwì nè ghaŋ nè, mvwe' sè yà' sàp wùriŋ,

⁶ nè duk fa Jisòs nè də, <<A ye-a də wu mo Nwì, wù li gb̄u tsoŋ lo-a sə nze-è. Busè yà' cu ndzənə ŋwàk Nwì də, <Nwii nè fa masinjàa ye n̄aŋ ŋgòjə ŋkərə bohòwù, də yà'wèeŋ kotse' wu m̄tsè bə bo awo ya wu nè kà kù nè kù ta.>>

⁷ Jisòs cep fəsə fa yi də, <<Nwàk Nwì sə duk sè' də, <Wù ka tse' ŋgòb̄u ja'a Tà nè yi Nwì yòyeŋ.>>

⁸ Satà nè jəŋ mali lo yi məm̀vwe' tu nda mòk nè nà' sàp lòm̀tsè vè'è wùriŋ. Wo à təəŋ mbwa, yi niŋ tsok fa Jisòs lak bə ghàak sè sənə nzenğònè'e pwe'.

⁹ Yi duk fa nà' də, <<A ye-a ŋga wù təəŋ-na bə tumfərə, nè kuksə m̀ fana bum sè wù sə yə yà' yè'e pwe', m̀ nə fa wu yà'.>>

¹⁰ Jisòs duk fa nà' də, <<Satà, coho gesə fo'. Nwàk Nwì sə duk də, <Nwè tse' ŋgòkùksə mègù Tà nè yi Nwì ye, nè fak megu sè' bohòyi yìiyi.>>

¹¹ Yà'a m̀vwe' sè Satà nè à mè'rə Jisòs, nè lo. Masinjàa Nwì wèŋ və, nè kə jəŋ ŋkərə bohòJisòs nè.

*Jisòs Yèto Fàk
M̀vwe' Nzenğòn Galili
(Mak 1:14-15; Luk 4:14-15)*

¹² Jisòs ànə yuk də wo nisə Jon ndapndzəm fana yi ye'e lo yuye m̀vwe' nzenğòn Galili.

¹³ Yi à ka mok m̀vwe' lak ye Nazàre cum. Yi à kè cu mok m̀vwe' lak Kàpanùm. Kàpanùm m̀lak mòk nè nà'a ŋgə tèm Galili. Tse' nze nè fo' b̀̀ Zebulòbə b̀̀ Naptalè wèŋ.

¹⁴ Yi à kè cu fo' ya yusè ŋgà tsòhòbum Nwì nè liŋ yee Izayà à cèep ye zìnə. Yusè yi à cèp sə də,

¹⁵ Nze b̀̀ Zebulòbə b̀̀ Naptalè nè nà' k̀əp m̀vwe' ndzəp nè ghaŋ, nè nà'a ŋga wù to càsə Jòridàŋ. Wo togè nze nè də Galili, lak b̀̀ m̀vumvum wèŋ.

¹⁶ Wèŋ sè wèŋ cugè sənə ndzəm, wèŋ a yə mareŋ mòk nè ghaŋ.

Mareṅ nə nə rɛɛṅ bohòwèṅ sè wèṅ à sə cu sə
mɔvwe' nzenḡòṅ ṅḡə' kɔɔ yà'a.

¹⁷ A yè jə mɔvək ànə, Jisòs sə tsoho kɛ' ncèp ye.
Yi sə duk də, <<Wèṅ kupsə, nə bwi fa bɔp awèṅ
ṅkwèṅ, bùusè ḡṅ ṅkum sè mɔbu kɔəp ṅḡòye sə
nzenḡòṅ fɛṅ laṅ.>>

Jisòs To Ngàa Fàak Ye
Sə Mantombi Kwè
(Mak 1:16-20; Luk 5:1-11)

¹⁸ Mvəsè Jisòs à sə ḡi ṅḡu tèm Galili fana yi ye
ṅwè nəmòk bə moma ye wo ba. Wo à ye Saimù
(nè wo togè yi sè' də Pità) bə Andrù. Wo à ye
ṅḡàa ko fuk ṅḡa wo sə fuk bə ram. ¹⁹ Jisòs duk
fa yà'wèṅ də, <<Wèṅ bɛ' və mɔ ya mɔ yə'rə wèṅ
ṅḡòko jə və fa mɔ bwìṅ.>>

²⁰ Wo à yuk vɛ'nə ntèn, wo me'rə mak nonşə
ram awo sə, nə yuṅ lo yi.

²¹ Yi à lòghàr, yi ye fe'lə mok sè' bwìṅ ba. A
ye sè' bwe ṅwè nè mò'fis. Liṅ awo à ye Jem bə
Jon. Liṅ tè' awo à ye də Zebèdi. Yi à yə wo ṅḡa
wo cu sə ṅḡwesè bə tè' awo nə wèṅ ṅḡa wo sə
ḡùḡu tsə'rə ram awo. Jisòs to wo.

²² Wo à yuk ntèn, wo me'rə ṅḡwes awo bə tè'
awo sè', nə yuṅ lo Jisòs nə.

Jisòs A Yə'rə Bwìṅ,
Nə ḡuṅşə Ngàa Yiyaṅ Wèṅ

²³ Jisòs à kɛ' nzenḡòṅ Galili pwe'. Yi sə yə'rə
bwìṅ mɔmɔvwe' ndap pìriyà bùu Jus, nə sə tsoho
Ntirè nè Bəboṅ nè nà'a bə nzak ḡṅ ṅkum Nwì
nə. Yi à sə ḡuṅşə bwìṅ bə nsàp yiya nè fòpwe'
nè wo à tse'.

24 Bwìṅ à yuk lòwes yusè yi à sè gù sè mvwe' lak yà'sə, nə ye mvwe' nze Sírìyà nə pwe'fo'. Yà'sə à gùu, wo sè jə və fa yi bùu sè wo à tse' nsàp yiyaṅ nə fòpwe'. Mok à ye bùu sè yòṅsè ze' à ye ndzə ni' wo, sè wo sè gbù nènò' bə sè wo à kpə sak ke' ni' mamòk wèṅ pwe'. Wo à jə vè wo vɛ'nə, yi gu wo pwe', wo gaṅ.

25 Mfèṅ-bwìṅ à tesə, nə sè yuṅ lo yi. Bùu yè'sə à tesə vè mvwe' Galili, Dìkàpolis, Jòrosalèm, Jùdiyà nə ye ma ndzəp Jòridàṅ mamòk.

5

Jisòs Tsòho Nza' Nwì

Mu Ndàhà

(Luk 6:20-23)

1 Jisòs à yə mvè'nè bwìṅ à kè mà wùrinṅ fana yi kok lo məm̀mvwe' nda nəmòk. Ngàa fàak ye wèṅ à kè gùm yi ghùr fana yi cum tsonṅ nze,

2 nə yeto ṅgòyərè wo duk də,

Kwəkwə Nè Nà'a Zìṅ

3 <<A reṅsi bohòbùu sè wo rì də wo ka kəkùrè bohòNwì yeṅ, bùusè tse' gaṅ sè m̀bu nsàp bù ànə.

4 A reṅsi bohòbùu sè wo sè tɛ', bùusè Nwii nè yìsə fa wo ndzəplis awo.

5 A reṅsi bohòbùu sè wo fùè, bùusè Nwii nè ghaksə wo bə yusè yi à kà' də yi nə fa bùu ye wèṅ.

6 A reṅsi bohòbùu sè tsətsərèə awo cu ghak ṅkùuṅ ṅgògù yusè yà'a kəkùrè bohòNwì, bùusè Nwii nè kè ze'sə wo bə yusè wo sè tsərə sə.

- 7 A reŋsi bohòbùu sè wo koksègè manziŋ bohòbwìŋ, bùusè Nwìi nè koksè manziŋ bohòwo sè'.
- 8 A reŋsi bohòbùu sè wo tse' ntum sè rərəŋ, bùusè wo nè kè yə Nwìi bə lis.
- 9 A reŋsi bohòbùu sè wo fagè fifi mʉtsətsə'rèò bwìŋ, bùusè Nwìi nè to wo də bwe ye.
- 10 A reŋsi bohòbùu sè bwìŋ sə yeŋsə wo ŋgə' njo nè wo sə gù yusè yà'a kəkərè bohòNwì, bùusè tse' gaŋ sè mubu sə nsàp bù ànə.
- 11 <<A reŋsi bohòwèŋ ŋga bwìŋ sə yàk wəŋ, sə fa wəŋ ŋgə', nə sə ci' nsàap mwèes sè bup pwe' mʉ tuhù wèŋ njo nè wèŋ sə yù mandzè àm.
- 12 Wèŋ kwa, nə kà fù' bùusè wèŋ nè kè tse' lələk mubu ŋkùuŋntèŋ. Yà'a mègù sè' mvè'nè wo ànə yeŋsə ŋgàa tsòhòbum Nwì wèŋ sè wo à ye to mantombii wèŋ ŋgə' sè' vè'nə.>>

Ngàa Gaŋ Nkum Nwì Wèŋ
Ye Co Ci' Bə Mareŋ
(Mak 9:50; Luk 14:34-35)

- 13 <<Wèŋ co ci' bohòbwìŋ sə nzeŋgòŋ pwe'fo'. A ye-a ŋga ci' cwè'lə bup, mandzè nè ŋgògù yà' lum fe'lə kà mok ye. Yà' kà fàk mok tse', wo nə kè'mak yà' sə nze, maŋgòŋ nəŋ ca kù mbwa.
- 14 <<Wèŋ co mareŋ bohòbwìŋ sə nzeŋgòŋ pwe'fo'. Wo ci tes-a lak mʉtu nda, kaco yà' ye sèswihì yeŋ.
- 15 Kaco ŋwè bwe' laàm, nə swihì nà' sənə tasà yeŋ. Yi nə tes nà' mʉnə yumok jəja ya nà'a sə reŋ bohòbwìŋ mʉ nda'à anə pwe'.
- 16 Yà' mègù sè' vè'nə də wèŋ gʉ mareŋ awèŋ reŋ bohòbwìŋ. Nà'a reŋ ya ŋga wo yə bəbo

àwèŋ nè wèŋ sə ɡùu, wo kuksə Tè' awèŋ nè yi cu mabu.

Yəyərè Nə Bə Nzak Lùk

¹⁷ <<Kà də wèŋ tsəm də mù a vè ŋgòlèsə lùuk Musi nè ye bum sè ŋgàa tsòhòbum Nwì wèŋ à yərè fa bwìŋ yà'a duk. Mù a ka ŋgòlèsə yà' və, mù a vè ŋgòkè ɡù fàak am də ya bwìŋ riŋ də, yusè wo à yərè sə yà' kùrè lòbè zèŋ.

¹⁸ Wèŋ yuk, nə tsərə tse' yusè mù sə cèp yè'e bəbɔŋ. A ye-a ŋga ntòbu bə nzeŋgòŋ cu mali mvè'nè yà'a yè'e, ye də mabè'lè yumòok nə kà ndzənə lùk nè mò'fis momjo vɛ'ɛ coho tesə yuk. A nə kà cohòyuk tètè fàak awo kə me ŋkuŋ.

¹⁹ Ye də a ye-a ŋga mabè'lè lùk mègù-a momjo vɛ', ŋwè kà nà' nòŋsè, nə yərè fa bwìŋ sè' də wo kà nà' sè' nòŋsè, fana ye də ŋwè ànə nə ye momntilip mvwe' ɡaŋ ŋkum Nwì. Nə ye sè' də, a ye-a sè ndà pwe' nè yi nonŋsə lùuk sə, nə yərè fa bwìŋ ŋgònòŋsə yà' sè' fana ŋwè ànə nə ye ŋwè nè ɡhaŋ mvwe' ɡaŋ Nwì.

²⁰ Mù sə tsè' fa wèŋ də, kaco wèŋ nè cu mvwe' ɡaŋ Nwì yeŋ tse'ŋga wèŋ dzəm zìnə ŋgògù yusè yà'a kəkùrè bohòNwì nə ɡhak casə mvəsè ŋgàa yərè bwìŋ lùk nə ye bùu Farasi wèŋ ɡùgèə.

Jisòs Yərè Fa Bwìŋ

Bə Nzak Jèjò'

(Luk 12:57-59)

²¹ <<Wèŋ ànə yuk də wo à duk fa bù njamòk wèŋ də, kà də ŋwèe zə ŋwè duk. Də a ye-a ŋga ŋwè nəmòk zə mòk fana wo nə jəŋ və yi mvwe' nzak.

²² Mù sè tsè' wen nè nga'a nè'e dè, a ye-a nga ñwè nèmòk jòk bohòmòk wà jì njo, yi nè tse' nzak. Nè ye sè' dè a ye-a sè ndà, nga yi to-a moma ye mòk dè <Wu yu nè wà> fana yi nè ye li kañsurù ñkuñ. Nè ye mali sè' dè, a ye-a nga ñwè to ñwè nèmòk dè <Wùu ləm>, fana yi tse' ñgə' nè ñgòkè sè sè misè.

²³ Ye dè a ye-a nga wù dè wu kuksə Nwì bə fəfa yò, nè kə dzeñ-a mvwe' kàm nè wo fagè Nwì fəfa mbwa nè fana wù tsərə kok dè moma yo mòk tse' jèjòk bohòwù,

²⁴ wù me'rə tes yusè wù anə dè wu fa sè fo', nè lo kə mesə və wen moma yònə. Wenə mèsə ñkuñ wù bwi və, nè kə fa Nwì fəfa yònə.

²⁵ A ye-a nga ñwè nèmòk dè yi gə nzak wenə mɔ kot, boñ ghak dè wenə mesə bə mvək nè wèñ ka mɔ kot anə ntòkə dzeñ. Busè wu kə dzeñ mɔ kot, yi nè fa wu ndzə bohòngà sak nzak. Ngà sak nzak nè nè fa wu bohòngàa tà m wèñ fana wo nisə wu ndapndzəm.

²⁶ Mɔ tsè' wu yusè zìnə dè wu nè cum mam mbwa tètè tse'nga wù làk wes mbàam sè, dolà kà cu ñkuñ wù tesə.

Nzak Sàhà

²⁷ <<Wèñ ànə yuk lañ dè wo à duk dè, ñwèè kà nto ko.

²⁸ Nè nga'a nè'e mù sè tsè' wen dè, a ye-a nga ñwè nèmòk kùk mègù-a ñwàñwè bə lis dè ñwà nè'e bòco bə nà' noon fana ye dè yi ko nto bə nà' sè ntɔ̀ yi yà'sə lañ.

²⁹ Ye dè a ye-a nga lis yo sè ma mòk sè gù-a wu ñgògù bɔp fana wù fis mak tosə yà', a dzəm

nà' ye lis yo sè ma zɛ. Bògha' dɛ ni' yònɛ bisɛ ma mòk vɛ'nɛ ntɛŋ nɛ nonʂɛ nè dɛ yà'a cum fo' lònŋ, wù kɛ ni bɛ zɛŋ mɩvwe' ŋgɛ' nè sɛ misè.

³⁰ Nɛ ye sè' dɛ a ye-a ŋga bo ma zɛɩ yo sɛ gù-a wu ŋgògù bɩp fana wù gwe' tiŋ mak nà'. Bògha' nè dɛ ni' yòo nɛ bisɛ ma mòk vɛ'nɛ ntɛŋ nɛ nonʂɛ nè dɛ nà'a cum fo' pwe', wù kɛ ni bɛ zɛŋ sɛ misè.

Nzak Ga'a Gù

(Mat. 19:9; Mak 10:11-12; Luk 16:18)

³¹ <<Wo ànɛ duk sè' dɛ, ŋwè nè yi duk-a dɛ yi me'rɛ ŋgwe ye fana yi com fa nà' ŋwàk ndzɛ bohòdɛ yi mè'rɛ nà' laŋ.

³² Nɛ ye dɛ mù sɛ tsè' wɛŋ ŋga'a dɛ, a ye-a ŋga ŋwè me'rɛ ŋgwe ye, ŋga ka bùu njo nè dɛ nà' sɛ yù mbɛmbam sɛ mbiŋ yɛŋ fana ye dɛ yi gù ŋwà nɛ yi ŋkuŋ nà' ko nto. Ŋwè nɛmòok kɛ jɛ-a ŋwà nè wo me'rɛ yi nà'nɛ, ye dɛ ŋgɛŋgàŋ ko sè' nto.

Nzak Nkɛŋ

³³ <<Wɛŋ nà yuk sè' dɛ wo à duk fa bù njamòk wɛŋ dɛ, ŋwèe nɛ kà wà kɛŋ basè. Dɛ yusè ŋwè kɛŋ yà' bohòTà laŋ àlɛ yà' tɛəŋ megu vɛ'nɛ.

³⁴ Nè ŋga'a nè'e mù sɛ tsè' wɛŋ dɛ a ye-a ŋga wù dɛ wu kak tes yusɛmòk fana wù kà kɛŋ lok nè kè' mò'fis. Kà dɛ wu kɛŋ ntòbu duk, bùusè nà'a yà'sɛ kapràk Nwì.

³⁵ Kà ŋgùp nze nè'e sè' kɛŋ bùusè nà'a yà'sɛ mɩvwe' sè Nwì tes kùu ye. Ŋwèe kà lak Jòrosalèm sè' kɛŋ bùusè yà'a yà'sɛ ntɛm lak ŋkum nè ghaŋ nɛ.

³⁶ Nwèe kà tu ye sè' kèn lok, bùusè kaco wu gu kupsə riŋ to nùəmtu nè mò'fis ɲgòye fəfop kè səsəŋ àlɛ' yeŋ.

³⁷ Yusè wù duk-a də wu cep pwe', yà'a ye megu <Ŋ bə Hai> ba. A càsə-a mu mvè' ènə ye də yà' vè yà'sə mok bohòSatà.

Nzak Gù Fəsə Bup Bə Bup
(Luk 6:29-30)

³⁸ <<Wo ànə duk sè' də, lis bə lis, nzòŋ bə nzòŋ.

³⁹ Nè ɲga'a nè'e mù sə tsè' weŋ də, ɲwè nəmòok gù-a wu bup, wù kà yi bup gù fəsə fa. A ye-a ɲga ɲwè nəmòok sam wu mbumbuk ma zu mpaan, wù me'rə yi sam wu mbumbuk ma ɲkwìp sè'.

⁴⁰ A ye-a ɲga ɲwè somsə wu mu kot, nə jəŋ cək yòfana wù me'rə yi jəŋ nè ndzə tsətsə'rè nə sè'.

⁴¹ A ye-a ɲga ɲgà tàm mòk ko wu bə ɲàŋ də wu bək bum ye, wù bək casə mvwe' sè yi də kùrə sə.

⁴² Nwèe ləŋ-a yumok bohòwù, wù fa yi. Nwè nəmòok duk-a də wu samsə fa yi yumok, wù samsə fa yi yà'.

Dzəm Bùu Sè Wo Bèŋgè Wu
(Luk 6:27-28, 32-36)

⁴³ <<Wo ànə duk sè' də, dzəm ɲge' yo wèŋ, nə beŋ bùu sè wo bèŋgè wu.

⁴⁴ Mù duk yàm ɲga'a də, dzəm bùu sè wo bèŋgè wu sə sè', nə sə ləŋ fa bùu sè wo sə yeŋsə wu ɲgə' wèŋ pìriyà.

⁴⁵ Wèŋ gu ve'nə, wèŋ ye bwe Tè' awèŋ nè yi cu mubu nə, bùusè yi gùgè nùm ye nà' sə to

bohòbùu sè bup bə sè bəboŋ wèŋ pwe' yəyərè. Nə ye fe'lə sè' də yi gùgè mbùŋ li bohòbùu sè bəboŋ bə sè bup pwe' sè' yəyərè.

⁴⁶ A ye-a ŋga wèŋ sə dzəm mègù bùu sè wo sə dzəm wèŋ, ye də aco Nwì lak wèŋ bùu yà? A mègù-a bùu sè bup sè wo ŋgàa benè mbàam tas yà'a wo gùgè ka sè' vɛ'nə yèŋ à?

⁴⁷ Nə ye də a ye-a ŋga wèŋ cepsə megu-a ŋge' awèŋ, ye də yusè wèŋ gù fis zok sə yè'sə yà? Mù də bù pegè wèŋ gùgè sè' vɛ'nə àlaa.

⁴⁸ Wèŋ tse' ŋgògù bəboŋ bə bum pwe' mvè'nè Tè' awèŋ nè mubu gùgèə.

6

Kà Bum Njo Nè Bwiŋ Ye Ŋga Wo Kwasə Wu Gù

¹ <<Jəŋ ŋkərè də wu kà fàha Nwii yo mantombii bwiŋ də ya wo kwasə wu gù. Busè wu gù-a bum yè'sə mvwe' bwiŋ vɛ'nə fana Tè' yo nè yi cu mubu nə kà wu làk.

² Ye də a ye-a ŋga wù də wu fa ŋwè nè yi ka yumok tse' yumok fana wù kà də wu yəm busə yà' ŋkì duk. A yəmgè nsàap ŋkii yà'sə ŋgàa tè'èŋkup yà'a. Wò gùgè vɛ'nə mvwe' ndap piriya bə ŋgà mandzè də ya bwiŋ ye wo, nə kwasə wo. Mù tsè' wèŋ kek də wo gù vɛ'nə yà'sə ye də wo tse' wes lèlè' awo yà'sə laŋ.

³ Bəboŋ də wu dzəm-a ŋgòfa ŋgà jìŋ yumok fana wu gù co bo ma mòok kà yusè bo ma mòk sə gùu rì.

⁴ Yà'a nə ye sèswihì, fana Tè' nè yi yəgè mvwe' sèswihì nə nə lak wu.

*Nzak Pìriyà
(Luk 11:2-4)*

⁵ <<Nə ye də wèeŋ cu ɲgògù pìriyà fana wèŋ kà də wèeŋ ɣu co ɲgàa tè'èŋkup yà'a duk. Wo dzəmgè ɲgòlòkok təeŋ mʉtsè, nə sə lɛŋ pìriyà mʉmvwe' ndaap pìriyà nə ye mvwe' ga'a ndumandzè wèŋ də ya bwiiŋ ye wo. Mʉ tsè' wɛŋ zìnə də nsàp bù ànə ɣù vɛ'nə yà'sə, ye də wo tse' lèlà' awo yà'sə laŋ.

⁶ Yusə də wu dzəm ɲgògù pìriyà fana wù ni lo ndzə rum nda'à wù, nə kosə ncù, nə ɣu pìriyà bohòTè' yo nè yi cu mvwe' sèswihì nə. Wu ɣù mvè' ànə fana Tè' yo nè yi yəgè bum sè yà'a sèswihì nə nə lak wu.

⁷ Nə ye sè' də wèeŋ cu ɲgògù pìriyà nə fana wèŋ kà də wèeŋ sə dʉhu yiskok yusə yà' ka fàk tse' co bù pegè wèŋ duk. Wo tsərəgè yàwo də wu lɛŋ-a, nə sə cɛp fəsə sè' yusə wu cèep sə tètè àlɛ, Nwì yuk pìriyà nə bùu zɛŋ.

⁸ Wèeŋ kà də wèeŋ ye co wo duk, bùusè ɲkuŋ wù sə muk cù ɲgòfɛk Tè' yo nə yumok fana ɲga yi nə riŋ lo ye yusə wù sə dzəm bohòyi sə tè.

⁹ <<Ye də wèeŋ nə sə lɛŋ mʉmvèk nè'e:
<Tè' avès nè wù cu mʉbu, kəkùksəə ye bə liŋ yo.

¹⁰ Gaŋ ɲkum yòsə və.

Yusə wù dzəm də yà'a fak, wù ɣu yà' fak sə nzeŋgòn sè' mʉmvè'nə wu ɣùgè bum yo sə fak mʉbu.

¹¹ Fa a ves bɛŋ sè vèes nə zʉ yà' ntinə.

¹² Swì fa vèes bʉp avès sè' mvè'nə ves swì fagè bùu sè wo ɣùgè ves bʉp.

13 Nə kà ves mvwe' sè co mèmumsè kə tseŋ ves jə lò.

Mvwe' sè Satà nə cu, wù caŋsə gesə fis ves fo'.* >

14 Bəsè a ye-a ŋga ŋwè gù wu bɔp, wù swi fa yi fana Tè' yo nè yi cu mɔbu nə nə swi fa wu yòsè'.

15 Wu kà-a bwìŋ bɔp sè wo gù bohòwù swi fa fana Tè' yo nə kà wu yòsè' swi fa.

Nzak Dzè Zuzu

16 <<A sè' də ghà nè wèŋ sə dzè zuzu fana wèŋ kà də wèŋ gù tse' si awèŋ co ŋwè nè nje sə ya yi, mvəsè ŋgàa tè'èŋkup wèŋ gùgè yà'a duk. Wo gù tse'gè si awo co nje sə ya wo ve'ε də ya bwìŋ ye riŋ də wo sə dzè zuzu. Mù sə tsè' fa weŋ zìnə də wo gù ve'nə fana ye də wo tse' wes lèlà' awo yà'sə laŋ.

17 Ghà nè wù cu-a də wu dzə zuzu fana wù kwak si yo làaŋ, nə swak tu yo bəbɔŋ.

18 Ya bwìŋ kà də wù sə dzè zuzu rì. A riŋ megu Tè' yo nè yi cu mvwe' sèswihì nə yìyi. Tè' yo nè yi riŋgè yusè yà' cu mvwe' sèswihì ènə nə lak wu yi.

Tse' Ghàk Ma Mɔbu (Luk 11:34-36, 12:33-34)

19 <<Kà də wèŋ loksə ghàha awèŋ sə nzeŋgòn fəŋ duk. A fəŋ mvwe' sè aco ndu bə nzək nə ye ŋgàa yè wèŋ gu bɔpsə yà'.

* **6:13 6:13** Aco ncèp ènə ye sè' də, *Caŋsə fis gesə lo ves mvwe' bɔp*. Nwàha mok sè zəm naaŋ gesə lo də, *Gaŋ ŋkum sè yò, ŋàŋ ye sè yò, kəkuk ye sè yò, mvəsè nè mvəsè. Yà'a ye ve'nə.*

20 Bògha' də wèŋ loksə ghàha awèŋ lɛ mɔbu. A mbwa mvwe' sè kaco nzək bə ndu nə ye ŋgàa yè wèŋ gɔ lok yà' yumok yeŋ.

21 Mù duk vɛ'nə bùsè mvwe' sè ghàha awèŋ cu-a fana ntəm awèŋ nə cum megu sè' fo'.

22 Lis yoo mareŋ nè ndzə ni'ì wù yi. A ye-a ŋga lis yoo bəbɔŋ fana ye də ni' yònə, nə rwiŋ bə mareŋ.

23 Yà'a sè' də a ye-a ŋga lis yo ka bəbɔŋ yeŋ fana ye də ni' yòpwe' rwiŋ bə mandzəm. Ye də a ye-a ŋga ni' yo nə rwiŋ bə mandzəm vɛ'nə ye də a ŋgɔŋgwi' ndzəm nè fɛŋ bùè.

Nwì Nə Ye Mbàm
(Luk 12:22-31, 16:13)

24 <<Kaco ŋwè fak ŋkwèŋ bohòmasà ba yeŋ. Yi nə dzəm fis mòk, nə beŋ mòk kènə aco yi sə fak bohòmòk zìnə nə kà mòk nə co yumok jə lok. Kaco wù fak bohòNwì nə ye bohòmbàm yeŋ.

25 Ye də mù sə tsè' weŋ də, kà də wèŋ sə tɛ' kɛ'ca bə yòŋsəə awèŋ njo zuzɔ bə nəno kènə də bə cək sè ŋgònitse' mɔ ni'ì wèŋ àlɛ' duk. Yam gha' ka yòŋsə ŋwè nə noŋsə zuzɔ yeŋ à? Nə ye sè' də yam gha' ka ŋgùpni' ŋwè nə casə cək yeŋ à?

26 Wèŋ kuk ja'a na swiŋ sè yà'a mɔbu yè'e nè. Wo kà yumok mɔnzù bìgè, nə kà sè' kɔp nə kà tàp sè' tse'. Wo ye-a sè vɛ'nə, Tè' awèŋ nè mɔbu fagè wo zuzɔ. Ghak yè'sə wèŋ kè swiŋ ɛ?

27 A mɔŋgorè wèŋ ndà nè də aco yi naaŋ gesə nùumbu mok mɔnə nùumbu ye də bùsè yi jìk yi ɛ?

28 Bè ma nè cèk, wèŋ sè tɛ' bə nzak cèk ye bùu yà? Tsərə a bə nzàamŋaŋ sè yà'a fomgè yè'e màm̀vè'nè yà'a kùkgèə è. Wo kà ndàp caŋsègè, nè kà cèk sè' ba'.

29 Ye də mù sè tsè' wèŋ də a megu-a sè ŋkum Sòlomù bə ghàha ye sè yi à tse' sè pwe', yi à ka nsàp cèk mòk co nzàamŋaŋ yè'sə ni yuk.

30 A ye-a də ŋaŋ sè wà sè aco wù ye yà' ntinə, a ye zòŋ ŋga wo tɛŋ səsə yà' laŋ yè'e Nwì sè jəŋ ŋkərə bohòwo vɛ'nə, ye də kaco yi jəŋ casə ghak ŋkərə bohòŋwè yeŋ à? Oòbùu am wèŋ, wèŋ ka Nwì ntəm awèŋ pwe' fa.

31 Bum yè'sə nè yeè nè vɛ'nə fana kà də wèŋ sè tɛ' kɛ'ca də vèes nè zù kok yè'sə yà lɛ-ò, vèes nè no kok yè'sə yà lɛ-òkè də vèes nè jəŋ kok cèk yè'sə fòlɛ-òduk.

32 Busè a làpgè nsàap bum yè'sə gùgəŋ bùu sè wo ka Nwì riŋ. Bohòma njàwèŋ fana Tè' awèŋ nè mabu riŋ də wèŋ tse' ŋgòtse' bum yè'sə pwe' laŋ.

33 Làp to mantombi lɛ gaŋ ŋkum Nwì, nè ye ŋgòye kəkərè mantombii yi ŋkuŋ fana bum mok yè'e pwe' nè ye sè' sè yàwèŋ.

34 Ye də ŋwèe kà də yi tɛ' fa zòŋ duk, zòŋ nè tɛ' tu ye yi. Numbu nè fòpwe' tse' ŋgə' nje kəkərè bə numbu nè.

7

Kà Nwè Nəmòk Sak

(Luk 6:37-38, 41-42)

1 <<Kà də wu sak ŋwè nəmòk duk ya Nwii kà wu yòsè' kè sak.

² Mù duk ve'nə bùusè Nwì nè kè sak wu sè' m̀vè'nè wù sè sak bùu mok wèŋ. A sè' də m̀vè'nè wu fù' fa bwìŋ fana yi nè fùk fəsə fa wu sè' ve'nə.

³ Njo nè wu kùkgè m̀jɛp nè jo nè nà' cu m̀ lisè moma yo, nə swi də bès tɛ nè ghaŋ cu m̀ lisè wùu yè'e bùu yà?

⁴ Kènə aco wù duk fa to moma yo mòk də, <Tse' vesə lis ya m̀ fis fa wu m̀ jɛp nè m̀ lisè wu> nà'a, ŋga ŋkəŋkùm jɛp nə jɛp cu ma m̀ lisè wù yè'sə va?

⁵ Wèŋ ŋgàa tè'èŋkup wèŋ, fis to le ntòjɛp nè ghaŋ nè m̀ lisè wù nà'a ŋkuŋ ya wu nə tse' mandzè ŋgòyə rì nè jo nè nà' cu m̀ lisè moma yo nə.

⁶ <<Kà də wu fa bùu sè wo bèn bum sè yà'a rərəŋ bə ma nè Nwì duk, bùusè wo nə kà yà' co yumok jə. Wo nə nəŋ bɛpsə yà' bə kù, nə bɛŋ ko wu là.

Mandzè Nè NgòTse' Yumok
(Luk 6:31, 11:9-13)

⁷ <<Lɛŋ Nwì ya yi nə fa wu, làap ya wu nə tse', kùum ya wo nə muk fa wu.

⁸ Busè ŋwè nè yi lɛŋ-a, ŋgèŋgàaŋ nə tse', ŋwè nè yi lap-a, ŋgèŋgàaŋ nə ye, ŋwè nè yi kum-a, wo nə muk fa ŋwè ànə.

⁹ Wèŋ sè wèŋ tè'ɛ bwe, mòk cu yo nè ŋga mo ye lɛŋ-a bɛŋ, yi fa nà' l̀is à?

¹⁰ Kènə mòok yo nè mo ye fek-a də nà'a fa yi fuk, nà' fa yi no-ɛ?

¹¹ A ye-a ŋga wèŋ sè wèŋ bɛp yè'e riŋ ŋgòfa bwe awèŋ bum sè bəbɔŋ, ye də aco Tè' nè m̀bu

nə, nə fa bum sè bəboŋ bohòbùu sè wo lɛŋ yi sè wèŋ wùriŋ.

¹² Bum yè'sə də yusè wu dzəm-a də bwiiŋ gɹ fa wu, wù gɹ fa wo sè' vɛ'nə. Yà'a yusè lùuk Musi bə ncèep ŋgàa tsòhòbum Nwì wèŋ pwe' sə cèp vɛ'nə.

*Mandzè Lùŋ
(Luk 13:24)*

¹³ <<Ni mvwe' ncùu ŋka' sè yà'a fəferè yà'a, bùusè ncùu ŋka' sè wèwèŋ sè yà' tse' mandzè nè bəboŋ yà'a, a mandzè kpɹ. Bwiiŋ ŋkùuŋ sè wo sè yù lònà'.

¹⁴ Ncùu ŋka' lùuŋ fəferè, mandzè nə gɹŋ te'lə sè' nèbɹp. Bùu sè wo yə mandzè ènə, wo moòm gha bùè.

*Rì Tɹ Bə Nto'o Ye
(Mak 1:22; Luk 6:43-49, 13:25-27)*

¹⁵ <<Wèeŋ jəŋ ŋkərə bohòbùu sè wo sə gù basè də wo ŋgàa tsòhòbum Nwì yà'a. Wo vèə, wù sə ye mɹŋgùpni' də a nsùŋgəŋ ŋga wo ma ndzə tsətsə'rè furù' nè bɹp.

¹⁶ Wèeŋ nə riŋ wo bə nsàp mandzè nè wo sə gù bum awo. Kaco lèmu zəm yuk mɹnə ntwinènɛ' yeŋ, nə ye sè' də kaco wo kwiiŋ yuk pià mɹnə ndi'ntsəə sè' yeŋ.

¹⁷ Tɹ sè bəboŋ pwe' zəmgè nto'o sè bəboŋ. Tɹ sè bɹp zəm sè' nto'o sè bɹp.

¹⁸ Kaco tɹ nè bəboŋ zəm nto'o sè bɹp yeŋ. Tɹ nè bɹp kà nto'o sè bəboŋ sè' zəm bwiiŋ.

¹⁹ Tɹ nè fòpwe' nè nà' ka-a nto'o sè bəboŋ zəm, wo gwɛ' mak nà' sə nze, nə te' tɛŋ gesə nà' sə misə.

20 Nà'a njo nè mù duk wèŋ də wèŋ nə riŋ bùu sè wo sè gù basè də wo ŋgàa tsòhòbum Nwì sè wèŋ bə nsàp mandzè nè wo sè gù bum awo sè.

21 <<Ka də ndàaŋwè pwe' nè yi togè mɔ də Tàa nè kè ni mvwe' gaŋ ŋkum sè mɔbu sè yeŋ. A nè kè ni mbwa ŋwè nè yi sè gù yusè Tè' am nè mɔbu nə sè dzəm də ŋwèe gɔ.

22 Nùmbu sak nzak kè dzèŋ nùu fana bwìŋ ŋkùuŋ nə sè kə dɔhɔ fa mɔ duk də, <Tà, Tà, mù də vès à sè cèp bum Nwì bə liŋ yo àlaa. Vès à bɛ' fis fa bwìŋ yòŋsəə ze' wèŋ bə liŋ yo, nə sè gɔ bum maŋgəŋgèŋ sè' bə liŋ yo.>

23 Mɔ nə tsok fa wo də, <Coho gesə lo ŋgɔ ni'ì mù fo', mù ka wèŋ co bùu am riŋ yuk. Wèŋ ŋgàa gù bɔp wèŋ.>

24 <<Ŋwè nè yi yuk-a ncèp àm nè mù cèep, nə gɔ mvè'nè mù duk sè, fana ye də yi co ŋgà ŋkərè nè yi à bom ndap ye mɔnə lis.

25 Yi ànə ci nà' mbwa fana mbùŋ li, ndzəp rwiŋ bə fèfè wèŋ pwe' bwi' ndap nə, nà' kà gbù bùusè wo à ci nà' mɔnə lis.

26 Nə ye sè' də ŋwè nè yi yuk-a ncèp àm nə, nə kà mvè'nè mù duk sè gù fana ye də yi ye co ŋwè nè ləm nè yi à kè ci ndap nje mɔnə ŋgwansa.

27 Yi ànə ci wes nà' fana mbùŋ li, ndzəp rwiŋ bə fèfè wèŋ kə bwi' ndap nə nà' gbɔ. Gbù nè nà' à gbùu nə à ka gbù nè jo yeŋ.>>

28 Jisòs ànə cep wes bum yè'sə fana maŋgo bù nè nà' ànə ye fo' nə à sèeŋ mam təəŋ bə nsàp yəyərè nè wo yuk nə.

29 Wo à sèeŋ vɛ'nə bùusè yi à sè yərè ye sè zok co ŋwè nè yi tse' ŋàŋ. Yi à ka ye sè co bùu

sè wo yè'rə fagè bwìŋ lùuk Musì wèn yà'a yeŋ.

8

Jisòs Mèsə Fa Ngà Kuturu Yiya Ye (Mak 1:40-45; Luk 5:12-16)

¹ Jisòs ànə sə tsoon mündahà anə fana maŋgo bù mòk yuŋ yi ve'ε nèbap.

² Anə geŋ, ngà kuturu nəmòk və, nə kə buhu kə mantombii Jisòs, nə duk fa yi də, <<Tà, a bò-a wu co wù tesə mu na, wù gu fa mu yiya àm nè'e me.>>

³ Yi ànə duk ve'nə fana Jisòs fis bo, nə jweŋ nà' bə zeŋ. Yi à sə jwèŋ nà', yi sə duk də, <<Mù dzəm laŋ, yiya yònə nà'a me.>> Yiya ye nə à mè mègù fo' sè' ghà ànə.

⁴ Yi duk fa fe'lə nà' də, <<Dù, nə kà nwè nəmòk tsè' fa swì. Cà lògù bohòngà fa satikà', nə ni fa yi ni' yò, yi kək ja'a wu. Yi kù' mèsə, wù fa fəfa nè Musì à duk nə, ngònì tsè' fa bwìŋ də yiyaŋ yòà mè laŋ.>>

Jisòs Bə Nkum Sojà Mòk *Nè Nwè Lakmvum* (Luk 7:1-10)

⁵ Jisòs ànə və mvwe' lak Kàpanùm. Mvè'nè yi à ni və ntèŋ, nkum sojà mòk kə tseŋ yi matsə, nə sə leŋ nà'.

⁶ Yi sə duk fa Jisòs nə də, <<Tà, mo mòk nè vesi cugèə yi sə tesə mu bə fàk, yi nòyiyaŋ nda'à mù anə ve'ε nè co wù kà cèp to. Yiya nə a kpəsə yi ni' nsàp nè co yi kà bùuŋ lok.>>

⁷ Jisòs duk fa ngà' nə də, yi nə və kə gu mo nə ya nà'a guŋ.

⁸ Nkum sojà nè duk dè, <<Hai', kà wù vè Tà, bùsè mù ka kèkurè co wù kè ni munda'à mù yeŋ. Cep megu le bə cù fana ya mo fàk àm nè nè guŋ.

⁹ Mù rì ve'nə bùsè mù yè'sə ɲwè nè mù tse' ɲkwàha bùu mok mantombii mù sè mù sə yuk bohòwo sè'. Sojàa mok cu sè wo yukgè yàwo bohòmù sè' yo. Aco mù to mòk duk dè, <Vèə>, yi və. Mù duk fa mòk dè <Lòfa'>, yi geŋ. Nè duk fa mali mòk dè <Gù yu yè'e>, yi gu yà'.>>

¹⁰ Jisòs ànə yuk yusè yi à cèep fana yi mərə, nè duk fa bohòbùu sè wo à yù vè yi fo' sè dè, <<Mù sè tsè' fa weŋ ɲkèm duk dè, a mègù-a sè mətsetsə'rəə bùu Izùre ma, mù ka ɲwè nəmòk fo' nè yi tse' nsàp dzədzəm nè dè aco mù gu to fàk bə ncèp cù àm ye yuk.>>

¹¹ Yi duk fe'lə dè, <<Mù sè cèp zinə dè ntsə' dinà nè mvwe' gaŋ sè mubu sè kè wès numbu nè fana bwiiŋ nè və mvwe' bòop lak sè wo tse' ɲgwii bwiiŋ fo' zəzok, nè kə zə be'lə bə Abrahàm wèŋ. Wo zə be'lə bə Azik nè ye Jàkop wèŋ bəbè'.

¹² Wo nè zə fo' ve'nə ɲga bùu Jus sè a nè ye co wo zə fo' le wo sə, wo nè bə' fis gesə wo sə mbiŋ mvwe' ndzəm. Wo nè cum ca sə waŋ, nè sə zə nzòŋ.>>

¹³ Jisòs bùuŋ duk fa bohònkum sojà nè duk dè, <<Bwii fohò lòlak. Mvè'nè wù dzəm tse' sè ntùù wù yà'a, yà'a nè ye sè' ve'nə.>> Yiya mo ɲgà' nè à mè gù sè' ghà nè wo à sè cèep nè.

*Jisòs A Guŋsə Ngàa Yiyəŋ Nkùuŋ
(Mak 1:29-34; Luk 4:38-41)*

14 Jisòs à kə ni munda'à Pità, nə tseŋ malii nà' mbwa ŋga yi nònze bə yiyaŋ.

15 Jisòs jweŋ bo ŋwà nə fana yiya nə me. Njwà nə lokok, nə lap fa wo zuzɛ.

16 Numbu ànə à ye ŋga nùm sə co tsə lòo fana wo jə və fa yi bùu sè wo à tse' yòŋsəə ze' ndzə ni'i wo vɛ'ɛ wùriŋ. Yi à cèp gù ncèp mò'fis, nə bɛ' fis wes ze' sə bə zeŋ pwe'. Yi à gũŋsə bùu sè wo à sə yaya wèŋ sè'.

17 Yi à gù vɛ'nə ya yusə Izayà ŋgà tsòhòbum Nwì ànə ceep bùuŋ və zìnə. Izayà nə ànə cep duk də, <<Yi a jə lògesə wòwoo avès bə yiyaŋ avès yi bə tu ye.>>

*NgòBɛ' LòJisòos Gũgũŋ
(Luk 9:57-62)*

18 Jisòs ànə ye mvè'nə bwìŋ mà ŋgɛ ni'i yi wùriŋ fana yi duk fa ŋgàa fàak ye wèŋ də bə yà'wèŋ to lo ŋkùp ndzəp mamòk.

19 Fana ŋgà' nəmòk nè yi ŋgà yə'rə fa bwìŋ lùuk Musi caŋ və, nə kə duk fa nà' də, <<Cicà, mà dzəm də mɛ nə bɛ' lo wu ma nè fòlòŋ fo' nè wù sə lòo.>>

20 Jisòs duk fa nà' də, <<Còp wèŋ tse' mvòk co wo cum ca, swìŋ wèŋ tse' ndap awo fana màu mo ŋwè mù ka mvwe' sè co mù nonjsə tsoŋ tu am nə noon yonjsə tse'.>>

21 Ngà fàk nəmòk duk fa yi də, <<Tà, mɛ foho lo-a maŋkwèŋ, nə kə tuuŋ tɛ' lam ŋkuŋ è.>>

22 Fana Jisòs duk fəsə fa nà' də, <<Yuuŋ və mɛ, nə me'rə bùu sè wo kpɛ laŋ wèŋ tuuŋ bù kpɛkpɛ awo.>>

Jisòs Gù Fəfə Nà' Tenşə
(Mak 4:35-41; Luk 8:22-25)

23 Jisòs ànə ni lo sənə ɲɠwes nə fana ɲɠàa fàak ye wèŋ sə yuŋ lo yi sè'.

24 Mvè'nè wo à sə lòo, fəfə nè bup cwɪŋ və ye mɔ ndzəpə anə. Nà' sə bwi'lə kɛ' ɲɠwes nə, ndzəp sə ci ni lo ca nsàp nèbup. Yè'sə à sə ye vɛ'nə lòoŋ ɲɠa Jisòs nə sə dzəm ye lo.

25 Wo à kə to yəmsə yi, nə duk fa yi də, <<Tà, vesùwèŋ sə kpu yè'e kpu.>>

26 Yi duk fa yà'wèŋ duk də, <<Wèŋ wəp yè'sə yà, wèŋ ɲɠàa dzədzəm moòmjo wèŋ.>> Yi à duk vɛ'nə, yi lokok, nə duk fa fəfə nə ye ndzəp nə də, <<Tenşə, nə kà mok cà fe'lə.>> Yi ànə cep ntèŋ, bum pwe' tenşə, ci'i təŋ fo' wumm.

27 Bùu sə wèŋ à mərə vɛ'ɛ, nə duk də, <<Nè'e nsàp ɲwə nè fò, fəfə bə ndzəp wèŋ sə yuk yi ɛ?>>

Jisòs Gũşə Bwìŋ Ba
Sə Wo Tse' Yòŋsəə Ze'
(Mak 5:1-20; Luk 8:26-39)

28 Yi ànə to tesə lo nto ndzəp ma nja fana yi tesə və mvwe' lak Gadàrin. Bùu səmok wèŋ à kə tsèŋ yi bwìŋ ba. Bùu yè'sə wèŋ ànə tse' yòŋsəə ze' ndzə ni'i wo. Wo à sə cu mvwe' sè wo tuuŋgè bwìŋ. Yòŋsəə ze' sə à sə gù wo, wo bup ntum vɛ'ɛ nsàp nè co ɲwè kà mandzə ma nè wo cu nə cà.

29 Wo ànə ye Jisòs ntèŋ, wo cep torə fis duk də, <<Mo Nwì, wu làp bohòvès yà? Wù vè də wu sə kə fa ves ɲɠə' ɲɠa mvək nə ka ntòkərə à?>>

³⁰ Anə ye nga bòp ngùnaŋ mòk nè ghaŋ à sə zu ke'cà mɛmvwe' nəmòk fo' sè moòm sèsap.

³¹ Fana ze' sə leŋ Jisòs də a ye-a nga nà' də nà'a be' fis wo àɛ, nà'a duk də wo kə ni ndzə ni'ì bòp ngùnaŋ yà'a.

³² Jisòs duk fa yà' də yà'a geŋ. Wo tesə, nə kə ni ndzənə ngùnaŋ sə. Ngùnaŋ sə pwe' à ca durə tsə ndzə baàŋ anə, nə kə gbɛ ni sənə ndzəp Galili nə, nə kpɛ wes ca pwe'.

³³ À nə ye vɛ'nə fana, bùu sè wo à sə gùmsə ngùnaŋ sə wèŋ carə lo yàwo sə mɛ ntòlak anə fana nə tsoho fa bwìŋ yusè yà' anə ye sə pwe'. Wo à tsè' bwìŋ yusè yà' anə gù ngàa yòŋsəə ze' wèŋ sə sè'.

³⁴ Bùu sè mɛ ntòlak sə pwe'fo' à tesə vè ngòkə yə Jisòs. Wo ànə ye yi fana wo leŋ nà' də nà'a lo gesə mvwe' lak awo fo'.

9

Jisòs Gũŋsə Nwè Nè

Yi À Bù'rə

(Mak 2:1-12; Luk 5:17-26)

¹ Jisòs à ni sə ngwesè, nə to tesə lo ntondzəp ma nè nja, nə tesə və mvwe' lak ye.

² À kè dzèŋ fo' fana bùu sə mok wèŋ bək jə və fa yi nwè nəmòk mukèhe nga ngèngàŋ à bù'rə bù'rə. Jisòs à yə də wo tse' dzədzəm nè də aco yi gɛ yiyaŋ nwè nə me. Yi duk bohòŋwè nè yi kà gígè nə də, <<Mo àm, kà wəp, mà swì fa wu bɛp yo laŋ.>>

³ Ngàa yè'rè fa bwìŋ lùk mok wèŋ à ye fo', nò yuk yusè Jisòs cèp yè'sə. Wo duk sè vèə wo də, <<Nwè ènə sè gù bupsə liŋ Nwì wà.>>

⁴ Jisòs riŋ yusè wo sè tsərə sè ntùù wo sè, nò duk fa yà'wèŋ də, <<Wèŋ sè tsərə nsàp bup ànə sè ntùù wèŋ vɛ'nə bùu yà?>>

⁵ Co johò gha' yè'e nə ngòduk də, <Mù swì fa wu bup yòlan>, kè nə ngòduk də, <Lòkok mɔtsə, nə gi lo yuyo> ɛ?

⁶ Fana mɔ nə niŋ fa wèŋ də mùu mo ŋwè, mù tse' nàŋ sè nze ngòswì fa bwìŋ bup awo.>> Fana yi duk fa ngà' nə yi kà gìgè nə də, <<Lokok, te' kəà yò, nə lo la'à wù.>>

⁷ Jisòs à duk vɛ'nə, yi lokok, nə lo yuye.

⁸ Bùu sè wo à ye fo' sè à yə vɛ'nə fana wo wəp, nə kuksə Nwì nə yi a fa bwìŋ nsàp nàŋ ànə.

Jisòs To Màtiyò

(Mak 2:13-17; Luk 5:27-32)

⁹ Jisòs ànə casə fa'nə fana yi ye ŋwè nəmòk nə liŋ yee də Màtiyò. Yi à yə Màtiyònə ŋga nà' cu mwwe' sè wo là'gè mbàam tas fo'. Jisòs duk fa nà' də, <<Bɛ' və mɔ.>> Yi à lòkok, nə bɛ' lo nà'.

¹⁰ Jisòs à kə cu munda'à Màtiyònə ngòzɔ zuzɔ mbwa. Ngàa ko mbàam tas bə bùu sè wo ngàa gù bup wèŋ à kə cu be'lə bə nà' nə ye ngàa fàak ye wèŋ.

¹¹ Bùu Farasi wèŋ ànə ye vɛ'nə fana wo fek ngàa fàak Jisòs sè wèŋ də, <<Cicà àwèŋ nə sè zɔ be'lə zuzɔ bə ngàa ko tas, nə ye bùu mok sè ngàa gù bup wèŋ bùu yà?>>

12 Jisòs à yuk fana yi duk fa yà'wèŋ də, <<Bùu sè wo ka yiyaŋ tse', wo kà doktá làpǵè. A làp mègù doktá ŋwè nè yi sè yaya.

13 Wèeŋ mum vèm bə ncèp nè wo à còm nà' ndzənə Nwàk Nwì də, <Mù dzəm ghak yàm ntum nè nà' tse' koksèmanziŋ nə nonşə ŋgòfa satikà' nè lùk sə dzəm.> Mù duk ve'nə bùusè mù à ka bùu bùu sè bəboŋ wèŋ və, mù à vè ŋgòto bù ŋgàa gù bap wèŋ.>>

Nzak Dzè Zuzɔ
NgòKùksə Nwi
(Mak 2:18-22; Luk 5:33-39)

14 Ngàa fàak Jon wèŋ à vè kè fek Jisòs də, wo bə bùu Faràsi wèeŋ dzègè zuzɔ nùumbu mok, nə sə gu pìriyà, ŋgàa fàak ye kà yàwo gù yè'sə bùu yàɛ?

15 Yi duk fəsə fa yà' də, <<Aco bùu sè wo vè mvwe' sè wo sə zɔ bum gù wèŋ dzə zuzɔ à? Ka ve'nə sè yeŋ. Mvèk nəmòk cu nè wo nə jəŋ gesə lo ndugù nə, fana bùu sə nə dzə zuzɔ mvèk ànə.

16 Wèeŋ yuk-a, kaco ŋwè jəŋ cək nè fi, nə te' lok cək nè nà' vèp laŋ bə zeŋ yeŋ. Busè nè fi nə nə saha tesə ndzənə nè zəm nə fana yam ghak wesə ŋga'a mvwe' sè nà' sàha maŋkwèŋ sə.

17 Yumook sè' də wo kà dzè rùk sənə bès nè zəm kep gèsègè, bùusè yà'a nə duk, nə vok bès nə. Fana rùuk sə nə bap bə bès nə mwè. Bògha' ɛ də wo gesə dzè rùk sənə bès nè fi ya rùuk sə bə bès nə pwe' cum fo' bəboŋ.>>

*Jisòs Gũṣə Nwà Nè Nà' Jwèṅ Yi Cèk Nə Luṣə
Mo Jairòs
(Mak 5:21-43; Luk 8:40-56)*

¹⁸ Jisòs ànə sə cep mali bohòwo ntòvɛ'nə fana ṅkwà' ṅwè nəmòk nè mùmɔvwe' ndap pìriyà bùu Jus wèṅ və kə tseṅ yi fo'. Yi təəṅ mantombii Jisòs bə tumfərə, nə duk fa nà' duk də, <<Mo àm nè ṅwàṅwè kpɔ fana kwəkwè' vəə, nə kə naaṅ fa yi bo yo ya yi luṅ sèmok.>>

¹⁹ Jisòs à lòkok, nə be' lo yi. Ngàa fàak Jisòs sə wèṅ à yù lòwo sè' fo'.

²⁰ Anə geṅ, ṅwà nəmòk nè nduəm à sə ca yi ndzə ni'ì mənə lùumṅòṅ hum-ncòp-ba à nee vè fə ṅkwèṅ Jisòs, nə jwèṅ gesə cù cèk nà' bə bo.

²¹ Yi à jwèṅ nà' ṅga yi sə tsərə sə ntɔ̀ yi də, a ye-a ṅga yi jwèṅ megu-a cù cèk nà' nə àlɛ, yiya ye nə nə me.

²² Jisòs à bùuṅ kù' ṅwà nə. Yi à yə nà', yi duk fa nà' də, <<Ko ntum njè'gù. Dzədzəm yònè wù tse' nə gũṣə wu laṅ.>> Yi à duk mèsə vɛ'nə ntèṅ, yiya ṅwà nə me gu sè' fo' ghà ànə.

²³ Jisòs ànə kə ni munda'à ṅkwà' ṅwè nè nà' anə to yi nə fana yi ye bù ṅgàa kà kpɔ wèṅ ṅga wo rwiṅ fo' hip. Wo sə fəəp ṅkii kpɔ bə ntàṅ, nə sə kɛ'ṅgùṅ.

²⁴ Yi duk fa yà' də, <<Wèṅ tesə sə mbi pwe'. Mo ènə ka kpɔ, yi sə dzəm mègù lo.>> Wo à yuk vɛ'nə fana wo ywi'lə yi swee.

²⁵ Wo anə fis wes bùu sə wèṅ sə mbi anə fana yi ni lo munda'à anə, nə kə ko bo mɔṅwà nə. Yi à ko bo nà' sə vɛ'nə fana nà' lokok.

²⁶ Yusè yi à gù yè'sə à yuhu mvwe' lak sè fo' sè pwe'fo'.

Jisòs Gũṣə Ngàa Ntwì Lis Wèṅ Ba

²⁷ Jisòs à mè'rə fa'nə, nə sə lo fana ṅgàa ntwì lis mok wèṅ bwìṅ ba və, nə sə waṅ torə yuṅ yi. Wo sə duk də, <<Mo Devid, koksə-a manziṅ bohòvès-è.>>

²⁸ Yi ànə kə ni munda'à fana bùu sè ba sə wèṅ kə tseṅ yi mbwa. Yi fek yà' də yà' dzəm sə ntuù yà' də aco yi gu to nsàp fàk ènə àlè? Bùu sə də hòli, Tà.

²⁹ Fana yi jwəṅ lis yà'wèṅ sə bə bo ye. Yi à sə jwèṅ yà', yi sə duk də, <<Yà'a ye bohòwèṅ sè' mǎmvè'nə wèṅ dzəm tse' sə ntuù wèṅ sə.>>

³⁰ Lis awo sə à mùhu. Anə geṅ Jisòs cèp bohòwo vè'è gũgũṅ də yà'a kà ṅwè nəmòk tsè' fa swì.

³¹ Wo à lòyàwo, wo to lo liṅ nà' sə mvwe' lak yà'sə vè'è pwe' nə pwe'.

Jisòs Gũṣə Ngà Kà Cù Cèp Nəmòk

³² Bùu yè'sə wèṅ à sə tesə lófana bùu mok wèṅ jə və fa Jisòs ṅwè nəmòk ṅga yi kà cù cèpḡè. Yi à sə kà cèp vè'nə bùusè yòṅsè ze' à cu ndzə ni'ì yi anə.

³³ Jisòs ànə bə' fis ze' nə ntèn, ṅgà' nə yeto ṅgòcèp cù. Bùu sə wo à ye fo' sə à mərə. Wo duk də, <<Vès ka yàvès yumok mvwe' nzeṅgòn Izùre mǎmvè' nè'e nùmbu mòk ntòye yuk.>>

³⁴ Bùu Faràsi wèṅ duk yàwo də Jisòs sə bə' fis ze' sə bə ṅàaṅ sè sə fa yi yà' ṅkum ze'.

Jisòs A Tse' Kosəmanziṅ BohòBwìṅ

³⁵ Anə geŋ Jisòs ke' ke' fo' mvwe' buhu lak sè jo bə sè ghaŋ wèŋ pwe'. Yi à sə yə'rə ke' məmve' ndaap piriya wèŋ, nə sə tsoho fa wo Ntirè nè Bəboŋ bə nzak gaŋ ŋkum Nwi. Yi à sə gù lòbù ŋgàa yiyaŋ wèŋ gəŋ. Sè yà' sə ya bə nsàp yu yà lòŋ yi gəŋsə yà'wèŋ.

³⁶ Yi à kək ja'a bùu sè wo à mà fo' fana manziŋ ko yi wuriŋ bùusè bùu sə wèŋ à cu ncu ŋgə', ŋwè nè co nà' tesə wo ye bùè. Wo ye co nsùŋgaŋ sè wo sə jàm ke' jì ganakù'.

³⁷ Fana yi cep bohòŋgàa fàak ye sə wèŋ duk də, <<Nzum sə ŋkùuŋ, ŋgàa kəkəp sə ye ŋga'a kə jo.

³⁸ Wèŋ ləŋ bohòTà ŋgà nzum nə ya yi tumsə vesə bùu sè co wo kəp.>>

10

Jisòs Swè'fis Bùu Ye Mok

Hum-ncòp-ba NgòYe

Ngàa Ntum

(Mak 3:13-19, 6:7-13; Luk 6:12-16, 9:1-6)

¹ Jisòs à to benə ŋgàa fàak ye sə hum-ncòp-ba, nə fa yà'wèŋ ŋàŋ ŋgòbe' fis fa bwìŋ yòŋsəè ze'. Yi à fa yà' ŋàŋ ŋgògəŋsə bùu sè wo tse' nsàp yiya nè fòpwe' sè'.

² Liŋ ŋgàa ntum ye wèŋ sə hum-ncòp-ba sə də ve'ε: Saimù nè liŋ ye mook də Pità, Andrù moma Pità nə. Jem nè liŋ tè' yee də Zebèdi. Jem nə à ye bə moma ye Jon sè' bwìŋ ba.

³ Filìp, Bətòlomì, Tomos, Màtiyònè ŋgà ko mbàam tas, Jem mòk sè' nè liŋ tè' yee də Alfòs, bə Tàdiyòs.

4 Saimù nè yi à ye mòk bə bòp bù nè wo togè wo də Kenènat. Nə ləsə Judàs Iskarəyà nè yi ànə seŋ Jisòs nə.

5 Jisòs à tumsə bùu sè hum-ncòp-ba yè'sə, nə tipsə yà'wèŋ dək də, wo kà bohòbù lakmvum nə ye bùu nzeŋgòŋ Sàmàriyà wèŋ lò.

6 Yà'wèŋ lo ɛ bohòbù Izùre wèŋ sè wo co nsùŋgaŋ Nwì sè wo ànə jàm bisə jàmə.

7 Yà'wèŋ lòo, yà' tsoho lo nzak Nwì də gaŋ ŋkum sè mubu sə yà' kəp ɲòye sə nzeŋgòŋ feŋ laŋ.

8 Də wo gũŋsə ɲgàa yiyaŋ wèŋ, nə lokoksə bwìŋ mvwe' kpɛ, nə mesə fa ɲgàa kuturu wèŋ yiyaŋ awo, nə be' fis fa bwìŋ yòŋsəə ze' ndzə ni'ì sè'. <<Nàaŋ sè mù fa weŋ yè'sə, wèŋ ka yà' ywiwiyiŋ, ye də wèŋ gɛ fa lo bwìŋ sè' wà.>>

9 Yi tsok yà' sè' də yà'a cu ɲgòlòo, yà' kà mɛzəp mbàm sè' jə tse' lò.

10 Wo kà bàm rìp, kà cək nè ɲgòkə ni kupsə jə tse', kà kùuŋgùp kè a megu-a sè ntumbàŋ jə tse'. <<Mù də wèŋ kà bum yè'sə jə ve'nə bùusè mvwe' sè ɲwèe fàa', yi zɛ sè' fo'.

11 Wèŋ kè ni-a mvwe' lak sè ghaŋ kè mubuk lak nè jo àlɛ' pwe', wèŋ lap kɛ'ca fo', nə ye ndap ɲwə nè yi tse' ntum nè bèboŋ, nə cum fo'. Mvwe' lak sè mò'fis, wèŋ kà ndap kupsə tè wèŋ tesə mvwe' lak yà'sə.

12 Mvè'nè wèŋ ni lòm mvwe' ndap nə fana wèŋ cepsə wo fo' pwe' də, <Fifi ye bohòwèŋ.>

13 A ye-a ɲga wo jə weŋ co bwìŋ, wèŋ me'rə fa wo fifi awèŋ nə. A kà-a ve'nə ye, fifi àwèŋ nə bwi fohò və fe'lə bohòwèŋ.

14 A ye-a nga ηwè nèmòk ka wenj mvwe' ndap ye kè lak awo dzəm kè də wo kà-a yusè wèη sə cèep sə yu'rè fana wèη kè'sə mak mfəmfiə kùu awèη fo', nə ca be' mandzè.

15 Mɯ tsè' wenj də a ye-a nga bòp lak mòk gɯ-a vɛ'nə fana nùmbu nè wo sak nzenḡòη, boη ghak ηḡə' nè lak Sodòm bə Gòmora nə noηsə nè njàwo nə.>>

Ngə' Nè Nà' Cu Mantombi
(Mak 13:9-13; Luk 21:12-17)

16 Jisòs à duk fa wo də, <<Wèη jəη ηkərə bùusè mù sə tum lòwèη yè'sə co nsùḡḡaη mɯtsətsə'rəə furùk wèη. Fana a bəboη də wèη kərə co no, nə kà yumok bəpsè co bùη.

17 Wèη nə sə kək kù'ɯ, bùusè bwìiη nə ko lo wenj mɯ kaηsurù, bùu sè wo tse' ndap piriya wèη nə ləp wenj mɯnə ndap piriyaà sə sè'.

18 Wo nə soη dapsə lo wenj mantombi ηkwàha bùu gomè bə ηkəηkum wèη bùu mù. Anə ye vɛ'nə ya wèη tsoho fa wo nə ye bùu sè wo ka Nwì riη sə wèη ncèp nè njàm.

19 A ye-a nga wo ko lòwu, kà də wu sə jik də wu nə cep valɛ kènə də wu nə duk də yàɛ duk. Mɯ duk vɛ'nə bùusè yusè wu nə cep sə nə və kè cùhu wù ghà nè wù sə də wu cep nə.

20 Busè yusè wèη nə sə cep sə, nə kà sè yàwèη ye. Yòηsè tè' awèη nə nə sə cep casə bohòwèη anə yi.

21 <<Mvèk ànə nə ye, bwìiη nə fa bwema awo də wo zə yà'wèη. Tè'ɛ nə gɯ bohòbwe awo sè'

ve'nə. Bwe wèen nə ɣɛn tu nə lap mandzè ɲòzè tɛ' awo sɛ'.

²² Bwìɲ pwe' nə beɲ wen ɲjo liɲ am sɛ. Megu də ɲwè nè yi tɛəɲ-a ɣuɣɲ tètè nə kə ləsə, fana nà'a yi nè yi nə tse' lùɲ.

²³ A ye-a ɲga wo fa ɲgə' mvwe' lak mok fana wèɲ caɲ lo mvwe' lak mok sè zok. Mɛ duk ve'nə bùusè mù rì də wèen nə kà fàak awèɲ sè wèɲ tse' ɲgògù mvwe' lak Izùre sɛ mèsè ɲga mù mo ɲwè mù bwì foho vè laɲ.

²⁴ <<Wèen yuk, kaco mo sùkuù mòk yam ɣhak cìcà ye yeɲ. Kaco ɲkwèɲ mòk yam casə ɲwè nè yi sɛ fàk ɲkwèɲ bohònà' nə yeɲ.

²⁵ Nə yeè nə ve'nə fana mo sùkuù tse' ɲgòkwa ɲga yi kə dzeɲ-a co cìcà ye, ɲgà fàk ɲkwèɲ kwa ye sè' wup, ɲga yi dzèɲ co ɲwè nè yi sɛ fà' bohònà'. A ye-a də wo to fa ɲwè nè yi tu ndap nə liɲ də Bezebù, ɲkum ze', ye də wo nə to bùu sè mɛmvwe' ndap ànə lònɲ bə liɲ sè yà' bɛp càsə sè də Bezebù sɛ.

*ɲwè Nè Aco Wèɲ Wəp Yi
(Luk 12:2-9)*

²⁶ <<Nə yeè nə ve'nə fana kà də wèen wəp ɲwè duk. Búsə yusè wo sès lok-a yà' pwe' nə yəhə ntsə'mòk jəja. Yusè yà'a səswihi pwe'fo', bwìɲ nə riɲ yà' ntsə'mòk.

²⁷ Yusè mù tsè' fa weɲ ndzə ndzəmè wèɲ tsok yà' maràɲ. Yusè wèɲ yuk yà' mvwe' səswihi, wèɲ fuɲ yà' mɛ ndùndap.

²⁸ Kà də wèen wəp ɲwè nè aco yi zə ɲgùpni' yò, nə kà yòɲsè zə to nè'e duk. Wəp lɛ Nwì nè

aco yi gu bupsə to ni' yòbə yònsə yòba fo' mvwe' ɲgə' nə sə misə.

²⁹ Njoroŋ sə aco wù ywiŋ ba dolà ba yè'e kaco mòk gbɛ tsooŋ sə nze ɲga tè' awèŋ ka bə zeŋ riŋ yeŋ.

³⁰ Bohòwù nè wu yòŋwè, riŋtse' də nùəmtu sə mətuhù wèŋ yà'a pwe' yi a ta yà' taa.

³¹ Fana kà də wèeŋ wəp duk, būsə wèŋ gha' njoroŋ sə wèŋ.

Wu Dzèeŋ-a Jisòs
Yi Dzeeŋ Wu Sə'

³² <<Ye də bə bum yè'sə, ɲwə nè yi cep fis-a jəja mvwe' bwìŋ də yi ɲwə àm fana mɛ nə kə duk fa yi sè' vɛ'nə mantombii Tè' àm mɛbu.

³³ Yà' ye sè' də a ye-a ɲga ɲwə nəmòk dzeeŋ mɛ mantombii bwìŋ də yi ka ɲwə àm yeŋ, ye də mɛ nə dzeeŋ yi mantombii Tè' am nè yi mɛbu, nə də mù ka yi sè' riŋ.

Mù Ka Fifi Jə Və,
Mù Jə Və Dzè'
(Luk 12:51-53, 14:26-27)

³⁴ <<Kà də wèeŋ tsərə də yusə mù a vè ɲgògù sə nze fɛeŋ nə jə və gu fifi duk. Mù a ka fifi jə vè, mù a jə vè fèk dzè'.

³⁵ Mù a vè ɲgòlòkoksə mwe ɲgòlù bə tè' ye. Mo nè wà'ɲgwèŋ ɲgòlù bə ma ye. Yep bwe wèeŋ nə lɛ bə malii awo sè'.

³⁶ ɲwə nè yi nə beŋ wuu nə ye sè' ɲwə nè mɛ nda'à wù.

³⁷ ɲwə nè wu dzəm-a tè' yo kè ma yo àɛ nə casə mvè'nè wù dzəm mɛ, ye də wù ka yà'sə

kèkurè ngòye ñwè àm yeñ. Ye sè' dè ñwè nè yi dzəm-a mombam ye kè mo ñwàñwè nè casè mü ye dè yi ka yà'sè kèkurè ngòye ñwè àm sè' yeñ.

³⁸ Ñwè nè yi kà-a dè yi bæk jəñ ntəəñ ye ya yi bɛ' lo mü duk, ye dè yi ka kèkurè ngòye ñwè àm sè' yeñ.

³⁹ Ñwè nè yi lap-a dè yi nə tse' swe'e yòñsè ye yi fana yi nə bisè nà'. Ñwè nè yi jə yòñsè nè nje co yusè wà bùu mü fana yi nə tse' swe'e sè.

Lələk
(*Mak 9:41*)

⁴⁰ <<Ñga ñwè nəmòok jə-a weñ nə dè <Və bəboñ>, ye dè yi duk fa yà'sè bohòmè. Nə ye dè ñwè nè yi duk-a mü dè <Və bəboñ> ye dè yi duk fa yà'sè bohòñwè nè yi à tum mü nə.

⁴¹ Ñwè nè yi duk fa ñgà tsòhòbum Nwì dè <Və bəboñ>, bùusè nà'a ñgà tsòhòbum Nwì fana yi nə tse' lələk sè' co ñgà tsòhòbum Nwì. Ñwè nè yi duk fa-a ñwè nè yi kèkurè mülisè Nwì dè <Və bəboñ> fana yi tse' sè' lələk nè co ñwè nè yi kèkurè mülisè Nwì.

⁴² Ñwè nè yi fa-a bwe yè'e wèñ mòk ñgàp ndzəp nè fifi dè bùusè nà'a ñgà fàk àm fana mü tsok fa weñ zìnə dè kaco lələk ñgəñgəñ bisè yeñ.>>

11

Jon Tumsə Ngàa Fàak Ye
NgòFek Jisòs Yumok
(*Luk 7:18-35, 10:13-15*)

¹ Mvèk nè Jisòs ànə tip wes ñgàa fàak ye sè hum-ncòp-ba sè fana yi me'rə mvwe' yà'sè, nə

lo. Yi à lòo, nè sè kə yə'rə bwìŋ məm̀vwe' ndaap pìriyà bùu Jus wèn, nè sè tsoho lo fa bwìŋ Ntirè nè Bèboŋ nè məm̀vwe' buk lak sè Galili sè.

² Anə geŋ Jon yuk bə bum sè Jisòs nè yi Nkum ngà gèm bwìŋ nè à sè gùu fana yi tirə gesə lo fa nà' yumok cùhù ngàa fàak ye mok. Anə ye yè'sə nga Jon nè cu m̀ ndapndzəmè.

³ Jon nè də yà'a kə fek nà' də, <<Wu yà'sə ɲwè nè wo à duk də yi nè vèə nè kè, vèes kək də yi cu ntòzok-ε?>>

⁴ A kə dzèeŋ fana Jisòs duk fa wo də, <<Wèeŋ du, nè kə tsok fa Jon yusè wèn yuk, nè ye sè wèn yə bə lis awèn.

⁵ Bùu sè wo à loho lis sə yə fe'lə bum sè mok, bùu sè wo à nè sə ka gi sə gi. Ngàa kuturu wèn sə gũŋ, bùu sè wo à loho ntu' wèn sə yuk fe'lə bum. M̀ sè lòkoksə bwìŋ mvwe' kp̀, nè sè tsoho fa ngàa jìŋ wèn Ntirè nè Bèboŋ nè sè'.

⁶ Nə tsok ləsə fa yi də m̀ duk də, rɛŋsi bohòŋwè nè yi ka məm̀ərè sə ntùu yi bùu m̀ tse' lok.>>

⁷ Wo à nè bwi ɲkwèn də wo lòo, fana Jisòs nè ye ngòtsòho fa bùu sè fo' yumok bə liŋ Jon nè. Yi sè cep də, <<Wèŋ à nè lo ngəà fa' ngòkùk ja'a yà? A ye ngòkè ja'a ɲwè nəm̀ok nè yusè bwìŋ cèep, yi sè dzəm kɛ' gu yusè wo cep sə nduk à? Ka le vɛ'nə yeŋ.

⁸ Ye də wèn à lòŋgòkè yə yè'sə yu yà le? Anə ye də wèeŋ kə ye ɲwè nəm̀ok nè yi à nitse' cèək sè bèboŋ à? Nə yeè nè sè' də nsàap bùu sè wo nigè cèək sè bèboŋ yè'sə kà ngəà cugè. Wo cugè ma məm̀vwe' nto'o ɲkəŋkum wèn.

9 Ye dè wèṅ ànə tesə lo yè'sə ṅgògù yà? A ye ṅgòkə yə ṅgà tsòhòbum Nwì à? ṅ, a vɛ'nə zìnə, yi yam gha' ṅgà tsòhòbum Nwì nsàp nè wèṅ rì yàwèṅ anə laṅ.

10 Nà'a masinjà nè wo à còm nòṅsə bum mok ndzənə ṅwàk Nwì bə liṅ ye nə. Wo à còm də,
<Yee, mù tumsə lòmasinjà àm kə mantombii wù.
Masinjà àm nə nə gɸ tsə'rə nòṅsə fa wu mandzè
yo nə.> >>

11 Fana Jisòs nə cɛp mali sèmok də, <<Mù sə tsè' wèṅ yusè zìnə də bwe sè wo à dzə wo sə nzeṅgòoṅ fɛṅ pwe'fo', wo ka mòk nè yi càsə Jon ṅgà bàptesə bwìṅ ntòdzə. Yi ye-a sè' vɛ'nə fana ṅwè nè də yi jə'rə càsə gha' mvwe' gaṅ ṅkum Nwì yi nə yam gha' Jon nə.

12 Ye jəṅ ghà nè Jon à sə tsòho, nə sə bàptesə bwìṅ tè ṅgà'a, gaṅ ṅkum Nwì sə sə ni fɸ ntu'ù bwìṅ bə ṅàṅ wùrìṅ. Bwìṅ sə lè mègù bə ṅàṅ ṅkuṅ nə kə ni fo'.

13 Lùuk Musi bə ṅgà tsòhòbum Nwì wèṅ pwe' à sə cèp sè' bə nzak gaṅ Nwì yè'sə tètè ṅkuṅ Jon sə kə və ye maṅkwèṅ.

14 Nə ye də a ye-a də wèṅ dzəm bə zɛṅ fana Jon nə yà'sə Alajà nè wo à tsòho də yi nè vè ntsə'mòk nə.

15 ṅwè nè yi tse'-a ntu' ṅgòyuk bum fo', yi yuk.

16 <<Aco mɸ fɸhɸ ṅgwì bù nè niè' nə yè'sə bə yà lɛ-ò? Wo yè'sə co bwe mok sè wo tɸ mɸntɛɛṅ, nə sə duk fa ṅge' awo sè bə yà'wèṅ ṅàhagè jap də,

17 <Vès yəm ɲkii sè wo fisgè ɲwàɲwè fo', wèn kà dzeɲ nə kà. Vès yəm ɲkii kpɛ, wèn kà mbeɲ sè kom lok.>

18 Mù duk ve'nə bùusè Jon nə ànə və ye, yi kà rùk sə no, nə sə dzə zuzu. Bwiɲ à yə ve'nə wo də yi tse' yòɲsè ze' ndzə ni'i yi anə.

19 Mùu mo ɲwè, mù a vè yàm, mù sə zu beɲ, nə sə no rùk sè'. Fana bwiɲ a yə ve'nə, wo duk də, <Wèeɲ ye ɲgà no jùhù rùk bə tà zu bum kà ze' mòok nè'.> Wo to mɛ də ɲge' ɲgàa gù bɔp bə ɲgàa ko mbàam tas wèn. Mègù də yumok kè lègè ɲkuɲ bwiɲ riɲ də a bèboɲ kè bɔp àlɛ.>>

20 Yà'sə à mèe, Jisòs ye ɲga'a ɲgòyàk buhu lak sè yi à gù maɲgəɲgèeɲ ye fo', wo ye nə kà bɔp awo ɲkwèɲ bwiɲ fa sə.

21 Yi sə cep də, <<Lak Corazi bə lak Bèsadà, wèn cu bɔp. Mù duk ve'nə bùusè bùu lak Tayà bə Sidòɲ wèn ànə ye-a nsàap bum sè mù à gù tsè' fa weɲ yà'a wo bwèɛ wo a kupsə laɲ. A ye-a wo də wo a ni gàa cək, nə yok və ɲgònitsè' də wo kəàcù laɲ.

22 Mù sə tsè' weɲ də nùmbu sak nzak nè kè dzèeɲ, Nwii nə koksə ghak manziɲ bohòbùu lak Tayà bə Sidòɲ nə noɲsə wèn yè'e.

23 Wèn bùu lak Kàpanùm, wèn sə nè ni' co də wèeɲ nə kok lo mɛbu à? Wèeɲ nə lo tsətsoɲ mvwe' ɲgə' ve'ɛ bòn. Bum maɲgəɲgèeɲ sè wo à gù yà' bohòwèn yà'a ànə ye-a mvwe' lak Sodòm də bwèɛ lak awo sə cu mali niè' ntòfo'.

24 Mù sə tsè' weɲ də nùmbu sak nzak ye nùu, Nwii nə koksə ghak manziɲ bohòbùu lak Sodòm wèn nə noɲsə wèn.>>

*Vè Bohòmù
Nga Wu Cum Yonşə
(Luk 10:21-22)*

²⁵ Mvèk ànə à ye fana Jisòs cep fis də, <<Mù kwasə wu-o, Tè'. Tà mɔbu bə nè sə nzenḡon ba fo'. Wù a swìhi gesə bum yè'sə bohòḡgàa ḡkərè nè ye bùu sè aco wo rɛɛḡ bum wèn, nè niḡtsok fa yà' bohòbùu sè wo co bwenḡke' wèn.

²⁶ Hòli, mù kwasə wu Tè', bùusè yà' bòkok wu sə vèò wù də wu ḡu yà' vɛ'nə.>>

²⁷ Yi cep fe'lə sè' də, <<Tè' am a fa bum pwe'fo' ndzə bohòmù. Nwè nəmòk ka mwe nè riḡ, ri mèḡù Tè' nə. Nwè nəmòk ka Tè' nə sè' riḡ. Ri mèḡù yi mwe nə, nè ye bùu sè mwe nə dzəm də yi niḡ tsok fa yà'wèn sə.

²⁸ Wèn sè wèn fàak, nè wo sə, wèn və bohòmù. Wèn sè wèn bək bum sè rərwi', wèn və bohòmù sè' ya mɔ ḡu wən, wèn yonşə.

²⁹ Wèn yuḡ nsàp mandzè njàm, nè sə yə'rə jəḡ bum bohòmù. Busè mɔ fùè, nè tse' ntum nè bèboḡ. Wèn ḡu-a vɛ'nə ya wèn nè yonşə.

³⁰ Busè mandzè àm ka ḡuḡuḡ yən, nè ye sè' də bum sè mɔ nə naḡ mɔ tuhù wèn sə fufup.>>

12

*Jisòs Cèp Bə Nzak Nùmbu Dzè
(Mak 2:23-28; Luk 6:1-5)*

¹ Nùmbu dzè mòk à ye, Jisòs bə ḡgàa fàak ye wèn sə ḡi ca mvwe' nzum nzaḡ bùu mok wèn. A ye ḡga njè sə ya ḡgàa fàak ye sə wèn wùriḡ. Wo ye ḡgòkɔp tu nzaḡ mok də ya wo zɔ.

² Bùu mok wèŋ à ye fo', ŋga wo bùu Faràsi. Wo ànə ye mvəsə yà' gù vɛ'nə fana wo cep bohòjisòs. Wo duk fa nà' də, <<Ŋgàa fàak yo wèŋ sə gù yusə lùuk avès ka vɛ'nə dzəm. Wo sə kɔp nzaŋ nùmbu dzè bùu yà?>>

³ Jisòs bùu duk fa wo də, <<Wèŋ ka yusə Devid bə bùu ye wèŋ à gù ŋga njè ya wo yà'a ndzənə ŋwàk taŋ yuk à?>>

⁴ Mù sə də mv'è'nə njè ànə yaŋ wo, bə bùu ye wèŋ kə ni munda'à Nwì, nə yep zɔ ntuk brɛɛd sè wo à nòŋsə ŋgòkùksə Nwì fo' yà'a. Ŋga ànə ye də kaco ŋwè zɔ lok fɔk brɛd ànə yeŋ, tse'ŋga zɔ mègù nà' ŋgàa fa satikà' wèŋ.

⁵ Mòok sè' də wo à còm ndzənə ŋwàk lùuk Musi də a dzèŋgè nùmbu dzè fana ŋgàa fa satikà' wèŋ sə gù fàk mɔ nda'à Nwì, ŋga lùk sə kà vɛ'nə dzəm, nə kà nzak fo' tse'. Wèŋ ka yà'sə sè' yuk yuk à?

⁶ Mù də mɔ tsok wèŋ də yumook yè' sè yà' yam ghak ndap Nwì nə.

⁷ Anə ye-a də wèŋ rì yusə Nwì à cèp də yi kwa ghak ŋga bwìŋ sə koksə manziŋ nə nonŋsə ŋga wo sə fa yi satikà'. Wèŋ ànə rɛɛŋ-a ncèp ènə bwèrɛ də wèŋ ka bùu sè wo ka jòŋ gu də wo bɔp duk fa.

⁸ Yusə də mùu mo ŋwè, mɔ Tà nè mù tse' ŋaŋ bə nùmbu dzè nə mù.>>

*Ŋwè Nè Yi A Kpɔ Bo Ma Mò'fis
(Mak 3:1-6; Luk 6:6-11)*

⁹ Anə geŋ, yi ye'e me'rə fa'nə, nə kə ni mɔmvwe' ndap pìriyà awo mòk.

¹⁰ Nwè nèmòk à ye mbwa nè bo ye à kp̄ ma mò'fis. Bùu sè fo' sè fek Jisòs duk dè, <<Co lùk ka dzəm dè wo luṅsə n̄wè nùmbu dzè dzəm à?>> Wo ànə sə fek yi vɛ'nə də ya wo ko yi bə nzak də yi gù fàk nùmbu dzè.

¹¹ Yi duk fəsə fa yà'wèṅ də, <<A fɛɛṅ ndà nè yi tse'-a nsùṅga ye mò'fis, fana nà' gb̄ ni sənə wu ṅga a nùmbu dzè, yi me'rə nà' ca, nə kà nà' sè fis-ɛ?>>

¹² Wèṅ rì yàwèṅ sè' də yòṅsə n̄wè ḡ ghak nsùṅgaṅ. Sə tsè' yà'sə də aco n̄wè ḡ li bəbɔṅ nùmbu dzè anə.>>

¹³ Fana yi b̄uṅ duk fa ṅà' nè ṅà' bo b̄p nə də nà'a nɛp fis yak kw̄iṅ nà' sə. N̄gà' nə nɛp fis yà', fana yà' ḡ sè' co ma mòk nə.

¹⁴ Bùu Faràsi wèṅ à yə vɛ'nə, wo lo yàwo ṅgòkè cu kwe' m̄tuhù yi m̄vè'nè wo nə zə yi.

¹⁵ Jisòs ànə r̄iṅ bə zɛṅ fana yi coho me'rə fo'. Bw̄iṅ à yù lòyi sè' wùriṅ fana yi ḡ wo yiyaṅ awo me pwe'.

¹⁶ Yi tipsə yà'wèṅ sè' də kà də yà'a ḡ co bw̄iṅ r̄iṅ bə bum sè yi sə ḡ sə duk.

¹⁷ Bum yè'sə ànə sə ye vɛ'nə də ya bum sè ṅà tsòhòbum Nwì nè liṅ yee Izayà nà'a à cèp b̄uṅ və zìnə.

¹⁸ Yi à cèp də Nwì à duk də,
<<Nè'e ṅà fàk àm nè m̄ a cokfis yi.
M̄ dzəm yi wùriṅ, ntəm àm sə kwa bohòyi sè' wùriṅ.

M̄ nə fa yi yòṅsə àm sè',
ya yi tsoho lo fa buhu lak sè sə nzenḡòṅ sə pwe'fo' m̄vè'nè m̄ sə sak.

19 Yi nè kà cù sè fenè, nè kà bwìŋ sè mandzè bə ñàŋ sè' ko ke'cà.

20 Yi nè ye fùè bohòbùu sè wo jì ñàŋ, nè sè gu bəbòŋ bohòbùu sè wo ka tətəsè tse'.

Yi nè təəŋ megu ve'nə, nè kà teŋsè tètè zìnə ye nè nè ghak lì ntsə'mòk.

21 A nè ye ve'nə fana, bwìŋ pwe' nè naaŋ megu tu mok bohòyi.>>

Wo Dək Də Jisòs Tse' Nàaŋ Ze'

(Mak 3:22-30; Luk 6:43-45, 11:14-23, 12:10)

22 Anə geŋ, bùu səmək wèŋ jəŋ və fa Jisòs ŋwə nəmòk nè yi à loho lis, nè kà cù sè' sè cèp. Yi à ye ve'nə bùusè yi à tse' yòŋsè ze' mòk ndzə ni'ì yi. Jisòs à guŋsə ŋwə ènə. Lis ye sə à mùhu fana yi cèp fe'lə cù sè'.

23 Ŋgo bwìŋ nè à ye fo' nè pwe' à mərə bə nsàp yu nè Jisòs gu nè. Wo sə fek ke'ca fo' dək də, <<Ŋwə ènə ŋgwàaŋ yi nè wo à dək də liŋ yee nè ye də Mo Devid* nè àlɛ-ò?>>

24 Bùu Faràsi wèŋ à yuk bum yè'sə fana wo dək də, <<Yi be' figè ze' bə ñàaŋ sè a fagè yi yà' ŋkum ze' wèŋ, nè liŋ yee Bezebù nà'a.>>

25 Jisòs à rì yusè wo sə tsərə sə, fana yi dək fa wo də, <<A ye-a ŋga lak mòk gà'a zəzok, nè sə lə mòk bə mòk, fana lak yà'sə yà' kà tètè cu. Nə ye sè' də buk lak mòk gà'a na bə bòp zəzok, nè sə lə mòk bə mòk, nà'a nè gbù sè' ghà nè. A ye-a sè ndap ŋwè, yà' megu sè' ve'nə.

* **12:23 12:23** Bùu Jus wèŋ à rìŋ də ŋkum ŋgà gèm bwìŋ nè, nè tesə bohòŋgwì bù Devid. Nà'a njo nè wo à sə fek də Jisòs mo Devid àlɛ nè.

26 Ye də a ye-a nga Satà be' fis ze' nè Satà nə ye də yà'sə sə niŋtsok də wo ka yà'sə cù mò'fis yeŋ. Ye də gaŋ Satà sə nə gbɛ mvək mwejo.

27 A ye-a də mù sə be'fis ze' bə nàaŋ Bezebù fana bùu awèŋ wèeŋ be'fisgè yàwo bə nàaŋ sè ndà? Nsàp fàk bùu awèŋ nə, sə nìtsè' duk də wèeŋ bə jòŋ.

28 A ye-a də mù sə be'fis yà' bə bo sè Nwì fana ye də gaŋ ŋkum sè Nwì sə yà' kɛəp vè bohòwèŋ laŋ.

29 Kaco ŋwè nəmòk ni to munda'à ngà nàŋ, nə fis jəŋ lo yumok mbwa yeŋ. Tse'nga yi ko kì nòŋsə to ngà nàŋ nə bə kà ŋkuŋ yi ni to ndap nà' nə.

30 <<Ŋwè nè yi ka-a vesi yeŋ, ye də yi ŋwè nè yi sə bèŋ mɛ. Ŋwè nè yi sə kà-a vesi bəbe' tè'e benè, ye də yi sə sèsə ye sèsə.

31 Mù sə tsè' wen də nsàp bɛp nè ŋwè gù nà' kè yi cèp cèepə àlè' pwe', aco wo nè swi fa yi nà'. Megu də kaco wo nè swi fa yuk ŋwè nè yi bɛpsə liŋ Yòŋsè nè Rəreŋ nə yeŋ.

32 A ye-a nga ŋwè nəmòk cèp yumok sè bɛp bə liŋ am, mùu mo ŋwè fana aco wo nè swi fa yi yà'. Ŋwè nè yi cep-a ye yusè bɛp bə liŋ Yòŋsè nè Rəreŋ nə fana wo nè kà yi yà' swi yuk fa mvèsè nè mvèsè.

33 <<Wèeŋ riŋ də wu tse'-a tɛ nè bèboŋ fana ye də tɛ nə zəm sè' nto'o sè bèboŋ. A ye-a nga tɛ nə nè bɛp, ye də nto'o ye sə nə ye sè' sè bɛp. Wo rigè tɛ bə nsàp nto' nè yi sə zəm.

34 Wèŋ ŋgwì bwìŋ no, wèŋ tsəm də aco wèŋ cep yusè yà'a bèboŋ yè'sə va nga wèŋ bɛp ve'nə-

ε. Cùu ηwèe cèp fis mègù yusè yà' rwiη cu sè ntuu yi.

³⁵ Nwè nè yi bèboη, lòksègè yusè yà'a bèboη, nè sè fis vè sè' zeη. Nwè nè yi lòksègè ye bup, fis vègè ye sè' bup sè.

³⁶ Wèeη riηtse' pap duk dè, nùmbu nè wo nè sak bwiη, ndàaηwè pwe' nè sak bæ ncèep sè yà' à tesè yuk kè cùhù ηgèηgàη pwe'fo', a dzəm ye sè yi à cèp basè wà pwe'.

³⁷ Wo nè sak ndàaηwè pwe' bæ yusè yà' tesè tsè sè' kè cùhu yi. Anè ye zeη sè yà'a nè gu wu, wù gbù nzak, kè ka' àε.>>

*Bwiη Dzəm NgòYè Maηgəηgèη
(Mak 8:11-12; Luk 11:29-32)*

³⁸ Ngàa yè'rè fa bwiη lùk bæ bùu Faràsi mok wèη à duk fa Jisòs dè wo dzəm dè nà'a gu niηtsok fa wo yu maηgəηgèη ya wo ja'a nè riη dè yi tse' ηàaη sè Nwì a fa yi àε.

³⁹ Jisòs dè, <<Kàcò! Ja'a na yòo mvè'nè bùu sè ηga'a yè'e bup, nè kà Nwì sè' ri-è. Wèη fek mμ dè mμ gu yu maηgəηgèη, mμ nè kà nà' gu. Maηgəηgèη nè wèeη nè ye nè mègù nè nà' à ye bohòngà tsòhòbum Nwì nè liη yee Jonà nà'a.

⁴⁰ Mvè'nè Jonà à cu sè vèə fuk maràη te' ndzəmè sè' te' yà'a, mùu mo ηwè, mμ nè cum sè ntònze sè' ve'nè.

⁴¹ Nùmbu nè Nwii nè sak nzeηgòn fana bùu lak Nenevì wèeη nè lokok sè', nè cep fis dè wèη sè niè' yè'e wèη gbù nzak. A nè ye ve'nè bùusè Jonà ànə tsoho fa bùu Nenevì wèη fana wo kupsè, nè bwi fa bup awo ηkwèη. Nè ye dè yumook yè' sè yà' yam càsə Jonà nè.

⁴² Numbu nzak nè ye sè', ñkum nè yi ñwàñwè nè yi à tesè vè mvwe' lak Sibà nà'a nè lòkok sè' mɔ tuhù wèñ, nè cep fis sè' dè wèñ gbù nzak. Anè ye vɛ'nè bùusè yi à lòkok haan mvwe' sè sèsap wùriñ ñgòkè yu'rè ncèep ñkərèè sè Sòlomù à sè cèep. Nè ye dè yumook yè' sè yà' gɔ ghak Sòlomù nè.

*Mvè'nè Yònsè Nè Bɔp Lògèè, Nè Sè Bwi Vè
(Mak 3:31-35; Luk 8:19-21, 11:24-26)*

⁴³ <<A yegè dè a ye ñga yònsè ze' tesè mè'rè-a ñwè, yi gí jàm dzonj kɛ' mvwe' nze nè jì ndzəp nà'a ñgòlàp mvwe' ncum. Yi kà mvwe' ncum sè yè,

⁴⁴ fana yi tsərə dè, <Mɔ nè bwi foho lo fe'lè mvwe' ndap àm nè mù a tesè vè fo' nè.> Yi bwiñ foho vè fo' fana yi yè ñga nà' nòwà, ñga wo kùrè rɛñsè nòñsè nà' bèboñ làan.

⁴⁵ Fana yi lo, nè kə to jəñ vè fe'lè yònsèè ze' mok sè wo bɔp càsè yi wèñ sàmba, wo kə ni cum fo'. A ye vɛ'nè fana yà' bɔp wesè bohòñwè ènè mok mañkwèñ nè noñsè mvè'nè à ye to mantombi. A nè kə ye bohòwèñ bùu sè bɔp sè ñgà'a yè'e sè' vɛ'nè.>>

Ma Nè Ye Bwema Jisòs

⁴⁶ Yi ànè sè cep mali bohòbùu sè wèñ ntòvɛ'nè fana ma ye bè bwema ye wèñ kə təəñ sè mbi dè wo dzəm dè nà'a vè bè yà'wèèñ cep yu səmok.

⁴⁷ Ñwè nəmòk tsok yi dè, <<Ma yo bè bwe ma yo wèñ tə sè mbi dè wenè wèèñ cep.>>

⁴⁸ Fana yi fek ñwè nè nà' tsè' yi nè dè, <<Ma am bè bwema am wèèñ ndà wèñ?>>

49 Yi niŋ gesè lo ɲgàa fàak ye sè wèŋ bə bo, nè sè cep də, <<Curə ya' yè'e ma am bə bwema am wèŋ sè.

50 Ƴwè nè yi gu-a yusè tè' àm mabu sè dzəm sè, ye də yi yà'sə moma am, nè ye nje' am, bə ma am sè' yi.>>

13

Gbu' Ngà Bì Ngwii Bum (Mak 4:1-9; Luk 8:4-8)

1 Jisòs à tesè tsə munda'à sè' numbu ànə, nè kə cum ɲɣ ndzəp Galili.

2 Bwiŋ kə maŋ mvwe' sè yi cu sè wùriŋ, fana yi ni cum ye sə mok sənə ɲwes mòk. Bùu sè wèŋ pwe' təŋ yàwo ma mu mfèŋ.

3 Yi sè tsoho fa yà'wèŋ bum ɲkùuŋntèŋ bə gbu'. Yi à cèp mòk də, <<Ngà bì ɲgwii bum mòk à lo də yi kə ɲwə ɲgwii bum mok.

4 Fana mvè'nè yi à sè ɲwè yà', mok gbu ɲɣ mandzè fana swiŋ wèŋ kə te'e zə lo yà'.

5 Ƴgwii mok gbu mvwe' nze lis. Ncàk kà fo' ɲkùuŋ ye fana yà' to, nè kà mandzè ɲgòsòŋgàŋ tse'.

6 Nùm à to kok fana yi tɛŋ zə yà'. Mvè'nè yà' ànə ka ɲgàŋ bəboŋ tse' fana yà' kpə.

7 Ƴgwii mok gbu yàwo mvwe' ndik sè bə njàk. Ndik sə kuk, nè lim te'lə tse' yà'.

8 Mok à gbù yàwo mvwe' nze nè bəboŋ, nè zəm ɲgwì. Mok zəm wùriŋ co ɲkù mò'fis, mok hum ntùŋfu, mok hum tɛ'.

9 Ƴwè nè yi tse'-a ntu' ɲgòyuk bum fo', yi yuk-a.>>

*Jisòs Tsè' Njo Nè Yi Cèp Bum Bə Gbù' Nə
(Mak 4:10-12; Luk 8:9-10)*

¹⁰ Anə geŋ, ngàa fàak ye sə wèŋ kə fek yi də,
<<Wù sə cèp mègù bohòwo bə gbù' bùu yà?>>

¹¹ Yi duk fəsə fa yà'wèŋ duk də, <<A bùusè wo
ka yàwo mandzè nè Nwì a fa wo co wo rɛɛŋ bum
sè yà' cu swìhi mvwe' gaŋ ŋkum Nwì sə tse'. Nwì
à fa weŋ yàwèŋ mandzè ànə laŋ.

¹² Yusè də, ŋwè nè yi tse'-a yumok, Nwii nə jo
naaŋ fa fe'lə yi mok sè' ya yi tse' ŋkùuŋntèŋ. Nə
ye də bohòŋwè nè yi ka ye yumok tse', Nwii nə
jəŋ fis gəsə lo moòm nè yi tse' nə fo'.

¹³ Njo nè mù sə cèp bohòwo bə gbù' nə də
bùusè wo tse' lis, nə kà bum sə yə, wo tse' ntu',
nə kà bum sè' sə yuk. Wu tsè'-a wo yumok, wo
kà sè' rɛɛŋ.

¹⁴ Ye də bum sè ngà tsòhòbum Nwì nè liŋ yee
Izayà à cèp yà'a kə kùrə zìnə mətuhù wo. Yusè
yi à cèp sə də,

<Wèŋ nə yuk bum, nə kà yà' rɛɛŋ yuk,
Wèŋ nə sə kək, nə kà yə.

¹⁵ Bùsè ntəm bùu yè'sə wèŋ a gù bup laŋ.

Ntu' awo loho, fana wo lok lis awo sè'.

Ka-a vɛ'nə yeŋ də bwèrɛ wo yə rì bə lis awo, nə
yuk bə ntu',

Fana nə rɛɛŋ sə ntùù wo,

Ya wo bùuŋ və bohòmù, mù luŋsə wo.>

¹⁶ Fana rɛŋsi bohòwèŋ bùusè lis awèŋ sə yə fana
ntu' awèŋ sə yuk bum yo.

¹⁷ Mù sə tsè' weŋ yè'e yusè yà'a zìnə də ngàa
tsòhòbum Nwì bə bùu sè wo kəkùrə bohòNwì
wèŋ vɛ'ɛ wùriŋ sè wo à dzəm co wo ye ja'a bum

ɲwè nəmòk nè yi à kè bì ɲgwii bum sè bèbon mɛ nzuù yi.

²⁵ Yi ànə sə nooɲ dzəm lo fana ɲwè nəmòk nè nà'a bènɲè yi kə bi ɲgaɲ sè bɔp sè yà' səsə nzaɲ mɔwe' nzaɲ sè yi anə bi sə. Yi bi ɲgaɲ sə vɛ'nə fana yi bɛ' mandzè ye, nə lo yuye.

²⁶ Ghà nè nzaɲ sə à kùk tètè nə ye ɲgòfis tu fana ɲgaɲ sə lokok sè'.

²⁷ Bwe ɲgàa fàak ɲgà nzum nə kə fek yi də, <Tà, vès də wù à bì mɛgù mɛ nzuù wù ɲgwii bum sè bèbon àlaa. ɲgaɲ sè bɔp nə vè nə fo' fò?>

²⁸ ɲgà nzum nə duk fəsə fa wo də, <Gù yu yà'sə ɲwè nəmòk nè yi ka mɛ dzəm.> Wo fek fe'lə yi duk də, <Ye də wù dzəm də vès lo kə co'rə mak yà' à?>

²⁹ Yi dzeɲ də yi ka dzəm. Yi də bɔusè aco ghà nè wo sə də wo cok mak ɲgaɲ sə fana wo co'rə bɔpsə nzaɲ mok bə ɲgaɲ sè yà' səsə nzaɲ sə.

³⁰ Mè'rə yà'a kuk mɔwe' mò'fis vɛ'nə tètè mɔk nè ɲgòkɔp yà' kə dzeɲ. Mɔk ànə dzèɲ nùu fana mà tsok fa ɲgàa kəkɔp sə wèɲ də, <Wèɲ co'rə be'lə to ntòɲgaɲ sè bɔp yà'a mɔwe' mò'fis, nə kiɲ yà' bə mbək bə mbək ya wo tɛɲ yà'. Nə tsok wo sè' də wo kɔp naaɲ gesə fa mɛ nzaɲ sə mɛ tà'a mɛ.> >>

³¹ Jisòs à tsè' fa mali wo gbɔ' mòk sè də, <<Gaɲ ɲkum sè Nwì sə co ɲgwì tɛ nəmòk nè wo to nà' də mostà, nè ɲwè nəmòk à kè bì nà' mɛ nzuù yi.

³² Nà' jə'rə càsə ɲgwii bum sè wo bìgè mɛ nzuù pwe'fo' yi. Ghà nè nà'a kùuk, nà' yam casə

mok sə pwe'fo' sè' yi. Nà' buɲɲ tu nè ghaɲ wùriɲ. Swiɲ wèɲ və, nə sə kə ci ndap awo mənə ntaɲ ye sə.>>

³³ Yi cep fe'lə gbɛ' mòk də, <<Gaɲ Nwì sə co yis sè ɲwàɲwèe jəgè yà', nə gesə sənə tasàa mfòɲ tɛ', nə top yà' tètè yà' kok pwe' yè'e.>>

³⁴ Bum yè'sə pwe'fo', Jisòs à sə tsòho fa gù bùu sə wèɲ yà' bə gbɛ' bə gbɛ'. Yusè co yi à tsè' fa wo jì gbɛ' à ka yeɲ.

³⁵ Yi à gù vɛ'nə ya yusè ɲgà tsòhòbum Nwì à cèp bə liɲ ɲgà gèm bwiiɲ buɲɲ və zinə. Yusè yi à cèp sə də,

<<Mɛ nə muk cùu am, nə sə cep bum lònɲ fo' bə gbɛ' bə gbɛ'.

Mɛ nə cep bum sè mvè'nè nzenɲòɲ à yè yèe, yà' sə cum megu mvwe' sèswihì.>>

³⁶ Anə geɲ, yi me'rə kwe' bù nè fo', nə ni lo yuye mɛ nda'à. ɲgàa fàak ye wèɲ a bɛ' lòi yi fo', nə sə fek yi də nà'a tsok rɛɲsə fa wo gbɛ' nè də wo à bì ɲgaɲ sè bɛp mvwe' nzum nà'a.

³⁷ Yi sə tsòho rɛɲsə fa yà'wèɲ dɛk də, <<ɲwè nè ɲgà bì ɲgwii bum sè bèboɲ sə, a mɛu mo ɲwè.

³⁸ Nzum sə nzenɲòɲ nə, ɲgwii sè bèboɲ sə, a bùu sè wo cu yàwo mvwe' gaɲ ɲkum Nwì sə fana ɲgaɲ sè bɛp sə yàwo bùu sè wo cu yàwo ma nè ze'.

³⁹ ɲwè nè yi à bì ɲgaɲ sè bɛp sə, a ze' nə bə tu ye. Mvèk nè ɲgòkɛp bum sè wo à bì sə yà'a nzenɲòɲ nə mvè'nè nà' mée, fana ɲgàa kɛp bum sə yà'sə masinjàa Nwì wèɲ.

⁴⁰ Mvè'nè wo à benə ɲgaŋ sə, nə teŋ yà' yà'a, anə ye nùmbu nè nzeŋgòŋ nə mè sè' ve'nə.

⁴¹ Mùu mo ɲwè, mɔ nè tumsə masinjàa am ɲgòte'e fis yusè yà' cu mvwe' gaŋ sə, sè co yà' jəŋ və bɔp, nə ye bə ɲgàa gù bɔp wèŋ pwe'fo'.

⁴² Wo swekfis wes wo ve'nə fana wo kə mak gesə lo wo sə mvwe' sè mis sə kɔə. Yà'a mvwe' sè bwiiŋ nə sə waŋ, nə sə zɔ nzòŋ fo'.

⁴³ Nà'a sè' mvək nè bùu sè wo yàwo kəkurə ma nè Nwi wèeŋ nə sə to reŋ co nùm mvwe' gaŋ tè' awo. ɲwè nè yi tse'-a ntu' ɲgòyuk bum bə zeŋ, yi yuk a.

Jisòs Cèp Fe'lə Bə Nzak Gaŋ ɲkum Sè Mubu

⁴⁴ <<Gaŋ sè Nwi sə yà'a co yumok sè yà' gɔ nteŋ sè yà' à swihi nòŋ mvwe' səmok. ɲwè nəmòk anə kə ye yà' fana yi ses lok yà'. Yi kwa ve'ɛ, nə kə caŋ seŋ bum sè yi tse' pwe'fo', nə kə ywiŋ jəŋ nzum sè mvwe' yà'sə.

⁴⁵ <<Gaŋ sè Nwi sə yà'a sè' co ɲgà gi gi nteŋ nè yi à sə làp nsàp lis mòk nè wo togè nà' də perèl.

⁴⁶ Yi ànə ye perèl nè mò'fis nè nà' gɔ nteŋ fana yi lo, nə kə seŋ bum ye sè yi tse' sə pwe'fo', nə kə ywiŋ nà' bə zeŋ.

⁴⁷ <<Gaŋ sè Nwi sə sè' co ram mòk nè wo màk gèsə nà' sə ndzəpè fana nsàap fuk kwəəŋ ni ca zəzok zəzok nduk.

⁴⁸ Nà' ànə rwiŋ fana wo fis lo nà' mɔ mfèŋ fana nə cum nze, nə ye ɲgòte'e yà'. Wo sə swèk gèsə lòsè bəboŋ sənə yumok, nə sə fis mak sè bɔp sə.

⁴⁹ Nùmbu nè nzeŋgòŋ mèe, anə ye sè' ve'nə. Masinjàa Nwi wèeŋ nè vəə, nə kə gapsə fis bùu

sè wo yàwo kàkurè ma nè Nwì bə sə wo ka yàwo kàkurè yeŋ wèŋ zok.

⁵⁰ Wo mak gesə lo bùu sə wo ka kàkurè yeŋ sə mvwe' nəmòk nè mis sə kʷə ca. Yà'a mvwe' sə ŋwèe nə sə waŋ, nə sə zʷə nzòŋ ca.>>

⁵¹ Yi fek yà' də yà' rɛɛŋ bə bum sə yi cèp yè'sə pwe'fo' laŋ àɛ. Wo də hòli.

⁵² Yi tsok fa fe'lə yà'wèŋ də, <<Ye də wèŋ rì də ŋà yə'rè lùk nè yi a bùuŋ də mʷə yə'rə yi mvè'nè gaŋ sə Nwì cu, yi co ŋwè nəmòk nè yi tse' tàap ye. Aco yi fis və to bum sə zəm mʷə tà'a yi, nə fis sə fi sə'.>>

⁵³ Jisòs ànə cep wes gbʷə yè'sə fana yi me'rə fa'nə, nə lo.

*Bùu Lak Jisòs Wèŋ Bèŋ Yi
(Mak 6:1-6; Luk 4:16-30)*

⁵⁴ A kè dzèŋ la'à yi fana yi kə yə'rə bwìŋ mʷmvwe' ndaap pìriyà àwo wèŋ. Wo à mərə vɛ'ɛ wùriŋ, nə sə cep duk də, <<Ŋwè nè'e a jə nsàp ŋkərə nè'e nə ye nsàap fàak sə yà' gʷə wùriŋ yè'e fòvɛ'nə-ɛ?

⁵⁵ Nè'e ka mo kapindà nà'a yeŋ-è? Nè'e ka yi nè wo to liŋ ma ye də Mèri nà'a yeŋ-è? Jem bə Jòsep bə Saimà nə ye Judàs wèŋ ka bwema ye wèŋ yeŋ nè?

⁵⁶ A cugè fɛɛŋ ka sə' ves njè' ye wèŋ pwe' yeŋ nè? Aco yè'sə ye vɛ'nə va?>>

⁵⁷ Fana wo kà yi mok dzəm. Anə geŋ Jisòs nə tsok fa ye yà'wèŋ də, <<A yegè də wo jəgè ŋà tsòhòbum Nwì ma nè yi lòfòpwe' co ŋwè. A kè dzèŋ mvwe' lak ye, nə ye mʷə nda'à yi fana wo kà yi co yumok jə.>>

58 Yi à ka fàak sè yà' gu fa'nə ɲkùuɲ gu bùusè
bùu sè fo' sè wèɲ à ka dzədzəm sè ntuu wo tse'.

14

Kpɛ Jon Ngà Bàptesè Bwiɲ (Mak 6:14-29; Luk 9:7-9; Jon 6:1-14)

¹ Ghà ànə à ye, ɲkum Heròyuk bə bum sè Jisòs
sə guu sə.

² Herònə duk fa ncinda'a ye wèɲ duk də, <<A
Jon ɲgà bàptesè bwiɲ, yi a tesə vè fe'lə mvwe'
kpɛ yà'sə laɲ. Nà'a njo nè yi sə gu to bum
maɲgəɲgèɲ sə.>>

³⁻⁴ Yusə də Heròà fis jə ɲgwe moma ye Filip.
Yi ànə gu ve'nə fana Jon sə duhu gəgen fa
yi də, <<Ka bèboɲ bohòwù ɲgòjə ɲwà ànə co
ɲgwe yo yeɲ.>> Anə ye ve'nə fana Hèrodiyà
ɲgwe Filip nə fimsə mis tètè Herònə ko nisə Jon
ndapndzəm.

⁵ Yi ànə dzəm də yi zə Jon nə fana yi sə wəp
sè' bùusè bwiɲ dukgè də Jon nə ɲgà tsòhòbum
Nwì.

⁶ Numbu nè wo à dzə Herònə à dzèɲ sèmok
fana mo Hèrodiyà nə nè ɲgwèɲgwèɲ à kè kà
dzeɲ mvwe' sè bwiɲ à mà cu sə. Yi kaɲ ve'ɛ tètè
ni' boɲ Herònə.

⁷ Herònə keɲ də yusə nà' dzəm yà' pwe'fo' yi
nə fa tsoɲ nà'.

⁸ Mvè'nè ma ye tip yi fana yi duk fa Herònə
də, <<Fa mu tu Jon ɲgà bàptesè bwiɲ nà'a ɲga'a
feɲ mənə tasà.>>

⁹ Manziṅ à ko ṅkum nə vɛ'ɛ wùriṅ. Fana njo nè yi anə keṅ to laṅ, nə ye fe'lə sè' bùu bùu sè wo mà fo' sə fana yi duk də yà'a kə jəṅ və fa nà'.

¹⁰ Yi à tum lòo, wo kə gwɛ' tiṅ fis tu Jon mɛ ndapndzəmè anə.

¹¹ Wo jəṅ və yà' mɛnə tasà, nə kə fa mɛṅwà nə. Yi jəṅ yà', nə jəṅ lo fa ma ye.

¹² Ngàa fàak Jon nə wèṅ à kə jə wèṅ ni' ye nə, nə kə tuuṅ nà'. Wo à tuuṅ wes, wo lo, nə kə tsok fa Jisòs.

¹³ Jisòs ànə yuk vɛ'nə fana yi ni ṅgwes mòk, nə lo mɛwɛ' mòk sè bwiiṅ fo' bùè. Mfèṅ bù nə ànə yuk vɛ'nə fana wo tesə mɛwɛ' buhu lak sè yà' kɛəp fo' pwe', nə yuṅ lo yi sè' bə kù.

¹⁴ Yi à kə tesə ṅgɛ ndzəp fana yi ye bwiiṅ vɛ'ɛ nduk nè nduk. Ntəm ye rwiṅ bə manziṅ fana yi gɛ mesə fa sè wo tse' yiyaṅ, yiyaṅ awo sə.

Jisòs Fa Bwiṅ Ncùhù Tàṅ Zɛzɛ

(Mak 6:30-44; Luk 9:10-17; Jon 6:1-14)

¹⁵ Nùm à co fana ṅgàa fàak ye wèṅ və bohòyi, nə kə duk fa yi də, <<Yè'e mɛwɛ' sè bwiiṅ kà fɛnə cugè, nùm nə coònə sè' laṅ. A bəboṅ də wu duk bùu yè'e wèṅ lo ndzə ntòlak, nə kə ywiṅ zɛ yumok nja.>>

¹⁶ Jisòs duk ye də, <<Yà'wèṅ nə kà lò. Wèṅ kək fa wo yumok wo zɛ.>>

¹⁷ Wo duk fa yi də, wo tse' mègù ntuhu bɛd tàṅ bə fuk ba nə ba.

¹⁸ Yi də yà'a jəṅ və fa yi yà' fɛn.

¹⁹ Anə geṅ yi duk fa bùu sə wèṅ pwe' də yà'a cum nze mɛnə ṅgaṅ. Yi jəṅ kotse' ntuhu bɛd

sè tàŋ nə ye fuk sè ba sə, nə kuk gesə lo mɔbu. Yi kwasə Nwi, nə sə bə'rə yà', nə sə faha ŋgàa fàak ye sə wèŋ. Wo jəŋ, nə gap lo fa maŋgo bù nə pwe'.

²⁰ Wo à zɔ wo pwe', nə ze' bəboŋ. Fana wo te'e benə sè yà' à bwehe cu sə, yà' tesə kwès humncòp-ba.

²¹ Bù sè wo zɔ sə à ye co mbəmbam ncùhù tàŋ. Wù kà bəba bə bweŋke' wèŋ yàwo ta.

Jisòs Gi Mɔ Ndzəpə
(Mak 6:45-52; Jon 6:16-21)

²² Wo à mèsə, Jisòs gɔ də bwe yee ni ŋgwes, nə lo mantombi ŋgòto lòmamòk. Yi cum ye maŋkwèŋ, nə cepsə bwiŋ ya wo lo la'à wo.

²³ Yi ànə mam, nə cepsə wo, wo lo. Fana yi lo ye mɔmvwe' nda mòk ŋgòkè gù pìriyà mbwa yìyi. Ndzəm à sə də a seŋ və fana ŋga yi cu mbwa yìyi.

²⁴ Mvèk ànə à ye ŋga ŋgwes nə lòndzə tsətsə'rə ndzəp anə səsap wùriŋ. Ndzəp sə bwi'lə ŋgwes nə vɛ'ɛ nè bɔp bùusə fəfə à sə vè ma nè wo à sə dzəm ŋgòlònə.

²⁵ A kè dzèŋ mvè'nè mvəp à yè ŋgòtorə ndzəmè anə fana Jisòs və bohòwo ŋga yi sə gi vè ma mɔ ndzəpə.

²⁶ ŋgàa fàak ye sə ànə ye yi mvè'nè yi sə gi mɔ ndzəpə anə fana wɔə ko wo vɛ'ɛ nèbɔp. Wo duk ŋgwàaŋ də, a maze' mòk, nə ke' nooŋ ŋgùŋ.

²⁷ Anə geŋ yi to yà'wèŋ sè' ntèn, nə duk fa wo də, <<A mù, wèŋ kà wəp.>>

28 Pità cep gesə fa nà' də, <<Tà, a ye-a nga də a wù zìnə, wù duk mu ya mu gi və ngòkè yə wu sè' mu ndzəpè anə.>>

29 Yi duk fa nà' də <<Vəə.>> Fana Pità nə tesə sə ngwesə anə, nə sə gi sè' mu ndzəpè anə ngòkè yə Jisòs nə.

30 Anə geŋ yi ye mvə'nə fəfə sə fa ngə' nə bup fana wəə ko yi, yi ye ngòcəəŋ lòsə ndzəpè anə. Yi waŋ torə fis duk də, <<Etəè, Tà tesə mu.>>

31 Jisòs fa bo sè' ntəŋ, nə ko nà'. Yi à sə ko nà' vɛ'nə, yi sə duk fa nà' sè' duk də, <<O' òhoò, dzədzəm yòjə'rə vɛ'ɛ wùriŋ. Wù anə mərə bwi bùu yà?>>

32 Wo ànə kə ni sənə ngwes nə fana fəfə nə tɛŋsə.

33 Bùu sè wo à ye sənə ngwes nə pwe'fo' à kùksə yi. Wo duk fa yi də, <<Wu mo Nwì zìnə bə zìnə.>>

Jisòs Lùŋsə Ngàa Yiyaŋ
Sə Mvwe' Lak Jènesarè
(Mak 6:53-56)

34 Wo à to tesə lòmumfəŋ fana wo tesə və mvwe' lak Jènesarè.

35 Bùu lak sè fo' sə ànə ye riŋ yi fana wo tirə lo mvwe' lak sè yà'a fo' sə pwe'fo', wo sə jəŋ və fa yi ngàa yiyaŋ sè fo' sə pwe'.

36 Wo à jə vè yà'wèŋ vɛ'nə fana wo lɛŋ yi də nà'a me'rə ngàa yiyaŋ sə wèŋ jwɛŋ megu cù cèk ye ya wo gəŋ. Bùu sè wo à jwèŋ pwe'fo', à gə yu awo.

15

Bum Lak Bùu Jus Wèŋ (Mak 7:1-23)

¹ Anə geŋ, bùu Faràsi mok bə ŋgàa yə'rè fa bwìŋ lùk wèŋ à vè bohòJisòs ŋgòfek yi bum səmok. Wo à tesə vè mvwe' lak Jòrosalèm. Wo à fek yi duk də,

² <<Ŋgàa fàak yo wèeŋ kà bum lak sè bù ñkwàha bwìŋ wèŋ à nòŋsə yùgè bùu yà? * Vès duk ve'nə bùusè wo zùgè beŋ ŋga wo kà bo awo cuk.>>

³ Yi fek busə ye yà'wèŋ sè' də, <<Njo nè wèeŋ kà lùuk Nwì nòŋsègè bùusè wèŋ dzəm ŋgòbè' bum lak awèŋ-e bùu ya?

⁴ Busè Nwì à cèp də, <Wəp ma yo bə tè' yo. Ŋwè nè yi yò-a ma kè tè' ye àlɛ, wo zə megu yi zəə.>

⁵ Wèŋ cwìŋ busə yàwèŋ duk də, a ye-a ŋga ŋwè tse' yumok sè co yi tesə ma ye kè tè' ye bə zeŋ, nə kà yà' tesə, nə duk fa yà'wèŋ də yusè yi tse' sə a sè Nwì, ye də yi ka nzak bohòma bə tè' ye nə mok tse'.

⁶ Wèŋ yə mvə'nə wèŋ a gù busə ncèp Nwì mok yusè wà bùu bum lak awèŋ nà?

⁷ Wèŋ ŋgàa tè'èŋkup wèŋ! Yusè Izayà ànə cèp mantombì sə kum weŋ à ye zinə. Yi à còm də,

⁸ <Bùu yè'e wèŋ sə kwasə mègù mɛ bə cù wà, fana ntəm awo ye səsap bohòmà.

⁹ Wo sə kùksə basə mɛ ŋgwàŋ,

* **15:2 15:2** Bum lak yè'sə, a bum sè bùu Jus sè wo ŋgàa yə'rè fa bwìŋ lùk wèŋ ànə yamsə naaŋ lòmənə lùuk Musì sə.

nə sə yə'rə yusè bwɪŋ à cèp wo co yà'a lùuk Nwì.> >>

Yusè Aco Yà' Bupsə Nwè

¹⁰ Anə geŋ Jisòs to benə və bùu sə wèŋ pwe'fo' ŋɔ ni'ì yi, nə duk fa yà'wèŋ də, <<Wèeŋ yu'rə nə rɛeŋ yusè mù sə də mu tsok wɛŋ yè'e bəboŋ. Yusè də,

¹¹ yusè yà' ni lògè mu cùhù nwè kəkək kà nwè bupsəgè. A bupsəgè yi yusè yà' sə tesə tsə mu cùhù yi anə tsətsəŋ.>>

¹² Fana ŋgàa fàak ye wèŋ və, nə kə duk fa yi də, <<Wù rì də mvè'nè wù cèp vɛ'nə yà'sə, bùu Farasi wèŋ jòk bohòwù vɛ'ɛ wùriŋ à?>>

¹³ Yi cɛp fəsə fa yà'wèŋ duk də, <<Ŋwì yu nə tè' am Nwì a ka nà' yi bi pwe', yi nə cok mak nà' sə nze.

¹⁴ Mè'rə wo vɛ'nə. Wo ka lis tse', nə sə də wo niŋtsok fa bùu mok wèŋ mandzè. Nə ye də a ye-a ŋga ŋgà jì lis sə niŋtsè' lòfa ŋgà jì lis mòk mandzè fana wo ba fo' nə gbù lo sə wərè.>>

¹⁵ Pità fek nà' də nà'a tsok rɛŋsə fa wo gbù' nè də yusè yà'a tesə tsəgè kè cùhù gù bupsəgè nwè nà'a.

¹⁶ Yi fek busə fe'lə Pità nə də, <<Wèeŋ sè' ŋgàa kà bum rɛeŋ mok à?

¹⁷ Wèŋ ka riŋ də yusè yà'a ni lògè mu cùhù nwè pwe'fo' cà lògè sə vəə, nə ca tesə lo sè' riŋ à?

¹⁸ Nə ye də yusè yà'a tesə tsəgè mu cùhù nwè kəkək yà'sə sə ntùù yi. Yà'a zeŋ sè aco yà' gu bupsə nwè.

¹⁹ A vɛ'nə bùusè tsətsərèə sè bup sè co ŋgòzə nwè, ko nto, kohòsàhà, yè, ŋgòci' mɔwès, nə ye

ngòbupsə liŋ bwìŋ pwe'fo' tesə kokgè ma sə ntùè
 ɲwè.

²⁰ Yà'a bum sè yà'a gù bupsəgè ɲwè. Ngòzɹ
 yumok bə bo sè wù ka yà' cuk, ka nzak tse'.>>

*Ŋwà Lakmvum Nè
 Yi A Naan̄tu BohòJisòs
 (Mak 7:24-30)*

²¹ Anə geŋ, Jisòs ye'e me'rə mvwe' yà'sə, nə lo
 mvwe' nzen̄gòn nè lak Tayà bə Sidòn.

²² Fana ɲwà nəmòk nè yi cugè fo' kè tsèn yi.
 Ŋwà nə sə leŋ Jisòs nə də, <<Oò, Tà, mo Devìd,
 koksə-a manziŋ bohòmù è. Yòŋsè ze' tse' mo àm
 mòk nè yi nè ɲwàɲwè ve'ε nsàp nèbɹ.>> Ŋwà
 ènə à sə cèp bum yè'sə ve'nə ɲga yi ka ɲwà Jus
 yeŋ, yi à ye ɲwà lak Kanà.

²³ Yi à sə cèp yè'sə pwe'fo', Jisòs kà cù bohònà'
 mùk lok. Ngàa fàak Jisòs sə wèŋ kə leŋ Jisòs də a
 bèbɹ co nà' duk ɲwà ènə lo bùsè nà' sə loksə
 kɛ'cà wo ntù' wùriŋ.

²⁴ Jisòs nə cèp bwìŋ ye kə də, <<Nwì à tumsə
 mègù mɹ bohòbùu Izùre sè wo co nsùŋgaan sè
 wo a jàm bisə jàmə.>>

²⁵ Ŋwà nə à vè kè təəŋ mali kè mantombii Jisòs
 bə tumfərə, nə sə cep də, <<Tà tesə mɹ.>>

²⁶ Jisòs cep fe'lə sèmok də, <<Ka bèbɹ ɲgòjə
 beŋ mwe, nə mak fa ɲgbɹ † yeŋ.>>

²⁷ Ŋwà nə də, <<Tà, wù rì yo sè' də wo fagè
 bwe beŋ, ɲgbɹ sə te'e sè yà' sə gbù tsoŋ sə nze
 sè'.>>

† **15:26 15:26** Mvè'nè Jisòs ànə cep bə nzak nè ngòmak fa ɲgbɹ
 beŋ yà'a fana yi à sə duk yà'sə də, ɲgòjə yusè yà'a sè bùu Jus nə
 fa bù lakmvum.

28 Fana Jisòs duk fa bwi nà' dè, <<Κε', ηwà nè'e wù tse' dzədzəm sə ntɔ̀ wù ve'ε wùrɪŋ. Yusè wù dzəm tse' yà'sə, yà'a nə ye mɔ̀mɔ̀və'nè wù lɛŋ sə.>> Anə geŋ yiya mo ηwà nə à mè mègù sè' ghà nà'nə ve'ε ghes.

Jisòs Fa Bwiŋ Ncùhù Kwè Zuzɔ̀
(Mak 8:1-10)

29 Jisòs à yè'e mè'rə fa'nə, nə sə gihi ca ηgɔ̀ ndzəp Galili. Yi à lò, nə kə kok lo mɔ̀mɔ̀vwe' nda mòk, nə cum mbwa nze ηgòyərə bwiŋ.

30 Bwiŋ à kpəəŋ vè fo' ηgòkə yə yi ve'ε sè' wùrɪŋ. Wo à bəhə jə vè fa yi bùɔ̀ sè wo kà gìgè wèŋ, sè wo à kpɔ̀ sa' ni' ma mòk wèŋ, ηgàa jì lis bə sè wo kà cù cèpgè wèŋ, nə ye bə ηgàa yiyaŋ zəzok ηkùɔ̀ntɛŋ. Wo à bəhə jə vè yà' ve'nə, nə kə təmsə nonse ηgɔ̀ ni' Jisòs anə bikikiki. Yi à gɔ̀sə yà'wèŋ sè' lòŋ.

31 Bùɔ̀ sè wo à kè mà fo' sə à mərə ve'ε wùrɪŋ. Wo à mərə bùɔ̀sè wo yə ηga bùɔ̀ sè wo à sə kà cù cèpgè wèŋ cèp cù, sè wo à kpɔ̀ sa' ni' ma mòk wèŋ gɔ̀ fe'lə sè', sè wo à sə kà gìgè wèŋ gi fe'lə, nə ye bə sè jì lis wèŋ sə ye fe'lə bum sèmok. Bùɔ̀ sə wèŋ à kùksə liŋ Nwi bùɔ̀ Izùre wèŋ bùɔ̀ bum sè wo à yə yè'sə.

32 Anə geŋ Jisòs to benə ηgàa fàak ye sə wèŋ ηgɔ̀ ni' yi, nə duk fa wo dè, <<Manziŋ sə ko mɔ̀ bohòbùɔ̀ yè'e cèbùè, bùɔ̀sè wo cu vesiwèŋ ntinə nùumbu tɛ', nə kà yumok zɔ̀. Mù ka sè' dzəm co mà duk dè wo lo nje ve'nə sè' dzəm, bùɔ̀sè aco mòk kə gbɔ̀ nje mandzè.>>

³³ Ngàa fàak ye sə wèŋ à yuk vɛ'nə, wo fek yi də, <<Aco wo jəŋ bɛŋ ŋgòŋ fɛɛŋ fòco a fa bwiŋ wùriŋ vɛ'ɛ nɛ?>>

³⁴ Fana Jisòs fek yà'wèŋ də, yà'wèŋ tse' ntuhu brɛd fa'nə sù nɛ? Wo də, <<Vès tse' mègù ntuk sàm̩ba bə bəbwe fuk mok.>>

³⁵ Fana Jisòs duk fa bùu sə pwe'fo' də yà'a cum nze.

³⁶ Yi jəŋ ntuhu brɛd sè sàm̩ba bə fuk sə, nə kotse' yà'. Yi kwasə wes Nwì fana yi bə'rə yà', nə sə fa bohòŋgàa fàak ye sə wèŋ. Wo jəŋ, nə sə fa bwi bùu sə wèŋ.

³⁷ Bùu sə pwe'fo' à zɹ, nə ze' vɛ'ɛ bəbɔŋ. Wo à te'e benə mfəmfook sè yà' à sə gbù sə nze ghà nè wo à sə zɹ sə kwès sàm̩ba.

³⁸ Bùu sè wo à zɹ sə à ye bwiŋ ncùhù kwè, wù kà bəba bə bwenjke' wèŋ ta.

³⁹ Yi ànə gu wes bùu sə wèŋ sam lo fana yi ni fe'lə sə ŋgwesè, nə lo yuye mvwe' nzenjgòŋ lak Màgadàn.

16

Wo Də Jisòs Gɹ Niŋtsok Fa Wo Manjəŋgèŋ (Mak 8:11-13; Luk 12:54-56)

¹ Nùmbu mòk à ye, bùu Faràsi mok nə ye bùu Sadusi wèŋ à vè də wo kə mumsə ja'a Jisòs. Wo fek yi də nà'a gu niŋtsok fa wo manjəŋgèŋ mòk nè aco nà' niŋ fa wo də yi tse' ŋàaŋ Nwì.

²⁻³ Yi duk fa yà'wèŋ duk də, <<Wèŋ rì mègù ŋgòkùk gèsə lo mɹbu, nə riŋ də anə ye ŋga'a vɛ'ɛ bə vɛ'ɛ wèŋ. Wèŋ tesə zəzòŋ nə ye ŋga ntòbu bəbaŋ fana wèŋ də anə ye ntinə bɹp. Nè

nconùum ye nga ntòbu bùuη bèbaη, wèη dè anè ye zòn bèboη. Wèη riη yà'sè, nè kà bum sè yà'a co mvèk ηgònitsè' bum sè niè' riη bùu yà?

⁴ Wèη sè niè' yè'sè, wèη bùu sè bup, ηgàa kà Nwì ri wèη. Wèη duk mu dè mu gu niη fa weη maηgəηgèη è? Kàcò. Mu nè kà nà' gù. Maηgəηgèη nè wèη nè ye mègù nè co à ye bohòηgà tsòhòbum Nwì nè liη yee Jonà nà'a.>> Yi ànè cep wes ve'nè, fana yi me'rə yà'wèη, nè lo gesə yuye.

Jisòs Yə'rə Bwe Ye Wèη
NgòRεεη Yi
(Mak 8:14-21)

⁵ Bè ηgàa fàak ye wèη à to tesè lonto ndzəp ma nja fana nga ηgàa fàak ye sè swì ηgòjə tse' lòbrəd.

⁶ Jisòs duk fa wo dè, <<Wèη jəη ηkərè bə nsàap yis bùu Faràsi bə bùu Sadusi wèη.>>

⁷ Anə geη wo sè cep ke' mətətətə'rəə wo anə duk dè yi duk ve'nè bùusè a swì ηgòjə tse' vè brəd.

⁸ Jisòs riη yusè wo sè cèp sè, nè duk fa yà'wèη dè, <<Kε' àmaa, wèη ka dzədzəm bə yusè mù sè gùu tse'. Wèη sè cèp ke' dè wèη swì ηgòjə tse' brəd yè'sè bùu yà?>>

⁹ Co wèη ka yè'e ntòsè' rεεη geη nà? Co wèη sè kà mvè'nè mù à fa bwìη ncùhù tàη ntuhu brəd sè' tàη yà'a mok tsərə à? Wo à zɹ yà' ve'nè, wèη te'e benə fe'lə sè sè nze kwès sù nε?

¹⁰ Nè ye sè' dè wèη swì ntuhu brəd sè sàmba sè bwìη ncùhù kwè à zɹ yà'a sè' è? Wo à zɹ wes, wèη te'e benə sè sè nze kwès sù nε?

11 Anə gu va ηkuη mu cèep, wèη kà rì də mù sə kà yè'sə brəd nè brəd nè'e duk ε? Yusè mù sə duk sə də, wèη jəη ηkərə bə yis bùu Faràsi bə bùu Sadusi wèη.>>

12 Anə geη fana bwe ye sə wèη rεη də yi anə sə ka yà'wèη də wo jəη ηkərə bə yis sè wo gùgè brəd bə zeη yè'e duk. Wo riη də yi anə sə cep yà'sə də wo jəη ηkərə bə bum sè bùu Faràsi bə bùu Sadusi wèη sə yə'rə fa bwìη.

*Pità Duk Də Jisòos Nkum Ngà Gèm Bwìη
(Mak 8:27-30; Luk 9:18-21)*

13 Jisòs à kè dzèη nzeηgòn Sèsàriyà Filipi fana yi fek ngàa fàak ye sə wèη də, <<Bwìη dukgè də mù, mo ηwè, mu yè'sə ndà?>>

14 Wo sə duk fa yi də, <<Mok dukgè də wu Jon ngà bàptesè bwìη, mok də wu Alajà, mok də a Jèrèmiyà kè ngà tsòhòbum Nwì mòk nè yi à ye fa' àlε.>>

15 Fana yi fek mali wo sè' də, <<Wèη yàwèη ne? Wèη dukgè yàwèη də mu yè'sə ndà?>>

16 Saimù Pità duk də, <<Wu Nkum ngà gèm bwìη, nè wo à duk nè, nè wu mo Nwì nè yi cu ηwəm nè.>>

17 Fana Jisòs nè duk fəsə fa nà' də, <<Reηsi yòSaimù mo Jonà. Bəsè ka wu yè'sə ηwè tsok fa. Tsè' fa wu yà' Tè' am nè yi cu məbu.

18 Nə ye sè' də mù sə to fa wu liη nga'a də Pità (lìs), mu nè ci cos àm məmvwε' lìs ènə. Nàaη kpə nè kà cos àm nè yumok gù.

19 Mu nè fa wu ki ncùu gaη sè Nwì sə. Yusè wù kì tes yà' sə nze fεη nè ye megu məbu sè'

ve'nə. Yusè wù firə me'rə yà' sə nze nə ye mubu sè' ve'nə.>>

²⁰ Fana yi tipsə ngàa fàak ye sə wèŋ ve'ε gugun də yà'a kà n̄wə nəmòk də yi yè'e ŋkum ngà gèm bwiŋ n̄ə wo à duk nə tsə' fa lok.

Jisòs Tsə' Mvə'nə Krɛ Ye
Nə Ye

(Mak 8:31-9:1; Luk 9:22-27)

²¹ A yè jə mvək ànə nə lo mantombi, Jisòs yeto ngòtsòhòfa ngàa fàak ye sə wèŋ jəja də yi nə lo tsoŋ li mvwe' lak Jòrosalèm, nə kə ye ngə' fo' wuriŋ. Yi nə ye ngə' nə ndzə bohòbù ŋkwàha bùu sè fo' bə ngàa fa satikà' sè ghaŋ wèŋ bə ngàa yə'rè fa bwiŋ làk. Də wo nə zə yi sè'. Numbu n̄ə tɛ' ye, yi lokok fe'lə mvwe' krɛ sèmok.

²² Yi ànə duk ve'nə, Pità ko soŋsə gesə lo yi fo', nə sə jwa nà'. Pità nə sə duk də, <<Kaco Nwì dzəm yeŋ Tà! Kaco yè'sə ye lok fuk bohòwù ve'nə yeŋ.>>

²³ Yi bùuŋ, nə duk fa Pità nə də, <<Coho gesə ngɛ ni'ì mù wùu Satà! Wu yà'sə nsàp yumòk n̄ə nà' sə təhə lok mɛ mandzè, bùusè yusè wù cèp yà'sə, a tsətsərè n̄ə bwiŋ tse' nà' wo, ka n̄ə Nwì yeŋ.>>

²⁴ Fana Jisòs tsok fa ngàa fàak ye sə wèŋ də, a ye-a ngà n̄wə nəmòk dzəm-a ngòyù lòyi fana nà'a nə beŋ to ntòbum sè ni' nà' sə dzəm yà', nə bək jəŋ ntəəŋ nà' ŋkuŋ nə be' lo yi.

²⁵ Yi də, <<Busè n̄wə n̄ə yi gəhə tse'-a yòŋsè ye fana nà'a nə bisə wà. Nə ye də n̄wə n̄ə yi jə yòŋsè ye co yusè wà bùu mù fana yi nə kə tse' nà'.

26 Busè swe'e sè ñwèe nò tse' sè yè'sò yà, ñga yi tse'-a nzenḡòḡ nò pwe'fo', nò kò bisè yòḡsè ye ε? Kènò yusè aco ñwè kupsə yà', yà' kūrə bə yòḡsè ye yè'sò yu yà?

27 Busè mù nè mù mo ñwè, ves masinjàa am wèeḡ nè vè bə ḡàaḡ Tè' am, nò lak ndàaḡwè pwe'fo' mvè'nè yi à ḡà fàak ye.

28 Mù sè tsè' wèeḡ yè'e zìnə də bùu mok wèeḡ tə fənə sè wo nò kà ntòkrə ñga wo yə mùu mo ñwè mvè'nè mù sè vè bə ḡaḡ ḡkum am sə.>>

17

Jisòs Kupsə Nsəsə Mù Ndàhà (Mak 9:2-13; Luk 9:28-36)

1 A cà nùumbu ntùḡfu fana Jisòs to ḡeḡ Pità bə Jem nò ye Jon nè yi moma Jem nò, bə yà'wèeḡ kok lo mùmvwè' nda mòk nò səsap. Wo à kè cu mèḡù mbwa woòwo.

2 Fana wo ye ñga nsəsə Jisòs kupsə bùuḡ mok nsàp nè zok. Si ye sè reḡ co nùm, cək ye sè reḡ co mareḡ ve'ε.

3 Wo ye fe'lə sè' ñga Musi bə Alajà tesə vè mabu, nò sè taanḡàm bə Jisòs nò wèeḡ.

4 Fana Pità nò duk fa Jisòs də, <<Tà, yà' bònve'ε wùriḡ mvè'nè vesùwèeḡ feḡ yè'sə. A ye-a ñga wù dzəm fana mù ci ba'rə tes bwe duḡ feḡ te'. Mò'fis nè ḡjò, mòk nè Musi, mòk ye nè Alajà.>>

5 Yi ànə sè cep mali ntòfo' fana mbàk mòk nè nà' sè fop ve'ε wùriḡ à vè, nò kə təhə lok wo. Wo yuk ñga ḡḡ ñwè nəmòk sè cep vesə ndzənə mbàk nò də, <<Nè'e mo àm nè mù dzəm yi sè

ntuù mù, mu kwagè bohòyi wùriṅ. Yusè yi cèp pwe', wèeṅ yuk fa yi.>>

⁶ Ngàa fàak ye sè wèṅ ànə yuk vɛ'nə fana wuə ko wo vɛ'ɛ nsàp nè co wù kà cèp to. Wo coho gbɔ fə'ə gesè lo si awo ma sè nze wo pwe'.

⁷ Jisòs və, nə kə jwɛṅ wo bə bo ye. Yi duk fa wo də, <<Wèeṅ kà wəp, wèeṅ lokok mɔtsè.>>

⁸ Wo à mùk kok lis awo, wo kà ṅwè fo' mok yə. Wo ye megu Jisòs yìyi.

⁹ Mvè'nè wo à sè tsə mɔndahà anə fana Jisòs tipsə wo də, <<Wèeṅ kà ṅwè nəmòk bum sè wèṅ yə yè'sə tsè' tètè ṅga mùu mo ṅwè, mù lòkok mwɛ' kpɔ ṅkuṅ.>>

¹⁰ Ngàa fàak ye sè wèṅ à fek yi sè' də, <<Njo nè ṅgàa yə'rè fa bwìṅ lùk wèṅ sè duk də Alajàa nə və tsoṅ ṅkuṅ Krest və ṅgòtesə ves, a bùu yà? >>

¹¹ Yi duk fəsə fa yà'wèṅ də, <<A zìnə də Alajàa nə və. Yi nə və ṅgògùhɔ tsə'rə fəsə bum pwe'.

¹² Nə ye də mù sè tsè' wèṅ də Alajà nə à vè laṅ, fana wo kà yi rì. Wo à jə yi, nə gu yi mvè'nè wo dzəm. Nə ye sè' də mùu mo ṅwè, mu nə ye ṅgə' ndzə bohòwo sè' vɛ'nə.>>

¹³ Anə geṅ bwe ye sè wèṅ rɛɛṅ bə zeṅ də yi sè duk Jon ṅà bàptesè bwìṅ.

*Jisòs Tɛsə Mo Nəmòk
Nè Yi Tse' Yòṅsè Ze'*

(Mak 9:14-32; Luk 9:37-45)

¹⁴ Wo ànə bwi foho və mwɛ' sè bwìṅ à mà cu sè fana ṅwè nəmòk caṅ və bohòyi, nə kə təeṅ fo' bə tumfərə. ṅwè nə sè cep də,

15 <<Tà, koksə-a manziŋ bohòmo àm è. Mo àm nə ŋgà gbù nènò'. Yi sə yə ŋgə' bə zeŋ ve'ε wù kà fù'. Yi gbù yisko'gè mɔ misə riŋ riŋ, nə sə gbù ni sə ndzəpè sè' riŋ riŋ.

16 Mù jə lòyi bohòŋgàa fàak yo, nà' ghak ñàn mvè'nè co wo gu nà' me.>>

17 Jisòs ànə yuk ve'nə, yi cep də, <<Wèeŋ yè'sə guguɔ, wèŋ ka dzədzəm nè co wèŋ luŋsə ŋwè fo' sə ntùè wèŋ tse'. Mɔ nə cum geŋ vesùwèŋ, nə sə ko ntəm ve'nə tètè kə dzeŋ sè? Wèeŋ jəŋ və fa mɔ yi fən.>>

18 Jisòs jwa yòŋsè ze' nè nà' a sə gù ŋkuŋ yi sə yaŋ nə fana nà' tesə gesə lo ndzə ni'i yi anə sè' ghà ànə.

19 Anə geŋ ŋgàa fàak Jisòs sə lo, nə kə fek swihi yi də, <<Vès anə fis fuk yàvès nà' bùè yè'sə bùu yà?>>

20 Yi duk fa yà'wèŋ də, <<A bùusè dzədzəm àwèŋ nè ŋgòlùŋsə bwìŋ bə zeŋ nə, nà'a jo. Mù sə tsè' weŋ sè' də a ye-a ŋga wèŋ tse' mègù-a mɔdzədzəm momjo co mvèm nzaŋ ve'ε fana aco wù duk fa nda nè'e də, <Coho fa'nə, nə kə təeŋ fa'>, nà' coho lo. Yumok kà sè co wèŋ kà yà' gù to mok ye. [

21 Aco be'fis to megu nsàp ènə pìriyà bə dzè zuzɔ ba bwère yumok ka mok ye fe'lə.]>>

22 Wo sə ke' ke'ca nzeŋgòn Galili anə. Anə geŋ wo və mvwe' mò'fis fana Jisòs duk fa bwe ye sə wèŋ duk də, <<Wo nə jəŋ mùu mo ŋwè, nə fa ndzə bohòbwìŋ.

23 Wo nə zə mɔ, nùmbu nè tɛ' dzèeŋ, mù tesə fe'lə və mvwe' kpɔ sə sèmok.>> Bwe ye sə wèŋ

ànə yuk ve'nə fana manziŋ ko wo ve'ε nèbup.

Nzak Lək Tas Məm̀vwe' Ndap Nwì Nè Ghaŋ

²⁴ Jisòs bə bwe ye sə wèŋ à kè dzèŋ m̀vwe' lak Kàpanùm, nə cum fo'. Nùmbu mòk à ye bùu sè wo jəgè mbàam tas sè bwìiŋ là'gè yà' məm̀vwe' ndap Nwì nè ghaŋ nə wèŋ kə fek Pità də, <<Masà àwèŋ nè'e là'gè mbàam yè'sə sè laŋ à?>>

²⁵ Yi dzəm də, <<Ŋ, nà'a là'gèə.>> Anə geŋ yi bwi lo yuye nda'à wo. A kè dzèeŋ ŋga yi ka yumok ntòcep lok fana Jisòs fek nà' də, <<Wù tsəm yòyè'sə da Pità? Ŋkəŋkum sè sə nze fəeŋ ko jəgè mbàam tas awo yè'sə bohòndà wèŋ? Wo jəgè yà' bohòbwe awo kè bohòbùu sè zok wèŋ nε?>>

²⁶ Yi duk də a yegè bohòbùu sè yà'wèŋ ka bwe awo yeŋ. Fana Jisòs cep fe'lə sè' də, <<Ye də bwe awo ka yàwo nzak tse', ka ve'nə yeŋ nà?*>>

²⁷ Nə yeè nə də ŋgògù də ya wo kà jòk fana dù sə mantùŋ. Wu kè dzèŋ ca, wù mak gesə lop sə ndzəpè anə. Fuk nè wu ko to nà' mantombi, wu nə ye mbàm m̀ cùhù yi anə. Wù fis jəŋ mbàm nə, nə kə fa wo ŋgòlà' tiŋ tu yòbə sè yàm bə zeŋ.>>

18

Nwè Nè Ghaŋ Ndà?

(Mak 9:33-37; Luk 9:46-48)

* **17:26 17:26** Bùu Jus wèŋ sè mbəmbam sè wo dzèŋ lùumŋgòŋ hum ba wèŋ à sə làkgè mbàam mòk sè wo à sə gùhu tsə'rəgè ndap Nwì nè ghaŋ nə bə zeŋ lùlùm.

¹ Mvèk ànè à ye fana ngàa fàak Jisòs sè wèŋ vè bohòyi, nè sè fek nà' dè, <<Mvè'nè gaŋ sè mabu cu, nsàp ñwè nè yi yam gha' mok fo' mantombii Nwì yi yè'sè ndà ɛ?>>

² Jisòs to vè mo nèmòk, nè tes nà' mütsetsè'rèè yà'wèŋ.

³ Fana yi tsok fa yà'wèŋ dè, <<Mù sè tsè' wèŋ yè'e zinè dè tse'nga wèŋ kupsè, nè ye co bəbwenke' ŋkuŋ bwèɛ wèŋ kà mvwe' gaŋ sè Nwì sè kè ni yuk.

⁴ Ñwè nè yi jə lo-a ni' ye sè nze co mo nè'e fana nà'a yi nè yi yam càsè mok wèŋ mvwe' gaŋ sè Nwì sè yi.

⁵ Ñwè nè yi jə-a nsàp mo nè co nè'nə mənə liŋ am fana ye dè yi jə yà'sə mù.

Nza' Məmumsè
(*Mak 9:42-48; Luk 15:3-7; 17:1-2*)

⁶ <<Nə ye sè' dè a ye-a nga ñwè mòk gù bəbwe sè wo dzəm bohòmù yè'sè mòk dè yi gu bup fana boŋ ghak bohòyi co wo jəŋ ngòk, nè swi' kə'ə fa ñwè ànè nà' kè mihi, nè mak gesè lo yi sè mvwe' ndzəp nè cəco.

⁷ Bùu sè sənə nzenğòŋ nè cu bə ñgə' njo nè məmumsèə sè aco yà' gu ñwè ngògù bup yè'sə cu fo'. Məmumsèə nè vè tsooŋ li, megu dè a ngə' nè bup bohòŋwè nè yi sè jə vè məmumsè nə.

⁸ Nə ye sè' dè a ye-a nga bo yo kè kùu yo àɛ' sè gù wu ngògù bup fana wù gwɛ' tiŋ mak yà'. Bòghak dè wu kə ni lak lùŋ bə bo kè kù ma mò'fis nè noŋsə nè ngòkè mà' gesè lòwu sənə mis sè yà'a kà liŋgè bə bo kè kù ma ba fo'.

⁹ Nə ye də a ye-a ɲga lis yo sə gù wu, wù sə gù bɔp fana wù so'rə fis mak yà'. Bòghak co wù kə ni mvwe' lùŋ bə lis ma mò'fis nə noŋsə ɲgòkə ni mvwe' ɲgə' nə sə misə bə lis ma ba fo'.

¹⁰ <<Wèeŋ jəŋ ɲkərə də wèeŋ kà bəbweŋke' yè'e wèŋ nə mò'fis co yusə wà jə. Mù sə tsə' weŋ də mvə'nə yà' cu mɔbu, masinjaa bəbweŋke' yè'sə wèeŋ cugə bə Tè' am wèŋ mvwe' mò'fis nùumbu pwe'fo'. [

¹¹ Mùu mo ɲwè, mù à vè ɲgòkə làp yə bùu sə wo à bisə.]

¹² A ye-a wù, wù duk bə ncèp nè'e də yà? A ye-a ɲga ɲwə nəmòk tse'-a nsùŋgaan ye ɲkù mò'fis, fana nə mò'fis jam bisə ca, yi nə lap lo nə mò'fis, nə me'rə sè hum vəke'-ncòp-vəke' sə də yà'a sə zə tse' ɲgan mɔndahà, ka vè'nə ye à?

¹³ Nə ye də, a ye-a ɲga yi kə làp yə nà', mɔ tsok weŋ də yi nə kwa ghak bə zeŋ nə noŋsə sè hum vəke' ncòp sè' vəke' sè yà' ka yàwo bisə sə.

¹⁴ Ye də wèeŋ riŋ də tè' am nə mɔbu nə sə kà dzəm də mɔmweŋke' nə mò'fis bisə dzəm.

*Ncèp Nə BohòMoma Yo
Nə Yi Gù Wu Bɔp
(Luk 17:3)*

¹⁵ <<A ye-a ɲga moma yo mòk gù wu bɔp, wù lo bohòyi, wenə ye ba, wù tsok fa yi yusə yà' yaan wu wenə sə. A ye-a ɲga yi dzəm yusə wù tsə' yi sə, ye də wù ko fəsə vè moma yo nə ma ɲkwèŋ laŋ.

¹⁶ A ye-a ɲga yi ka wu ɲjònə yuk fa, wù to jəŋ fe'lə lo ɲwə nəmòk kə bwìŋ ba àlɛ' sèmok. Ya

yusè wù sè cèp pwe', bùu yè'sè wèen nə ye yàwo
 ɲgàa yuk ntu' ɲgòdə wo à yuk yàwo vɛ'ɛ bə vɛ'ɛ.

¹⁷ A ye-a ɲga yi ka yà'wèɲ sè' yuk fa, wu jəɲ
 lo nzak nə mok mantombii cos. A ye-a ɲga cos
 cèep, yi kà sè' dzəm mali fana wèɲ jəɲ yi mok
 co yi pegè kè co ɲgà ko mbàm tas àlɛ'.

¹⁸ Mù sè tsè' wèɲ yè'e zìnə də, a ye-a ɲga wèɲ
 kì-a yumok sè nze də yà' tə vɛ', wo nə kiɲ yà'
 mɔbu sè' vɛ'nə. Nə ye sè' də wèen firə-a yumok
 sè nze, wo nə firə yà' mɔbu anə sè'.

¹⁹ Mù sè tsè' fa wèɲ mòk sè' də a ye-a ɲga wèɲ
 ba dzəm tse' cù mò'fis bə yà lònɲ, nə lɛɲ piriya
 bə zɛɲ fana tɛ' am nè yi cu mɔbu nə nə gɔ fa
 wèɲ yà'.

²⁰ Njo nè bwɲ ba kè tɛ' àlɛ' kə benə-a mvwe'
 mò'fis bùu liɲ am fana mɔ nə ye mɔtsətsə'rəə
 wo anə.>>

Gbu' Mofàk Nə Yi Kà ɲwè Yumok Swifagè

²¹ Anə gɛɲ Pità kə fek Jisòs nə də, <<Tà, aco
 moma am gɔ mɔ bɔp kè' sù, mù sè swifa yi-ɛ?
 Co kè' sàmba vɛ'ɛ àlɛ?>>

²² Jisòs nə duk fa nà' də, <<Mù ka də a kè'
 sàmba duk, a kɛ' hum sàmba bòp sàmba.

²³ Aco a fuhɔ gaɲ sè mɔbu sè bə ɲkum mòk
 nè yi à dzəm də yi taɲ ja'a mbàam ye bə ɲgàa
 fàak ye ya yi riɲ mvè'nè bwe fàak sè wèɲ sè gù
 bə mbàam ye sə.

²⁴ Yi à yèto ɲgòta ntèn, wo ko jəɲ və fa yi mòk
 nè yi tse' ɲkum nə malà' mbàm.

²⁵ Mvè'nè yi ànə ka mbàam sè co yi lak tse'
 fana ɲkwà' ɲwè ye nə duk də wo sɛɲ yi co
 ɲkwèn. Wo sɛɲ nà' bə ɲgwe nà' nə ye bwe nà'

bə bum nà' sè nà' tse' pwe' ya wo lak ka nà' sə fo'.

²⁶ Ngà fàk nə təŋ tsoŋ sə nze bə tumfərə, nə wup fa ŋkwà' ŋwè ye nə bo vɛ'ɛ wùriŋ. Yi lɛŋ nà' vɛ'ɛ də, <Tà, ko ntum, mɛ nə lak wes fa wu mbàam yo pwe', yumook nə kà bisə.>

²⁷ Manziŋ à ko ŋkwà' ŋwè nə. Yi me'rə ŋgà fàk nə, nə swi fa nà' mbàam sè nà' tse' yi sə.

²⁸ Ngà fàk ànə à tesə tsə ntèn, yi kərə bə ŋgà fàk mòk sè' co yi ŋga yi à sə be' megu nà' mbàm ncùhù co tən vɛ'ɛ. Yi tap ko ŋam pik tse' nà' kè mihì, nə sə duk də, <Lak fa mɛ mbàam am sə.>

²⁹ Ngà fàk ènə gbɛ ye sè' sə nze, nə sə lɛŋ nà' də, <Kwəkwè', ko-a ntum, mɛ nə lak wes fa wu mbàam yo.>

³⁰ Yi kà dzəm. Yi kə nisə nà' ndapndzəm də tse'ŋga nà' làk yi ŋkuŋ.

³¹ Ngàa fàak mok sè a yegè bə yà'wèŋ à yə yusè yi gù yè'sə fana yà' yaan wo vɛ'ɛ wù kà fù'. Wo lo, nə kə tsok fa ŋkwà' ŋwè àwo nə bum sè yà' ye yè'sə pwe'fo'.

³² Anə geŋ ŋkwà' ŋwè nə to yi və. Yi duk fa nà' də, <Wù mo nè bɛp! Mɛ a swifa wu ka sè wù tse' mɛ yà'a pwe'fo' bɛusè wù a lɛŋ mɛ.>

³³ Nə ye də kaco wù koksə manziŋ bohòŋgà fàk mòk sè' mvè'nè mɛ gù bohòwù yà'a yeŋ à? >

³⁴ Mvè'nè ntum à sə yaan yi fana ŋkwà' ŋwè ye nə à jə yi, nə fa sè' ndzə bohòŋgà yeŋsə bwìŋ ŋgə' də wo nisə nà' ndapndzəm, nə ye də tse'ŋga nà' làk wes fa yi mbàam ye sə sè' pwe'fo'.

³⁵ Yà'a sè' mvè'nè Tè' am nè yi cu mɛbu nə gù bohòwèŋ sè' vɛ'nə, ŋga a ye-a də wù ka moma

yo sə ntuà wù swifa na.>>

19

Nza' Mè'rə Ngwe

(Mak 10:1-12; Luk 16:18)

¹ Anə geŋ mvə'nə Jisòs ànə cep wes bum yè'sə fana yi ye'e me'rə nzenḡòŋ Galili anə. Yi lo mvwe' nzenḡòŋ Jùdiyà nè nà'a ma ndzə ntondzəp Jòridaŋ.

² Bwìŋ à yù lòyi fo' vε'ε nèbup, yi gu mesə fa wo yiyaŋ awo fo'.

³ Bùu Faràsii mok wèŋ à vè kə tsèŋ yi də ya wo mumsə ja'a yi. Wo fek yi də, <<Aco lùk dzəm də ηwèe mè'rə ηgwe ye bə njo nè nà' bòyi, ye də yi ka yà'sə bup gu à?>>

⁴ Yi cep fəsə fa wo də, <<Wèŋ a ka mvəsə wo à còm də Nwì ànə gu to ηwè, yi gu ηwəmbam bə ηwàŋwè yà'a ntòtaŋ à?>>

⁵ Yi ànə gu wo vε'nə fana yi duk də, <Nà'a njo nè ηwèe nè me'rə tè' ye bə ma ye, nè kə be'lə bə ηgwe ye.

Wo sè ba sə nə ye mok ηgùpni' nè mò'fis.>

⁶ Ye də wo ka mok ba yeŋ fe'lə, wo mok ηgùpni' nè mò'fis. Ye də yusə Nwì a be'lə yà' mvwe' mò'fis fana ηwè nəmòk kà də yi gapsə yà' duk.>>

⁷ Wo fek fe'lə yi də, <<Anə geŋ Musi nè duk də aco ηwè com fa ηwà nè ηwàk nè ηḡòntsè' də yi mè'rə nà' laŋ nè me'rə yi lo ε?>>

⁸ Yi duk fa fe'lə yà'wèŋ səmok də, <<Musi à mè'rə də wèeŋ mè'rə yep awèŋ bùusə ntum awèŋ gu nèbup, bwèε mvə'nə yà' à yeto mantombi à ka vε'nə yeŋ yuk.

⁹ Mù sè tsè' wèŋ sè' də a ye-a ŋga ŋwè me'rə ŋgwe ye, ŋga yi ka nà' bùu njo nè də ŋwà nè sè ko nto me'rə, nè jəŋ fe'lə ŋwà mòk səmok fana ye də yi yà'sə ŋgà ko nto.>>

¹⁰ Ŋgàa fàak ye wèŋ duk fa yi də, <<A ye-a ŋga nzak ŋgwe bə ndum mə mvək ènə, ye də bòghak co ŋwè kà ŋwàŋwè jə lo'.>>

¹¹ Yi duk fa fe'lə wo də, <<Kaco bwìŋ pwe' dzəm ncèp ènə yeŋ. Aco dzəm megu nà' bùu sè Nwì a fa wo ncèp nè yi.

¹² Bwìŋ cu yo sè wo à dzə wo ləm. Bwìŋ cu sè' yo sè wo à ya' wo ŋkuŋ wo bùuŋ ləm. Mook sè' yo sè wo bùsə ni' awo co ləm njo gaŋ ŋkum Nwì. Ŋwè nè yi rì də aco yi dzəm to ncèp ènə fana yi dzəm sè ntèŋ.>>

*Jisòs Sè Bəbwenke' Wèŋ
(Mak 10:13-16; Luk 18:15-17)*

¹³ Anə geŋ wo jəŋ və fa yi bəbwenke' wèŋ də yi naaŋ fa yà' bo, nè gu pìriyà. Ŋgàa fàak ye wèŋ ànə ye ve'nə, wo jwa sa'rə bùu sè də yà'a kà ve'nə gù.

¹⁴ Jisòs duk də, <<Wèeŋ me'rə bəbwenke' wèeŋ və bohòmù, nè kà wo mandzè lok, bùusə gaŋ ŋkum sè mubu sə, tse' yà' nsàap sè co wo yè'sə.>>

¹⁵ Fana yi naaŋ fa yà'wèŋ bo ye mə tuhù, nè se wo ŋkuŋ nè yè'e me'rə lo yuye.

*Ŋgə' Nè Bə Ghàk
(Mak 10:17-31; Luk 18:18-30)*

16 Nwè nèmòk vè bohòJisòs, nè duk fa nà' dè, <<Cicà, yusè bèbon sè co mù guu yè'sè yà, ñkuñ ya m̄ nè kè tse' lùñ nè nà'a nè kà mè ε?>>

17 Yi duk fəsə fa nà' dè, <<Wù sè fek m̄ yòyusè bèbon sè fe'e nà? Nwè nè yi bèbon mègù nè mò'fis. A ye-a ñga wù dzəm dè wu nè kè tse' lùñ, wù nonşə lùuk sè bèbon.>>

18 Yi fek mali Jisòs dè, <<A yè'sè lùuk sè fòlε-ò?>> Jisòs tañ fa yi dè, <<Kà ñwè zə. Kà nto ko. Kà yè yè. Kà gèem m̄wès ko.

19 Wəp tē' yo bə ma yo, nè dzəm moma yo co m̄vè'nè wu dzəmgè ni' yò.>>

20 M̄ wà'ñwè nè duk fa fe'lə nà' dè, <<Bum sè wù tañsə yè'sə pwe', mù a gù wes yà' lañ. Yusè mù ka yà' ntòguu yè'sə yà?>>

21 Jisòs duk fa nà' dè <<A ye-a ñga wù dzəm dè wu ye kəkurè pap, wù lo kè señ bum sè wù tse', nè fa ñgàa jìñ mbàam sè ya wu nè tse' ghàk m̄bu, nè bē' mandzè nè yuñ vè m̄.>>

22 Wà'ñwè nè à yuk vε'nə, ñgùpcù gb̄ yi yèk, yi coho lo, b̄usè yi à tse' bum vε'ε wùriñ.

23 Fana Jisòs b̄uñ duk bohòngàa fàak ye wèñ duk dè, <<Mù sè tsè' weñ ñkèm duk dè, gu wùriñ bohòngà ghàk ñgòkè ni m̄we' gañ Nwì.

24 M̄ tsok weñ sè' dè johò cà bohònàm nè yi yam co nàmbà'rè nà'a ñgòcà torə tesə ndzənə w̄ patà', nè nonşə bohòngà ghàk ñgòni m̄we' gañ ñkum sè m̄bu.>>

25 Ngàa fàak Jisòs sè à yuk vε'nə fana vòm kok wesə wo nèbup. Wo fek dè, <<Ye dè aco ñwè nè yi tse' to lùuñ yè'sə ndà?>>

²⁶ Jisòs kùk gesè yà'wèṅ, nè ðuk fa wo ðə, <<Aco yumok gəṅ ghak li ṅwè, yumok kà Nwì-e gəṅ ghak yuk.>>

²⁷ Anə geṅ Pità cep fəsə fa nà' ðə, <<Ja'a na yòo məm̀vè'nè vès a mè'rə bum avès pwe' nè pwe', nè bɛ' wu, yusè vès nè kə tse' sè yè'sə yu yà?>>

²⁸ Jisòs ðuk fa fe'lə wo sè' ðə, <<Mù sə tsè' wəṅ zìnə ðə, bə nzeṅgòṅ nè fi nè nà'a nè kè ye ntsə'mòk nè fana mùu mo ṅwè, mù nè kè cu mənə kapràk àm co ṅkum nè ghaṅ. Wèṅ sè hum-ncòp-ba sè wèṅ a bɛ' mù yè'e nè cum sè' mənə kapràak yàwèṅ. Fana wèṅ sə sak buhu lak Izùrɛ sè hum-ncòp-ba sə.

²⁹ Nə ye sè' ðə ndaaṅwè pwe' nè yi a me'rə ndap ye, kè bwema ye, kè njè'egùu ye, kè tè' ye, kè ma ye, kè bwe nè ye nzum àlɛ' pwe' bùu liṅ am, yi nè kè tse' fe'lə kè' ṅkù mò'fis. Kà yà'sə mègù, yi nè kè tse' lùṅ nè nà'a nè kà mè nè sè'.

³⁰ Mvèk ànə ye, bwìṅ ṅkùuṅ sè wo ṅga'a mantombì nè ye mok maṅkwèṅ, fana ṅkùuṅ sè wo ṅga'a maṅkwèṅ nè ye mantombì.>>

20

Gbù' Bùu Sè Wo A Fàk M̀nzuù Nkwà' Nwè Mòk

¹ Jisòs à cèp ncèp mòk ðə, <<Gaṅ sè Nwì sə yà'a co ṅkwà' ṅwè nəmòk nè yi à yaaṅ tesə ntsə'mòk ðə yi lo kə lap ṅgàa fàk, ya wo fak m̀nzuù yi.

² Yi ànə cep tes bə bùu sè wèṅ mvè' mbàm nè yi nè lak yà' nùmbu nè mò'fis nè fana yi gesè lo yà' m̀nzuù yi anə.

³ Nùm à sè ye lòco nùm beṅ, yi lo nə kə ye fe'lə bùu səmok, nga wo sə təəṅ dzòoṅ mu nteṅ wà.

⁴ Yi duk fa yà' də, <Wèeṅ du kə fak mu nzuù mù sè' ya mu nə lak weṅ kəkurè.> Anə geṅ wo lo fo' sè'.

⁵ Yi à tesə lòfe'lə nga nùm maràṅ, nə ye nga nùm càsə maràṅ sè', nə kə gu sè' ve'nə.

⁶ Nùm à sə naaṅ lo bə cùu nda, yi lo, nə kə ye mali bùu mok sè' nga wo sə təəṅ sè' wà anə. Yi fek yà'wèṅ də, <Wèṅ sə təəṅ càsə bəpsə mvək fèeṅ wà ve'nə bùu yà?>

⁷ Wo duk fa yi də, <A bùusè ṅwè nəmòk ka ves yumok də vèes gu fa.> Yi duk fa wo də, <Wèeṅ du kə fak mu nzuù mù anə sè'.>

⁸ Nùm à co, yi duk fa ṅgà fàk ye nè mantombi də, <To bùu sè wo fàk sə, nə lak wo. Làk yè jəṅ ṅwè nè yi vè lèsə maṅkwèṅ, nə kə lèsə bə ṅwè nè yi anə və to.>

⁹ Bùu sè wo anə və ṅgòfàak nga nùm sə naaṅ lòbə cùu nda à vèə, wo lak wo mbàm nè wo làkgè ṅwè nga yi fàk yiskok numbu mò'fis.

¹⁰ Bùu sè wo à yèto ṅgòfàk wo sə wèṅ à vèə, wo sə tsəm də wo nə lak wo yàwo zok. Wo fa megu yà' sè' mvè'nè wo làk bùu mok sə.

¹¹ Wo ànə jəṅ yà' fana wo ye ṅgòcèp ṅwəm ke'cà bə liṅ njkwà' ṅwè nə.

¹² Wo sə duk də, <Bùu sè wo vè lèsə tsə yàwo ṅga'a yè'e fàk mègù ghàr ve'e, anə geṅ wù lak wo sè' yəyərè bə vès sè vès fàk yə yiskok ṅgə' bə nùm nè nà' sə to barə bwìṅ nè'e.>

¹³ Yi duk fəsə fa mòk mütsetser'èə wo anə də, <Ṅge' àm, mù ka weṅ bup gu lok. Mbàm nè mù

làk wẹ̀n nẹ̀ ka mvè'nè anẹ̀ cep tes sẹ̀ yẹ̀n à?

¹⁴ Jẹ̀n mbàm yò, nẹ̀ lo gəe'. Mù dzəm mù dẹ̀ mụ̀ fa bùu sẹ̀ wo vẹ̀ lèsẹ̀ yè'e sẹ̀' mvè'nè mù fa wu.

¹⁵ A ye-a ɲga mù tse' mbàam am, kaco mù gu fo' mvè'nè mù dzəm yẹ̀n à? Kènẹ̀ dẹ̀ ntum sẹ̀ yaan wu bùusẹ̀ mù sẹ̀ fa bwiɲ mbo-ε?> >>

¹⁶ Fana Jisòs lèsẹ̀ ncẹ̀p nẹ̀ dẹ̀, <<Yà'a mvè'nè bùu sẹ̀ wo maɲkwèɲ nẹ̀ kẹ̀ ye ntsə'mòk mantombi, sẹ̀ wo à ye mantombi kẹ̀ ye mok maɲkwèɲ.>>

Jisòs Cẹ̀p Mvè'nè Kpu Ye

Nẹ̀ Ye Səmok

(Mak 10:32-34; Luk 18:31-34)

¹⁷ Mvè'nè Jisòs à sẹ̀ kok lòmụ̀ Jòrosalèm fana yi jẹ̀n lo ɲgàa fàak ye sẹ̀ hum-ncòp-ba sẹ̀. A kẹ̀ dzẹ̀n mandzẹ̀, yi ləksẹ̀ gesẹ̀ yà' ɲguàɲ jo, nẹ̀ cep bohòwo dẹ̀,

¹⁸ <<Wèɲ ye, mvè'nè a sẹ̀ lòmụ̀ Jòrosalèm yè'e, wo nẹ̀ fa mụ̀ mo ɲwè ndzẹ̀ bohòɲgàa fa satikà' sẹ̀ ghaɲ bẹ̀ ɲgàa yə'rè fa bwiɲ lùk wèɲ. Wo nẹ̀ sak mụ̀, nẹ̀ dzəm tes dẹ̀ mù mègù ɲgà kpu.

¹⁹ Wo nẹ̀ fa mụ̀ ndzẹ̀ bohòbù lakmvum dẹ̀ ya wo ywi'lẹ̀ mụ̀, lẹ̀p mụ̀, nẹ̀ tẹ̀'lẹ̀ mụ̀ mụ̀ ntə̀n. Nùmbu nẹ̀ tẹ̀' dzèɲ, mù lokok mvwe' kpu.>>

Yusè Ma Bwe Zebèdi Wèɲ

A Lẹ̀n

(Mak 10:35-45)

²⁰ Anẹ̀ geɲ, ma bwe Zebèdi wèɲ à vẹ̀ bẹ̀ bwe ye sẹ̀ wo ɲgàa fàak Jisòs ba, nẹ̀ kẹ̀ ye Jisòs nẹ̀. Yi

kə təŋ kə mantombii nà' bə tumfərə, nə də yi dzəm ŋgòlɛŋ yumok.

21 Fana Jisòs fek ŋwà nə də yusè nà' dzəm yàlɛ? Màmì nə də, <<Kàk fa mɛ-ɛ də ghà nè wu nè ye ŋkum, wu nə jəŋ bwe am sè ba yè'e, nə cumsə mòk ma màk nə cumsə mòk ma ŋkwiip wù-è.>>

22 Jisòs nə duk fa nà' də, <<Wù ka yusè wù sə fek mɛ də mɛ gu yà'sə riŋ. Aco wèŋ ye to ŋgə' nè mɛ nə ye nə à?>> Wo də, <<Ŋ, aco vès ye to ŋgə' nə.>>

23 Yi duk fa fe'lə yà'wèŋ də, <<A zìnə də wèŋ nə ye. Yusə megu də, mù ka ñàaŋ sè ŋgòswe' bùu sè wo nə cum mɛ ma màk bə ma ŋkwip mù tse'. Mvwe' ncum yà'sə sè bùu sè Tè' àm a cok noŋsə wo yi.>>

24 Bwe ye mok sè hum sə à yuk yu yè'sə fana wo jok bohòbwe ma sè ba sə wùriŋ.

25 Fana Jisòs to benə və wo pwe', nə tsok wo də, <<Wèŋ rì də, ŋkəŋkum sè wo tse' dzòk sə nzenɡòŋ fɛɛŋ gùgè bwìŋ ŋkùì'. Bùu sè yà' tse' ñàŋ mɛ tùhù wo sə niŋtsok fa wo ñàŋ sè'.

26 Yè'sə ka tse' ŋgòye bohòwèŋ yàwèŋ vɛ'nə yeŋ. Ŋwè nè yi dzəm-a ŋgòye ŋwè nè ŋkùuŋ mɛtsətsə'rə wèŋ fana yi tse' ŋgòfàk co mwenke' bohòmok sə lòŋ fo'.

27 Nə ye sè' də, ŋwè nè yi dzəm-a ŋgòye mantombi yi, yi tse' ŋgòye ŋkwèŋ bohòwèŋ pwe'.

28 Busè mùu mo ŋwè bə tu am, mù à ka də bwìŋ fak bohòmù və. Mù à vè ŋgòfàk fà'a, nə fa yòŋsè àm ŋgòywiŋ fəsə jə yòŋsəò bwìŋ ŋkùuŋntèŋ.>>

Jisòs Mùk Fa Bwìṅ Ba Lis Awo
(Mak 10:46-52; Luk 18:35-43)

²⁹ Wo à kè dzèṅ Jèrikù nè dè wo lo fana bwìṅ yuṅ vè Jisòs vè'ε co wù kà cèp.

³⁰ Fana bù ṅgàa jì lis mok ba à sè cu ṅgù mandzè. Wo yuk dè Tà Jisòs sè cà yi. Wo wan torè fis dè, <<Koksè-a manziṅ bohòvès-è, mo Devid!>>

³¹ Bùu sè wo à ye fo' sè wèṅ gham wo, dè yà'a cum gæ'. Bùu sè wèṅ torè ghaha co wo kwè'sè wo kè kwè'sè. Wo sè torè dè, <<Tà, mo Devid, koksè manziṅ bohòvès.>>

³² Anè geṅ Jisòs foho tæṅ, nè to fek yà'wèṅ dè, <<Yusè wèṅ dzəm dè mɔ gɔ fa weeṅ yè'sè yà?>>

³³ Wo duk fa yi dè, <<Tà, mùk fa mègù ves lis avès.>>

³⁴ Manziṅ à ko Jisòs, yi jweṅ lis awo sè bə bo ye. Lis awo sè muhu gu sè' ghà ànə, wo gi yuṅ lo Jisòs nè.

21

Jisòs Ni Lak Jòrosalèm
Co Nkum

(Mak 11:1-11; Luk 19:28-40; Jon 12:12-19)

¹ Wo ànə sè kɔp lo Jòrosalèm anə fana wo wes mvwe' lak Befà. A fo' mvwe' nda nè wo togè nà' dè Nda Olip. Fana Jisòs tumse lo ṅgàa fàak ye ba.

² Yi tsok yà'wèṅ duk dè, <<Wèṅ du mvwe' lak sè ndzə yà'a. Wèṅ ni kok lòfo' ntèṅ, wèṅ ye ṅga wo tsòṅ tes mvomndè' mòk fo' bə mɔmo ye. Wèṅ fiṅ jəṅ vè fa mɔ yà'.

³ A ye-a nga ñwè nəmòk fek-a wen yumok, wèñ duk yi dè, <Tà dzəm dè vès jəñ və fa yi yà'.> Wèen duk-a vɛ'nə, yi nə me'rə wen sè ntən dè wèen lo bə zən.>>*

⁴ Yè'sə à ye vɛ'nə də ya bum sè ngà tsòhòbum Nwì à cèp sə buɛn və zinə. Yusè yi à cèp sə də,

⁵ Nwì a duk də,

<<Tsòk fa bùu sè mvwe' ntòlak Zayòn wèñ də,

<Wèen yeè, ñkum awèñ sə vè bohòwen.

Yi jə ni' ye sə nze,

nə kok cuù nə mənə mvomndè', mənɔgwèn mvomndè'.> >>

⁶ Fana ngàa fàak sə wèñ lo nə kə gu megu sè' mvè'nè Jisòs ànə tsok wo sə.

⁷ Wo jəñ və mvomndè' nə bə məmwe nə. Wo san naan cèək awo mbwa fana yi kok cum mbwa.

⁸ Bwiñ à vè ñkùɛntèn, nə sə fwen san lo cèək awo sə mandzè. Mok wèñ kə cañ ci' və mvùu tɛ, nə sə nonɔsə lo yà' sə mandzè anə.

⁹ Bùu sè wo à ye mantombi bə mankwèn wèñ pwe'fo' à sə gùrə. Wo sə duk də, <<Hòsanà bohòmo David! Nwii se yi nè yi vè mənə liñ Tà. Hòsanà ye bohòNwì nè yi yam càsə yà lònɔ fo'.>>

¹⁰ Yi ànə kə ni mɛ ntòlak Jòrosalèm anə fana ntòlak nə curə wuk. Wo sə fe'rə kɛ'ca də, <<Nè'nə yè'sə ndà?>>

¹¹ Fana ngo bù nè yi à vè bə yà'wèñ nə sə duk də, <<Nè'e ngà tsòhòbum Nwì nè liñ yee Jisòs

* **21:3 21:3** Aco ncèp ènə ye sè' də, <<Ñkwà' ñwè àvès dzəm dè vès jəñ və fa yi nà' fana yi nə tum fəsə vesə nà' sè' nga'a yè'sə.>>

nə. Yi vè mvwe' lak Nazàre nè mvwe' nzenğon Galili.>>

Jisòs Bε'fis Ngàa Sèη Bum
Mε Ndap Nwì Nè Ghan Nə
(Mak 11:15-19; Luk 19:45-48; Jon 2:13-22)

¹² Anə geη, Jisòs lo, nə kə ni mɛmvwe' ntòmbi ndap Nwì nè ghan nə. Yi bε'fis bùu sè wo à sè sèη bum nə ye sè wo à sè ywiη bum mbwa sə pwe'. Yi bwi' kε'mak teberèə bùu sè wo à sə kupsə mbàam awo mbwa sə bə dzòok ηgàa sèη kəkəbùη wèη pwe'. †

¹³ Yi duk fa yà' də, <<Wo à còm nònşə ndzənə ηwàk Nwì sə kum ndap Nwì nè ghan ènə də, <Liη ndap àam nə ye də ndap piriya.> Fana wèη jə busə nà' ndap ηgàa yə wèη.>>

¹⁴ Anə geη, ηgàa ləlohòlis bə sè wo kà gìgè wèη və kə tseη yi mε mvwe' ndap Nwì nè ghan nə, yi sə gūşə yà'wèη.

¹⁵ Ngàa yə'rè fa bwìη lùk bə ηgàa fa satikà' sè ghan wèη à yə nsàap bum maηğəηgèeη sè yi à sə gùu fana wo jok. Yusè wo à jòk bùu zeη, mòk à ye mvè'nè bweηke' wèη à sə fu fa yi mε nda'à Nwì nè ghan nə də, <<Hòsanàa ye bohòmo Devid.>>

¹⁶ Fana wo fek yi də, <<Wù sə yuk bum sè bwe yè'e sə cèp sè laη à?>> Jisòs duk fa wo də, <<Ŋ mε sə yuk. Wèη ka yusè wo à còm də, <Nwì à fùhu cùu bweηke' sè wo sə no mali mbwi wèη ηgòkwasə yi bə zeη> yà'a taη à?>>

† 21:12 21:12 Kəkəbùη yà'sə, a sè wo à sə fa satikà' bə zeη.

17 Yi ànə me'rə wo fana yi tesə mụ ntòlak anə, nə lo mvwe' lak Betani, nə kə noon fo'.

*Jisòs Yàk Tụ Nà' Kpụ Yum Ghà Anə
(Mak 11:12-14, 20-24)*

18 Tsok à rɛŋ, nə zəzòŋ ŋga yi sə bwìŋ foho lòfe'lə mụ ntòlak anə fana ye mok ŋga njè sə ya yi.

19 Yi à fəsə lis, nə ye tụ mòk nə wo togè nà' də fik, ŋga nà' tə ŋgụ mandzè. Yi geŋ fo', nə kə dzeŋ ŋga nà' tse' mègù mvù, nə kà zəm. Fana yi duk fa tụ nə də, <<Wu nə kà mok zəm yuk.>> Yi ànə cep ve'nə ntèŋ, tụ nə yum sè ghà ànə.

20 Ngàa fàak ye wèŋ à yə ve'nə fana wo mərə ve'ɛ wùriŋ də tụ nə yum tsə mègù ghà nə yè'sə vale.

21 Jisòs duk fa wo də, <<Mù sə tsè' weŋ zìnə də a ye-a ŋga wèŋ tse' dzədzəm, nə kà sə mərə kɛ', wèeŋ nə gụ yusè yà' yam gha' yusè mù gù bohòtụ nè'e yè'sə. Aco wèŋ duk fa nda nè'e də, <Coho fa'nə, nə kə kəeŋ gbụ lo sənə ndzəp nà'a;> yà' fak.

22 Nə ye sà' də ŋga wèeŋ tse'-a dzədzəm fana yusè wèŋ lɛŋ yà' bə piriya pwe', wèŋ tse' yà'.>>

*Fa Jisòs Nàŋ Ndà?
(Mak 11:27-33; Luk 20:1-8)*

23 Jisòs à kə foho ni fe'lə māmuvwe' ntòmbi ndap Nwì nə ghaŋ nə, nə sə yə'rə bwìŋ mbwa səmok. Yi ànə sə yə'rə wo fana ngàa fa satikà' sè ghaŋ bə bù ŋkwàha bù Jus wèŋ kə tseŋ yi. Wo fek yi də, <<Wù gà bum sè wù sə gù yè'sə

bə ɲàaŋ sè fò? Kènə fa wu ɲaŋ ndà də wu ɡu yà' ɛ?>>

²⁴ Yi duk fəsə fa yà'wèŋ də, <<Mɛ nə fek wɛŋ yu səmok yàm sè'. A ye-a ɲga wèŋ tsè' fa mɛ fana mù tsok fa wɛŋ nsàp ɲaŋ nè mù tse' ɲgògù bum yè'sə bə zɛŋ nə sè'.

²⁵ Ncèp nə də, ɲàaŋ sè Jon à sə bàptəsə bwɪŋ bə zɛŋ yà'a à vè bohòNwì kè yà' à tesə bohòbwɪŋ-ɛ?>> Wo à yèto ɲgòcèp bə zɛŋ mʉtsətsə'rə wo duk də, <<A tsok fa yi yè'sə da? Bʉsə a duk-a də ɲàaŋ sə à sə vè bohòNwì, fana yi nə fek fe'lə ves də, anə ɡɛŋ vesùwèŋ kà yusè Jon à sə cèp dzəm bùu yàɛ?

²⁶ Nə ye sè' də a duk-a də yà' à vè bohòbwɪŋ fana a sə wəp yusè bwɪŋ nə ɡu sə bùusè wo dzəm tse' yàwo də Jon nə ɲgà tsòhòbum Nwì.>>

²⁷ Fana wo duk fa Jisòs də wo ka riŋ. Jisòs duk bwi fa wo ye sè' də, <<Ye də mɛ nə kà wɛŋ nsàp ɲaŋ nè mù tse' ɲgògù bum yè'e bə zɛŋ nə sè' tsè'.

Gbɛ' Bwe Mok *Sè Wo A Ye Bwɪŋ Ba*

²⁸ <<Wèŋ tsəm bə ncèp nè'e da? ɲwè nəmòk à ye, yi tse' bwe ye ba. Yi kə duk fa nè mantombi nə də, <Mo àm, dù, nə kə fak mɛ nzuù ntinə.>

²⁹ Mo nə də, <Mɛ nə kà ɡè.> A ye maŋkwèŋ yi kupsə ntəm ye, nə lo.

³⁰ Fana yi lo bohòmo ye nè ba, nə duk fa nà' sè' vɛ'nə. Mo nə də, <Mù yuk laŋ pàpa a. Mɛ nə ɡɛŋ>, nə kà yuye ɡè.

³¹ Sə tsətsə'rəə bwe sè ba yè'sə, ɲwè nè yi à ɡù yusè tè' à dzəm à ye nè fò?>> Wo də, <<A nè

mantombi nà'a.>> Jisòs duk fa wo dè, <<Mù sè tsè' wèŋ yè'e zìnè dè, bùu sè bup sè wo ngàa benè mbàam tas bə ngàa kohòsàhà wèŋ nə ni to lo mvwe' gaŋ ŋkum Nwì wo, nə nonʒə wèŋ.

³² Njo nə də Jon ngà bàptesè bwìŋ à vè, nə sè tsoho fa wèŋ mandzè nè nà'a kəkərè nə, wèŋ kà yi sè' yuk fa. Bùu sè bup sè ngàa ko tas bə ngàa kohòsàhà wèŋ nə dzəm fa yi yusè yi à sè cèp sè. Wèŋ ye bum yè'sə, nə kà dè wèŋ kupsə ntuum awèŋ nə dzəm fa yi sè duk.>>

Gbù' Ngàa Kùk Nzum

Sè Wo A Ye Bup

(Mak 12:1-12; Luk 20:9-19)

³³ Anə geŋ Jisòs duk wo dè, <<Wèŋ yuk gbù' mòk nè' sè'. Nkwà' ŋwè nəmòk à ye nè yi ànə tse' nzum ndik nəmòk nè wo togè nà' dè grep. Nə gum yà' bə ŋka', nə tuŋ tsə'rə mvwe' sè wo nə sə nəŋ fis ndzəp ndzənə nto'o greep sə fo', nə ci tes yumok fo' co wu kok cum mbwa, nə sə tək nzum sə, nə tes yà' bohòbùu səmok, nə ye'e lo gi mvwe' səmok. ³⁴ Mvək à kəp nè ngòkwì ŋgwii bum sè mɛ nzuù anə fana yi tumsə ngàa fàak ye wèŋ dè wo kə tseŋ bùu sè wo cu mɛ nzuù anə, nə jəŋ fa yi ŋgwii bum sə ma njè.

³⁵ Bùu sè wo à sə cu mɛ nzuù anə wèŋ sə ko ngàa fàak ye sə wèŋ, nə ləp mòk, nə zə mòk, nə təprə mòk bə lìs.

³⁶ Yi tumsə fe'lə ngàa fàak ye mok, wo yam ghak mok sè ye to fa' mantombi sə. Wo gu yà'wèŋ sè' mvè'nè wo ànə gu sè mantombi sə.

37 Yi tumsə ləsə mok mo ye nè yi à dzə nà' ndzə vèə yi. Yi sə duk ye də, <Wo nə wəp tsoŋ li nà'.>

38 Bùu sè wo à sə cu mɛ nzuù anə à yə mo ye nə fana wo duk də, <Nè'e ŋga'a mo ye nè ndzə vèə yi, nè ŋkwà' ŋwè nə kà-a ye, yi nə cum mvwe' kùu ye yi nə. Wèeŋ və a zə yi ŋga a tse' bum ye sə vès.>

39 Wo kə ko fis yi mɛ nzuù anə, nə zə yi.

40 Nə ye də a ye-a ŋga ŋgà nzum nə və-a, yi nə gu bùu sè wo cugè mɛ nzuù anə va?>>

41 Wo duk yi də, <<Yi nə ko bùu sè bɛp yè'sə, nə zə yà' vɛ'ɛ jì manziŋ, nə jəŋ nzum nə fa yà' bohòbùu mok sè wo nə sə fa yi ŋgwii bum ye ghà nè yà' zəm.>>

42 Jisòs duk fa wo də, <<Wèeŋ a ka mvè'nè wo à còm ndzənə ŋwàk Nwì yà'a taŋ yuk à? Də, <Lis nè ŋgàa ci ndap wèeŋ à dzèeŋ màk nònʒsə nà' də nà'a bɛp nə kè tse' gha' fe'lə fàk mok sè' zeŋ.

A gu yè'sə Tà Nwì, fana yà' ye maŋgəŋgèŋ mɛ lisè vesùwèŋ nèbɛp.‡>

43 Ye də mù sə tsè' weŋ yè'e zeŋ də wo nə jəŋ gəsə mvwe' gaŋ ŋkum Nwì sə bohòwèŋ, nə fa yà' bohòbùu sè wo nə zəm riŋ ŋgwii sə. [

44 Nwè nè yi gbù-a mɛnə lis ènə, ŋgèŋgàŋ tiŋ sam zəzok. Nə ye sè' də a ye-a ŋga lis nə gbù-a mɛ ni'ì ŋwè nəmòk, nà' gok fam ŋgèŋgàŋ.]>>

‡ 21:42 21:42 Jisòs à sə cèp yè'sə ncèp mòk nè nà'a ndzənə ŋwàk Sàam118:22. Yi à sə fùhɛ ni' ye bə lis, nə sə fùhɛ ŋgàa ci ndap sə bə ŋgàa fa satikà' nə ye bùu Jus mok sè mantombi.

⁴⁵ Ngàa fa satikà' sè ghan bə bùu Faràsi wèŋ à yu'rə wes gbə' yè'sə fana wo riŋ də nà' sə cèp yè'sə bohòwo.

⁴⁶ Fana wo lap mandzè də wo ko yi. Wo sə wəp fe'lə bwìŋ, bùusè bùu sə wèŋ à jəŋ yi yàwo co ngà tsòhòbum Nwì.

22

Gbə' Nè Wo A To Kε'cà Bwìŋ NgòKè Zə Bum Gù
(Luk 14:15-24)

¹ Anə geŋ Jisòs nə tsok fa fe'lə wo gbə' mòk sè' də,

² <<Aco wo fùhə gaŋ sè mabu sə co bə ŋkum nəmòk nè yi à fùhə gùu mo ye də bwìŋ kə zə fa yi.

³ Anə geŋ yi tumsə lo ngàa fàak ye wèŋ də yà'a kə to və bùu sè yi to yà'wèŋ də a ta wo və sə. Wo kà yu awo vè.

⁴ Yi tumsə fe'lə bwe ye mok sèmok də wo kə tsok bùu sə də yi fùhə wes zuzuu ye laŋ. Də, <Mù sɛə ndum mbòŋ am nə ye mbòŋ sè mù à ya' wo yà'a wèŋ nduk. Mù gù wes bum pwe'fo' laŋ, wo və nə kə zə.>

⁵ Bùu sə wèŋ kà mbeŋ nè mbeŋ kom lok. Mòk bɛ' mandzè ye lo nzuù yi, mòk lo mvwe' sèŋ bum ye.

⁶ Mok sè wo bwehe cu sə wèŋ ko ngàa fàak ye sə, nə taksə wo, nə zə wo.

⁷ Ŋkum nə à jòk vɛ'ɛ kpɛ nə kpɛ, nə tum sojàa ye wèŋ kə zə bùu sè wo à zə bwìŋ sə. Sojàa ye sə wèŋ à tèn vèpsə lak bùu sə wèŋ sè'.

⁸ Fana yi duk bwe ye sə wèŋ də, <Mù fùhu bum sè mvwe' gùu sə laŋ. Megu də bùu sè mù to wo sə ka bùu sè anə ye co mù to wo sə yeŋ.

⁹ Ye də wèeŋ lo sə mandzè, ɲwè nè wèŋ yə lòoŋ, wèŋ to wo ɲgòvè mvwe' gùu sə.>

¹⁰ Bwe ye sə wèŋ à lòsə mandzè, nə to benə bùu sè wo yə pwe'. Bùu sè bəboŋ bə sè bup wèŋ pwe' nduk. Ndap nè wo à sə gù gùu sə mbwa nə à rwiŋ vɛ'ɛ ɲkiŋ bə bwìŋ.

¹¹ <<Nkum nə à lòdə yi kək ja'a bùu sè wo vè sə fana yi ye ɲwè nəmòk mbwa mò'fis nè yi à ka cèək sè wo ni lògè yà' mvwe' gù sə nitse'.

¹² Yi fek nà' də, <Nge', wù yè va ɲkuŋ nə kə ni cum fɛŋ jì cək gù ɛ?> Nɲà' nə cum dədok, nə kà cù mùk.

¹³ Fana ɲkum nə to bùu sè wo sə fàk bohòyi, nə duk fa yà' də, <Wèeŋ ko kiŋ ɲwè nè'e. Wèeŋ kiŋ tasə bo ye bə kùu ye pwe'fo', nə kə mak gesə lo yi mvwe' sè ndzəm sə seŋ fo'. Bwìiŋ nə sə waŋ, nə sə zɛ nzòŋ fo'.> >>

¹⁴ Jisòs mesə ncèp nə də, <<Yà'a mvè'nè wo a to bwìŋ ɲkùuŋ fana nə cok fis jəŋ megu moòm jo.>>

*Fa Nwì Yuye Nə Fa Nkum Kaisà Yusè Ye
(Mak 12:13-17; Luk 20:20-26)*

¹⁵ Anə geŋ fana bùu Faràsi wèŋ lo kə cum kwe', nə lap mandzè də ya wo tam jisòs bə duk.

¹⁶ Wo tum be'lə bùu sè wo fàkgè bohòwo mok bə bùu Heròwèŋ bohòJisòs anə. Wo kə duk yi də, <<Cicà, vès rì də wu ɲwè nè zìnə. Vès rì də wu yə'rə fagè bwìŋ mandzè Nwì bə zìnə, nə kà

yusè ñwèe nè cèp sè wəp, bùusè wu kà yòdè nè'e ñwè nè ñkùunj kè nè jo àlè' tsəragè.

¹⁷ Tsok-a ves yusè wù tsəm yò. Lùuk vesùwèn sè tsè' dè, a bèboŋ ñgòlák fa ñkum Kaisà nè mvwe' lak Rumà mbàam tas kè ka' ε?>>

¹⁸ Wo à sè cèp yè'sə ñga Jisòs rì wes yusè wo sè lirə ca sè pwe' nè pwe', fana yi fek yà'wèn dè, <<Wèn ñgàa tè'èŋkup, wèn sè dè wèen mumsə yè'sə ndà?

¹⁹ Wèen jəŋ və fa a mu mbàm nè wèen ləkğè tas bə zəŋ nè è.>> Fana wo jəŋ və fa yi mbàm mòk.

²⁰ Jisòs fek wo dè, <<Wo còm naan mənə mbàm nè yè'e liŋ ndà, nè ye mbwa yè'e sè' si ndà?>>

²¹ Wo duk dè, <<A sè ñkum Kaisà.>> Fana yi duk yà' dè, <<Ye dè wèen lak fa Kaisà yusè yà'a sè ye, nè lak fa Nwì yusè yà'a sè Nwì.>>

²² Wo ànə yuk vè'nə fana wo mərə vè'ε, nè bε' mandzè àwo, nè lo dədok, nè me'rə tes yi fo'.

Nzak Nə NgòLòkok

Mvwe' Kpɛ

(Mak 12:18-27; Luk 20:27-40)

²³ A ye sè' numbu ànə, bùu Sadusi mok wèn və bohòjisòs. Wo bəp bù nè wo dukğè yàwo dè kaco ñwè lokok fe'lə mvwe' kpɛ yəŋ wèn.

²⁴ Wo və kə fek yi dè, <<Cicà, Musi à duk dè, a ye-a ñga ñwè jə ñwàŋwè, nè kpɛ ñga bə nà' ka bwe tse' fana moma yee nè jəŋ tsoŋ ñwà nè, ya bə nà'a dzə fa tètà ye nè yi kpɛ nè bwe.

²⁵ Nə yeè nè dè vès tse' bwema mok fəŋ bwìŋ sàmba. Fana nè mwè nè jəŋ ñwàŋwè, nè kpɛ

me'rə nà' nga bə nà' ka mwe tse'. Yi me'rə nonşə lo fa moma ye ŋwà nə.

²⁶ Fana nə ba nə kpɛ sè' nga bə nà' ka mwe sè' tse'. Nə tɛ' kpɛ sè' vɛ'nə tètè kə dzeŋ bə nə sàm̩ba nə.

²⁷ Wo ànə kpɛ wes pwe' fana ŋwà nə kpɛ ye sə sè'.

²⁸ Nùmbu nə bwiiŋ kə lòkok mvwe' kpɛ kə dzèŋ nùu, ŋwà nə nə ye yè'sə ŋgwe ndà? Busè wo à tse' yi wo pwe'fo' laŋ.>>

²⁹ Jisòs duk fa wo də, <<Wèeŋ ŋgàa jòn. A bùusè wèŋ ka yusè yà' cu ndzənə ŋwàk Nwì riŋ, nə kà ñàaŋ Nwì sè' rì.

³⁰ Yusə də mvək nə bùu kpɛkpɛ nə lokok mvwe' kpɛ, wo nə ye co masinjàa Nwì mɛbu, ŋwəmbam bə ŋwàŋwèe nə kà gù mok cu fe'lè.

³¹ Bə nzak nə ŋgòlòkok mvwe' kpɛ, wèŋ a ka yusè Nwì à cèp bohòwèŋ yà'a taŋ à?

³² Yi à duk də, <Mɛ Nwì Abràham nə ye Nwì Azik nə ye Nwì Jàkop>. Nwì à cèp vɛ'nə nga wo à kpɛ lòlaŋ. Yà'a sə nitsè' də bùu yè'sə cu fe'lə ŋwəm, njo nə yi ka Nwì bù kpɛkpɛ yeŋ, yi Nwì bùu sè wo cu ŋwəm. Yà'a mvwe' sè wèeŋ bə jòn nèbɛp.>>

³³ Bùu sə wèŋ ànə yuk bum yè'sə fana wo mərə fuk nsàp yəyè'rè ànə bùè.

*Lùk Nè Nà' Gɛ Càsə Mok
(Mak 12:28-37; Luk 20:41-44)*

³⁴ Bùu Farasi wèŋ ànə yuk də Jisòs lok bùu Sadusi wèŋ cù co wo kà yusè ŋgòcèp fe'lə tse' fana wo baŋ yàwo sə mvwe' mò'fis.

³⁵ Fana mòk mʉtsətsə'rəə wo nè yi ŋwè nè yi rì lùk wùriŋ fek Jisòs nè yumok ŋgòmùmsə ja'a nà'.

³⁶ Yi fek nà' də, <<Cicà, lùk nè nà' gu gha' lùuk mok pwe'fo' yi yè'sə nè fò?>>

³⁷ Yi duk fa nà' də, <<A nè də, <Wù tse' ŋgòdzəm Tà Nwì yòbè ntum yòpwe'fo', dzəm yi bə yòŋsə yòpwe'fo', nè dzəm yi bə ŋkərə yòsə' pwe'fo' nà'a.>

³⁸ Nè'e yè'e lùk nè nà' gu càsə mok sə pwe'fo' nè ye nè mantombì sè' zeŋ nè.

³⁹ Lùk nè ba nè nà' gu càsə nè səsə sè' co mòk nè. Nà'a də, <Wu tse' ŋgòdzəm tsə moma yo co wù dzəm ni' yò.>

⁴⁰ Bum sè lùuk mok sə cèp, nè ye bə bum sè ŋgàa tsòhòbum Nwì wèŋ à sè cèp pwe'fo' yà' na mègù mʉŋkwèŋ lùuk sè ba yè'sə.>>

Nzak Nè Bə Liŋ Krest

⁴¹ Mvè'nè bùu Faràsi wèŋ sə à baan tə mali ntòmve' mò'fis fana Jisòs fek wo yumok.

⁴² Yi à fek wo də, <<Wèŋ tsərə bə ŋwè nè wo to liŋ ye də Ŋkum ŋà gèm bwìŋ nà'a da? Wèŋ tsəm də yi mo ndà?>> Wo duk fa yi də, <<Yi ŋgwì bù Devid.>>

⁴³ Yi fek fe'lə yà' də, <<Nə ye va ŋkuŋ Devid nè bə tu ye to bwi ŋwè ènə də Tà ŋga yòŋsə nè Nwì nè à gù yi ε?

⁴⁴ Devid nè à cèp də,
<Tà Nwì à duk fa Tà àm də,
<<Cum fεŋ bo ma mà'a mù
tètè mʉ nè gu bùu sè wo bèŋgè wu,
wo ye sə mvè'kùu wù.>> >

45 A ye-a də Devid nə sə to nà' də Tà, ye də aco yi ye bwi bohòDevid anə mwe yè'sə vale?>>

46 Nwè nè mò'fis co yi cep fəsə fa nà' yumok à ka yeŋ. Ye jəŋ nùmbu ànə, nə lo mantombi, nwe kà co yi fek fe'lə yi yumok mok ghəsə ja'a lo' fù'.

23

Jisòs Də Bwiŋ Kərə Bə Ngàa Yə'rè Lùk Nə Ye Bùu Farəsi Wèŋ

(Mak 12:38-40; Luk 20:45-47)

¹ Anə geŋ Jisòs duk fa ngàa fàak ye bə bùu sè wo à mà fò' sè wèŋ də,

² <<Ngàa yə'rè fa bwiŋ lùk bə bùu Farəsi wèŋ wo sè wo tə mvwe' kùu Mušì.

³ Nə ye də bum sè wo tsè' wəŋ pwe', wèŋ gu mvè'nè wo duk sə. Megu də wèŋ kà də wèŋ gu be' lo mvè'nè wo sə gù yàwo duk. Busè wo tsòhogè, nə sə gu lo yusè zok.

⁴ Wo gù fagè bwiŋ lùk nkùuŋ sè yà'a co bum sè rərwi', sè yà'a gugəŋ ngòbèè', nə sə naaŋ fa bwiŋ yà' mɛ tuhù, nə kà ndubo nè mò'fis ngòjə bè' yàwo yà' fəsè ja'à lok.

⁵ Wo gù mègù bum yàwo də ya bwiŋ ye wo. Kùk ja'a yàwèŋ ncòròok sè mɛ sihi bə ndzə kwii wo yà'a, mvè'nè yà' wərə. Nə ja'a nɛ ncaam sè ndzə cè'ə wo mvè'nè yà' sàap è. ⁶ Wo dzəm də wo lòmve' nzu yumok fana wo kə cum megu mvwe' sè ya bwiŋ wəp wo co bùu sè ghaŋ. Wo dzèŋ mɛmvwe' ndaap pìriyà, wo lap ngòcu mənə dzòok sè yà' bòghak pwe' wo.

⁷ Wo dzəm sè' də a dzèŋ mɛ nteèŋ, bwiŋ sə kə cepsə wo, nə sə to wo mvwe' bwiŋ də cicà, cicà.

8 <<Bohòwèŋ yàwèŋ, wèŋ ka tse' ŋgògù ni' awèŋ də bwìŋ sə to wèŋ də cìcà, bùusè wèŋ pwe'fo' bwema, nə tse' mègù nə cìcà nè mò'fis.

9 Nə ye sè' də kà də wèŋ to ŋwè nəmòk sə nze fɛɛŋ də tè' awèŋ duk, njo nè wèŋ tse' mègù tè' nè yi mò'fis, yi cu mɛbu.

10 Nə kà də wèŋ gu bwìŋ də wo sə to wèŋ də masà sè' duk, njo nè wèŋ tse' mègù masà nè mò'fis, yi Nkum ŋgà gèm bwìŋ.

11 Nwè nè yi də yi nè ghaŋ mɛtsətsə'rə wèŋ pwe' yi, tse' ŋgòye ŋkwèŋ àwèŋ.

12 Nwè nè yi koksə lò-a ni' ye mɛtsə, Nwii nè jəŋ tsoŋ vè yi sə nze. Nwè nè yi jə tse' lo-a ni' ye sə nze, Nwì jə fis kok lòyi mɛtsə.

*Jisòs Duk Fa Bùu Faràsi
Nə Ye Ngàa Yə'rè Lùk Də
Wo Ngàa Tè'èŋkup
(Luk 11:37-54; 13:34-35)*

13 <<Wèŋ ngàa yə'rè bwìŋ lùk bə bùu Faràsi wèŋ, wèŋ ngàa tè'èŋkup. Wèŋ cu bup! Wèŋ sə lok fa bwìŋ mandzè nè ŋgòlòmɔwə' gan Nwì. Wèŋ sə kà mbwa lò, nə kà bùu sè wo sə dzəm də wo ni mbwa wèŋ mandzè sè' fa.

[
14 <<Wèŋ ngàa yə'rè fa bwìŋ lùk bə bùu Faràsi wèŋ, wèŋ cu bup. Wèŋ ngàa tè'èŋkup. Wèŋ sə limzɔ bàa ŋgwemfə wèŋ, nə sə gu bupsə ndap awo. Wèŋ rì ŋgògù basə pìriyàa sè sèsap. Ngə' nè njàwèŋ nè kə yam gha' pwe'fo' njo bum yè'sə.]

15 <<Tətè'èŋkup ngàa yə'rè lùk bə bùu Faràsi wèŋ-a, wèŋ cu bə ngə' nèbup. Wèŋ to càgè sə

ndzəpè, nə sə gi bə sə nzehè wèŋ pwe'fo' də ya wèŋ ɣu ŋwè nè mò'fis be' mandzè lùuk Musi. Nè mò'fis bùuŋ fana wèŋ ɣu fe'lə yi sè' wèŋ, yi bup casə wèŋ sè wèŋ sə lòmɔwwe' ŋgə' nè sə misè sə kè' ba.

¹⁶ <<Wèŋ sè wèŋ də wèŋ sə nitsè' lòfa bwìŋ mandzè nə ye yàwèŋ sè' jì lis, wèŋ cu bup. A sè' wèŋ sè wèŋ dukgè də a ye-a ŋga ŋwè kèŋ ndap Nwì nè ghaŋ nə, ye də yà'sə kà nzak tse'. Nə ye də, a ye-a ŋga ŋwè kèŋ bum sè wo à ɣu yà' bə guù sè yà'a mə nda'à Nwì anə ŋkuŋ yi ɣu tsoŋ mɔvè'nè yi kèŋ sə.

¹⁷ Wèŋ jì lis nə ye ləm sè'. A yè'sə də ɣu gha' nè fò? Bum sè mənə ndap Nwì sə, kè ndap Nwì nè ghaŋ nə bə tu ye nè nà' ɣu ŋkuŋ bum sè mbwa sə tse' fàk ε?

¹⁸ Wèŋ dukgè sè' də, <A ye-a ŋga ŋwè kèŋ kàm nè wo à ci ŋgòtèŋ fa Nwì bum satikà' mbwa nà'a, yà'sə ka nzak tse', də tse'ŋga yi kèŋ bum sè wo naaŋ yà' mbwa sə ŋkuŋ àɛ yà' tse' fàk.>

¹⁹ Wèŋ ŋgàa jì lis, ɣu gha' yè'sə nè fò? Bum sè wo fa nə naaŋ yà' mbwa sə kè, kàm nè yi ɣu yi ŋkuŋ bum sè mbwa sə tse' fàk-ε?

²⁰ Yusə də a ye-a ŋga ŋwè kèŋ-a kàm anə, ye də yi kèŋ be'lə fo' bə bum sè mbwa sə pwe'.

²¹ Nə ye sè' də a ye-a ŋga ŋwè kèŋ ndap Nwì nè ghaŋ nə fana yi kèŋ nà' bə Tà ŋgà ndap nə pwe'fo' sè'.

²² ŋwè nè yi kèŋ-a ntòbu, ye də yi kèŋ kapràak Nwì bə ŋwè nè yi cugè mbwa nə sè'.

²³ <<Wèŋ ŋgàa tè'èŋkup wèŋ, ŋgàa yə'rè bwìŋ lùk bə bùu Faràsi wèŋ, wèŋ cu bup. Njo nè wèŋ

fagè Nwì bòp mò'fis sənə hum bə bum awèŋ, nə fa tətè bə mvùu bum sè wo lam rəm̄sə tsə'rə n̄jap bə zen wèŋ, nə me'rə non̄sə lùk sè gugun̄ co ŋgòye yəyərè bohòbwìŋ bə bum pwe', nə tse' koksəmanziŋ, nə ye ŋwə ŋgà gù bum bə mandzè nè zìnə. Anə ye co wèŋ sə gu yè'sə, nə sə gu mok sə sè'.

²⁴ Jì lis, ŋgàa n̄ifa bwìŋ mandzè wèŋ. Wèŋ sə kpès fis màk ndzè nè jo nè wà nè'e, nə sə mi lo nàmbà'rè sè' sə vèə wèŋ anə.

²⁵ <<Ŋgàa yə'rè bwìŋ lùk bə bùu Faràsi wèŋ, wèŋ cu b̄ap. Wèŋ ŋgàa tè'èŋkup, wèŋ cùkgè yàwèŋ ŋkwèŋ ŋgàp bə ŋkwèŋ tasà, fana rwiŋ cum ma ndzə tsətsə'rè wèŋ anə ŋgwap nə ye wa bum bwìŋ.

²⁶ Bùu Faràsi ŋgàa jì lis wèŋ. Wèŋ cuk rēŋsə to ŋgàp awèŋ ma sə ntòŋkun̄ ya ma nè m̄ŋkwèŋ nə rēŋ sè'.

²⁷ <<Ŋgàa yə'rè bwìŋ lùk bə bùu Faràsi wèŋ, wèŋ cu b̄ap. Wèŋ mègù co sèe sè wo yok fopsə yà' bə bwèŋ, ŋga rwiŋ cu n̄ja vəp bù kpukpu bə bum sè b̄ap wèŋ.

²⁸ Wèŋ sə yəəŋ m̄a lisè bwìŋ co bùu sè kəkurè bohòNwì, ŋga wèŋ rwiŋ n̄ja bə tè'èŋkup nə ye bə b̄ap.

²⁹ <<Ŋgàa yə'rè bwìŋ lùk bə bùu Faràsi wèŋ, wèŋ cu b̄ap. Wèŋ ŋgàa tè'èŋkup, n̄jo nè wèŋ ci tsə'rəgè sèe ŋgàa tsòhòbum Nwì wèŋ, nə sə gu tsə'rə bum sè wo à ci tes yà' ŋgòkwasə l̄ŋ bùu Nwì wèŋ.

³⁰ Wèŋ sə cep kè cùhu də, <Vès ànə ye-a ghà nè tè' avès wèŋ à ye bwèrɛ vès ànə ka bo mvwe' sè

wo à sə zə bù ɲgàa tsòhòbum Nwì yà'a fa gèsè.>

³¹ Wèɲ to wo də tè' awèɲ vɛ'nə, ye də wèɲ sə ɲɲtsə' də wèɲ bwe bùu sè wo à zə ɲgàa tsòhòbum Nwì wèɲ sə.

³² Wèɲ geɲ mantombi, nə ɣu wes bum sè tè' awèɲ ànə ɣu to sə.

³³ No, wèɲ ɲɣwì bù no wèɲ, aco wèɲ tsəm də wèɲ nè kà mvwe' ɲɣə' nè sə misè kè ni anə yè'sə va?

³⁴ Ye də mù tum fa weɲ ɲgàa tsòhòbum Nwì nə ye ɲgàa ɲkərə bə ɲgàa yərè bwɲɲ lùk wèɲ. Wèɲ nə zə mok, wèɲ tɛ'lə mok mu ntəəɲ, nə ləp mok məmvwɛ' ndaap piriya awèɲ. Wèɲ nə bɛ' taksə mok wo caɲ ni mvwe' buk lak nè fòpwe', wèɲ sə yuɲ.

³⁵ A ye vɛ'nə fana nduəm bùu Nwì sè wo à zə wo sə nze fɛɛɲ pwe'fo' nə ye mu tuhù wèɲ. Ye jəɲ bə nduəm Abè nè wo à zə yi ɲga yi ka yumok riɲ tètè kə dzeɲ mu ni'ì Sàkàriya nè wèɲ à zə yi mu ntòndap Nwì nè ghaɲ nə. A ye ɲga yi tə mʉtsətsə'rəə kàm satikà' fo' bə mvwe' rum nè wo togè nà' də ndap nè rərəɲ nà'a.

³⁶ Mù sə tsè' weɲ zinə də, ɲɣə' bùu yè'sə pwe'fo' nə və mu tuhù bùu sè niè' yè'sə.

³⁷ <<Webee, lak Jòrosalèm, lak Jòrosalèm! Wèɲ zəgè ɲgàa tsòhòbum Nwì, nə sə tərə ɲgàa gè ntum Nwì wèɲ bə lis. A yè'sə ghè' sù mvè'nè mù sə ləp də mu ko wumsə gesə weɲ ndzə ni'ì mù co məma mvəp sə wumsə bwe ye, wèɲ kà dzəm ɛ?

³⁸ Bo am ka mok bə lak awèɲ yà'sə yeɲ, yà'a mok fəəm lak wà.

³⁹ Mù tsè' wèŋ də ye jəŋ ŋga'a lo mantombi, wèŋ nə kà mɔ mok yə fe'lè tètè nùmbu nè wèŋ yə fe'lə mɔ, ye mok ŋga wèŋ sə duk də, <Nwii se ŋwè nè yi vè mənə liŋ sè Tà nə ŋkuŋ.> >>

24

Jisòs Tsè' Bum Sè Yà'a Nè Ye Ŋga Yi Kəp NgòVè

(Mak 13:1-27; Luk 17:22-24, 21:5-28)

¹ Jisòs à sè ye'e mè'rə mvwe' ndap Nwì nè ghan nə ŋgòlò fana ŋgàa fàak ye wèŋ vè ŋgònì fa yi ndaap Nwì, sè də yi kək bərə ja'a mvè'nè wo à ci bònşə yà'.

² Jisòs nə cep fəsə fa yà'wèŋ də, <<Wèŋ sə yə bum yè'e pwe'fo', ka ve'nə yeŋ nè? Mù sè tsè' wèŋ zinə də lis nè mò'fis nə kà mənə mòk fenə naàŋ mam. Wo nə kəmsə wes yà' pwe'.>>

³ Yi ànə geŋ də yi kə cum mɔmvwe' nda Olip nə fana bwe ye wèŋ vè woòwo, nə kə tseŋ yi. Wo sè fek yi də, <<Tsok fa a ves ghà nè bum yè'sə nə ye-è. Nə tsok fa ves yusè yà'a nə niŋtsok də wù kəp ŋgòbwìŋ vèə ya nzeŋgòn nə me sè sè'.>>

⁴ Fana Jisòs nə cep fəsə fa wo də, <<Wèŋ jəŋ ŋkərə ya ŋwè nəmòok kà wèŋ bərə.

⁵ Busè bwìŋ nə vè ŋkəŋ sè wo nə ci' mvwès də, wo Ŋkum ŋgà gè m bwìŋ nè wo à sè duk nə wo, nə borə lo bwìŋ ve'ε wùriŋ.

⁶ Wèŋ nə sè yuk ke'ca də dzè'e fa' mvwe' sèsap bə mvwe' jəjo wèŋ nduk. Wèŋ yuk ve'nə, wèŋ kà wəp bəusè yè'sə nə ye tsoŋ ve'nə. Yà'a

ye ve'nə, kà yà'sə də nze nə mè yà'sə laŋ sè' ntòye.

⁷ Busè bòp lak nə lu bə bòp lak mok. Nkum mòk lu bə nkum mòk sè'. Njèe nə ko, nzenḡòn nə sə tsoho ke'ca fa' bə ma fa' wènḡ.

⁸ Yè'sə pwe'fo' mèḡù ntòco mvè'nè ḡwàḡwèe ḡhà to ko'ḡè mwe ntòḡhàa yè'e.

⁹ <<Fana wo nə ko weḡ, nə yeḡsə weḡ ḡḡò', nə zə weḡ. Lak pwe'fo' nə beḡ weḡ bùusè wèeḡ bwe am.

¹⁰ Mvèk ànə ye ve'nə, bwìḡ ḡkùḡḡ nə caḡ me'rə mandzə njàm nə. Bwìḡḡ nə sə seḡ mòk bə mòk, nə sə beḡ ke'ca mòk bə mòk sè'.

¹¹ Nḡàa mvwès wèeḡ nə ye sè' wùriḡ sè' wo nə sə duk də wo ḡḡàa tsòhòbum Nwì wènḡ. Wo nə borə jəḡ lo bwìḡ ve'e nduk.

¹² Mvè'nè bwìḡḡ dzəḡḡè mḡḡ nə fi lo mok maḡkwèḡ njo nə bḡp yam lòmok mantombì ve'e wùriḡ.

¹³ Megu də ḡwè nə yi təəḡ-a ḡḡḡḡ tətè, nə kə ləsə fana yi nə tse' lùḡ.

¹⁴ Ncèp Ntirè nə Bèboḡ nə nà' sə tsè' bə ḡaḡ nkum yè'sə nə yuhu lo sənə nzenḡòn nə pwe'fo' də ya ndàaḡwè pwe' yuk ḡesə fə ntu'ù yi ye sè'. Yà'a ḡḡa'a mvè'nè nzenḡòn nə nə lə sə.>>

Nḡə' Nèbḡp Bohò

Nzenḡòn Jùdiyà

(Mak 13:14-27; Luk 17:23-24, 21:20-28)

¹⁵ Nùmbu mòok nə kə vè nə wèeḡ yə ḡḡa wo lòkoksə tes bḡp nə nà'a bə jòn nə mvwe' sè rəreḡ, bḡp nə Danà ḡḡà tsòhòbum Nwì à cèp

nə.* (Nwè nè yi sè ta ηwàk nə rεεη bə zεη bəboη.)

16 Wèeη yə vε'nə, bùu sè wo cu mvwe' nzeηgòη Jùdiyà wèeη caη kok lo mɯ ndahà.

17 Nwè nè yi sè cu yòηsə mɯ ndùndap† kà mvèk ηgòsuhu tsə, nə kə jəη fis bum ye sè mɯ nda'à yi tse'. 18 Nwè nè yi mɯnə nzum fàak nə kà maηkwèη də yi sè kə jə cək fohòlò.

19 Ho'm, megu də anə ye ηgə' bohòbàa sè bə zum nə ye sè wo sə fa bwe sè lɯə mbwi bə nùumbu yà'sə.

20 Wèeη lεη Nwì də yi gɯ co wèeη kà mvèk mbùη nè bə mbuəp wùriη ca, kə nùumbu dzè àlɛ'.

21 Njo nè ηgə' nè nà'a nə ye mvèk ànə nə bɯp vε'ε nsàp nè nzeηgòη à yè yèe, à ka vε'nə ye yuk. Nə ye sè' də anə kà vε'nə mok sè' kə ye yuk fe'lè.

22 Nə ye də Nwì a ka-a nùumbu yà'sə ləm ci' fəsə də bwèε ηwè nè mò'fis kà bwehe cu lok. Megu də yi nə ci' fəsə yà' ləm bùu tu bùu ye wèη sè yi a cok fis yà'wèη.

23 <<A ye-a ηga ηwè nəmòk duk-a weη də <Nkum ηgà gèm bwìη nè wo à sə duk nə nè'>, kə də, <yi fɯ fa'> àlɛ, kà də wu dzəm swì duk.

24 Bwìiη nə sə borə kə' də wo Krest, nə sə duk də wo ηgàa tsòhòncèp Nwì. Wo nə sə gɯ nsàp bum maηgəηgèη mok vε'ε wùriη də co wo borə bùu sè Nwì a cok fis nòηsə sə bə zεη, ηga wo tse'-a mandzè nə na.

* 24:15 24:15 Taη Danà 9:27 † 24:17 24:17 Bùu Jus wèη à sə ci ndap awo fana wo gɯ ndùndap nə mbwa rəəm, co bwìη sə kə cum yòηsə mbwa.

²⁵ Wèeη jəη-a ηkə̀rè, mù tsè' nòn̄sə wəη bum yè'sə ηga cu ntòcuu.

²⁶ Ye də a ye-a ηga ηwè nəmòk duk wəη də, <Nà' cu ηgòn fa',> kà də wu tesə lo fo' duk. Kè wo duk-a sè də <Yi cu mà mbwèndap nè'>, wù kà dzəm.

²⁷ Bəsè mù nè m̄ mo ηwè, m̄ nè və co m̄vè'nè mb̄η ba'a kokgè mà mbwèbu, nè ca b̄η kè tu bu yè'e.

²⁸ M̄wē' sè vèη ni' k̄p̄ nooη-a sè fòpwe', jìgawà' wèeη nè kə benə fo'.

²⁹ <<Ghà nè ηgə'ə sè yà'a nè ye nùmbu ànə cà wes ntèη fana nùum nè kəη ndzəm. N̄wə kà mok sè' se, ηkèηkàη sə gb̄h̄ tsoη m̄bu anə fana nsàap η̄aη sè m̄tsə sə tsoho sè'.

³⁰ M̄vèk m̄òk nè yəəη m̄bu nè nà'a m̄vèk nè n̄àm, m̄ mo ηwè, fana ηgw̄i b̄u sè sə nzeηgòn pwe' nè tɛ'. Wo ye ηga'a m̄vè'nè m̄ mo ηwè m̄ sè tsə tesə m̄bu ndzənə mbàk bə η̄η, nè sə fom rəη b̄sə nèb̄.

³¹ Fana m̄ nè tumsə masinj̄aa am sè m̄bu ηgòto lòbw̄iη bə nt̄η nè nà' sə cep vɛ'ɛ w̄riη. Wo to benə və b̄ am sè mù à cok fis sə wèη ma ηkùup nzeηgòn sè kwè sə m̄wē' mò'fis, ye jəη m̄wē' sè nzeηgòn nè yeto nè ye m̄wē' sè nà' kè lèsə.

Yə'rə Jəη Yumok BohòT̄u

(Mak 13:28-31; Luk 21:29-33)

³² <<M̄ dzəm də wèeη yə'rə jəη ηkə̀rè bohòtu fik nà'a. Wu yə ghà nè nà' yè ηgòfom, nè sə top, fana wù riη sè' də m̄vèk mb̄η k̄əp laη.

³³ Yà' megu sè' ve'nə də wèŋ yə bum yè'sə ve'nə fana wèŋ riŋ də mo ŋwè kəəp ŋgòvə laŋ, yi mègù mok ŋə ncù.

³⁴ Mù tsə' wèŋ zìnə də bùu sè wo cu ŋga'a yè'e wèŋ nə kà ntòkrə lè wes ŋga bum yè'sə yà' gù laŋ.

³⁵ Ntòbu bə nzeŋgòŋ ba fo' nə cà gesə lòwà, ncèp àm kà ye cà yuk.

Nwè Ka Numbu Nə

Kè Mvək Nə Riŋ

(Mak 13:32-37; Luk 12:41-48; Luk 17:26-30, 34-36)

³⁶ <<Yusə də ŋwè ka numbu nə bə mvək nə bum yè'sə nə ye riŋ. A mègù-a masinjàa Nwi mabu nə ye Mo ye nə sè', wo ka sè' riŋ. Rì mègù tè' nə yiŋyi.

³⁷ Mo ŋwèe vè numbu nə fana bum pwe' nə ye sè' mvè'nə yà' ànə ye ghà nè Nuà ànə ye ye nà'a.

³⁸ Mègù sè' mvè'nə ànə ye fa' mantombi ŋga ndzəp ànə ka ntòrwiŋ yà'a, bwìŋ à sə zə, nə sə no vəpsə. Bùu mok wèŋ sə geŋ gù tètè numbu nə Nuà à ni ŋgwes dzeŋ.

³⁹ Wo à sə gù ve'nə, nə kà sə rì tètè ndzəp kə bək wes wo ve'ε wis. Mùu mo ŋwè, mɛ nə vè ntsə'mòk yà' megu sè' mvè'nə ànə ye yà'sə.

⁴⁰ Numbu ànə ye, mbəmbam baa nə sə fàk nzum, wo jəŋ fis lo mòk, nə me'rə mòk.

⁴¹ Bəba baa nə ye mvwe' ŋgòk, nə sə gok beŋ, wo jəŋ fis lo mò'fis, nə me'rə mòk fo'.

⁴² Ye də wèŋ sə jəŋ ŋkərè, bùusè wèŋ ka numbu nə Tà àwèŋ nə bwìŋ vè nə riŋ.

⁴³ Wèeŋ riŋtse' yumòk nè' sè' də a ye-a ŋga tà ŋgà ndap nə riŋ-a ghà nè ŋgà yèə nə və, bwèɛɛ yi nə so nooŋ tètè tsok reŋ ya nà'a kà kè ni.

⁴⁴ Ye də wèeŋ cu, wèeŋ ye fəfəhù ghà yà lònŋ, bùsè mo ŋwèe nè vè ŋga wèeŋ sə kà bə zeŋ tsəɾə.

Mo Fàk Ngà Yuk Dək Nə Ye Mo Fàk Ngà Kà Dək Yuk

⁴⁵ <<Mo fàk nè yi zìnə nə tse' ŋkəɾəə yè'sə nè fò? A nè masà ye nə à fa bum sè mɛ nda'à yi bohònà', nə dək də nà'a nə sə fa bwe ye wèeŋ bum zuzɛ bə mvək nè kəkəɾə.

⁴⁶ A reŋsi bohòmofàk nè masà ye bwì vèə, nà' tseŋ yi ŋga yi sə gù mvə'nə nà' ànə dək noŋsə lo yi sə.

⁴⁷ Mɛ tsok weŋ zìnə də masà nə nə fa nsàp mofàk ànə ŋàŋ ŋgòkotse' bum ye sè yi tse' pwe'fo' nà'.

⁴⁸ A ye-a ŋgà fàk nè yi bɛp, yi nə dək də, <Masà àm nə nə kà nènàk bwìŋ fohòvə.>

⁴⁹ Yi yeto ŋgòlèp ŋgàa fàak mok sə wèeŋ, nə sə zɛ, nə sə no roŋ kə'ca bə ŋgàa jùhù rùk wèeŋ bəbɛ'.

⁵⁰ Fana masà ŋgà fàk ànə nə bwì və ntsə'mòk nùmbu nè yi sə kà vɛ'nə tsəɾə, nə ye bə mvək nè yi ka bə zeŋ sè' riŋ.

⁵¹ Yi nə gbɛ' ci'lə nà' ba, nə be'lə nà' bə ŋgàa tè'èŋkup wèeŋ mvwe' mò'fis. Bwìiŋ nə sə waŋ, nə sə zɛ nzòn fo'.

25

Gbɛ' Wàhəŋwèeŋ Sè Wo A Ye Hum

¹ <<Nùmbu ànə kè ye fana gan ɲkum sè mɔbu sə nə ye co wàhaŋgwèŋ sè wo à ye hum yà'a. Wo à jə laàm awo, nə lo ɲgòkè tək ndugù nə yi sə vè ɲgòkè jə lo ɲge' awo mòk nùmbu ànə.*

² Sè tən à ye ləm, sè taaŋ mok ye yàwo ɲgàa ɲkərè.

³ Sè ləm sə wèŋ à jə laàm awo, nə kà kàràsi jə tse'.

⁴ Sè ɲgàa ɲkərè sə wèŋ à jə tse' kɛ' lòkàràsi awo mok sənə botòrò.

⁵ Ndugù nə à ka və toho fana bàa sə wèŋ dzoon lo tètè wo dzəmlo.

⁶ À kè dzèŋ ntəntɔmtsok, wo to fuŋ də, <Ndugù nə vè laŋ, wèŋ tesə və kə tseŋ yi.>

⁷ Bàa sè hum sə lokok wo pwe', nə koksə laàm awo sə.

⁸ Sè ləm sə duk fa sè ɲgàa ɲkərè sə də, <Wèŋ fa a ves kàràsi awèŋ səmok bùusè laàm avès sə də a liiŋ.>

⁹ Sè ɲgàa ɲkərè sə wèŋ duk fəsə fa wo də, <Kàmòk yà'a nə kà bohòvesùwèŋ pwe'fo' kùrè. Bòle co wèŋ lo kə ye bùu sè wo sə sèŋ sə, nə ywiŋ jəŋ yàwèŋ bohòwo.>

¹⁰ Wo à lòdə wo kə ywiŋ fana ndugù nə və. Ndugù nə jəŋ sè wo à fùhɔ yàwo laŋ sə, bə yà'wèŋ ni lo mɔmvwe' ndap nè wo sə zɔ gù mbwa nə. Wo à ni lòmbwa, wo ko jəŋ ncù lok mpùŋ.

¹¹ À cu ghàr, bàa mok sə wèŋ bwi və yàwo sə sè'. Wo təəŋ sə mbi, nə sə dɔhɔ də, <Tè'mòk,

* **25:1 25:1** Yà'à sə yegè bohòbùu Jus wèŋ də bwiŋ tse' ɲgòkè tsèŋ ndugù nə mandzè ɲkuŋ, fana bə yà'wèŋ lo mvwe' ndap nè wo nə zɔ gù fo' nə.

TÈ'mòk, mùk fa ves ncù.>

¹² Yi duk fəsə gesə fa wo ca də, <Mù sə cep yè'e ñkèm duk də, mù ka wəŋ riŋ.> >>

¹³ Jisòs à lèsə ncèp nə də, <<Ye də wèeŋ sə kək-a kù'u, bùusè wèŋ ka nùmbu nə kè mvèk nə riŋ.>>

Gbu' Bwìŋ Tε'

*Sè Wo A Fa Wo Mbàm
(Luk 19:11-27)*

¹⁴ <<Gaŋ Nwì sə nə ye co mvè'nè ñwè nəmòk à ye ŋga yi də yi lo gi fana yi to benə ŋgàa fàak ye wèŋ. Yi à to wo fana yi fa bum ye pwe'fo' ndzə bohòyà'wèŋ.

¹⁵ Yi fa mòk bàam mbàm tàŋ, nə fa mòk bàam ba. Yi fa ñwè nè tε' ye bàam mbàm mò'fis. Yi à gáp fa yà'wèŋ yè'sə mvè'nè yi riŋ də ñaàŋ awo sə cu co ñwè kotse' to sè ye. Yi à fa wes wo vε'nə, yi bε' mandzè, nə lo yuye.

¹⁶ Ñwè nè yi ànə tse' ye bàam mbàm tàŋ nə à lòntèŋ, nə kə gi gi nteŋ bə zeŋ. Yi tse' swe' mbwa sè' bàam mbàm tàŋ mok.

¹⁷ Ñwè nè yi à tse' ye bàam mbàm ba nə à kə tse' swe'e ye sè' bàam mbàm ba.

¹⁸ Nè yi à jə ye bàam mò'fis nə à lò, nə kə tuŋ wu, nə ses lok gesə bàam mbàm ñkwà' ñwè nə ca.

¹⁹ <<Mvèk ànə sap fana ñkwà' ñwè nə bwìŋ və. Yi kə taŋsə ja'a yusè wo a gù bə mbàam sə.

²⁰ Ñwè nè yi à tse' ye bàam mbàm tàŋ nə à vèə, nə jə və bàam mbàam mok sè' tàŋ. Yi duk fa ñkwà' ñwè nə də, <TÈ'mòk, wù à fa mu bàam tàŋ, mù a kè tse' fe'lə mok bə zeŋ sè' bàam tàŋ.>

21 Nkwà' ñwè ye nè kwasè nà' dè, <Wusùkù' mo àm-a', wù gù bèboŋ. Wù nì tsè' zìnə yòbè mɔyɔ nè nà'a momjo laŋ. Mɔ nè gu wu ŋga'a ŋgòtse' ñàŋ mɔnə sè yà'a ñkùuŋ. Vèə kè ròn ñi' bə bum ñkwà' ñwè yònə.>

22 Nwè nè yi à tse' ye bàm ba nè à vè ye sè'. Yi duk dè, <Tè'mòk, wù a fa mɔ bàm ba. Yeè, mù kè tse' fe'lə vè mok bə zeŋ sè' bàm baa mok.>

23 Nkwà' ñwè ye nè kwasè nà' sè' dè, <Wusùkù' mo àm-a', wù gù bèboŋ. Wù nì tsè' zìnə yo bə yu nè nà'a momjo laŋ. Mɔ nè gu wu ŋga'a ŋgòtse' ñàŋ mɔnə sè yà'a ñkùuŋ. Vè kè ròn ñi' bə bum ñkwà' ñwè yònə.>

24 Nwè nè yi à fa nà' ye bàm mò'fis nè à vè ye sè'. Yi duk fa ñkwà' ñwè nè dè, <Tè'mòk, mù rì wu rii dè wu ñwè nè wù gu wùriŋ. Wu kup zugè mvwe' sè wù à ka wù bi, nè kà fo' wù sè' fàk.>

25 Mù a wəp, fana nè kə tuuŋ mbàam yo sə sə nzehè. Yeè, mbàam yo sə yà'a yè'.>

26 Nkwà' ñwè nè yak nà' dè, <Wù mo nè bɔp ŋgà wɛ' mòk wà. Wù dè wù riŋ dè mɔ kup zugè mvwe' sè mù à ka fo' bi, nè kà fo' sè' fàk, kà vɛ'nə yeŋ à?>

27 Anə boŋ ghak co wù nonɔsə fa mɔ mbàam sə bohòbùu sè wo fàkgè mɔmvwe' ŋgwa' yà'a. Ya mɔ bwìŋ vèə, mɔ tse' mɔswe' mɔnə mbàam am sə.>

28 Nkwà' ñwè nè dè, <Wèeŋ jəŋ fis mbàam sè bohòyi sə, nè fa ñwè nè yi nè tse' bàam mbàm hum nà'a.>

29 Yi duk fe'lə dè, <Nwè nè yi tse'-a, wo nè fa yamsə mok, ya yi tse' mok nduk nè nduk. Nè ye dè bohòŋwè nè yi ka ye yumok tse' nè, a mègù-a

sè m̄ȳu nè j̄o nè yi tse' nà' nè, wo nè j̄əŋ fis ḡesə nà' ndzə bohòyi anə fo'.

³⁰ Wèeŋ ko j̄əŋ ɲà fàk nè b̄əp ènə, nè mak ḡesə lo yi m̄vwe' sè ndzəm sə k̄èŋ sə m̄bi yà'a. Bwìiŋ nè sə w̄aŋ, nè sə z̄u nzòŋ ca.>

*Wo Nè Gapsə Bwìŋ Co
Wo Sə Gapsə Ndzə Bə Nsùŋgaŋ*

³¹ <<Ghà nè mo ɲwèe kè vè n̄uu bə masinjàa ye fana yi kə kok cum m̄nə kapràak ye bə ɲàaŋ ɲkum wùriŋ.

³² B̄u sè sənə nzeŋgònə pwe' nè kə benə kè mantombii yi. Wo benə vè'nə yi gapsə wo co ganakù' sə gapsə fis ndzə bə nsùŋgaŋ.

³³ Yi nè tes nsùŋgaŋ sə bo ma màk, nè tes ndzə bo ma ɲkwìp.

³⁴ Fana yi nè yi ɲkum nè, nè d̄ak fa sè bo ma màk sə wèŋ də, <Wèeŋ və. Tè' am a sè wèŋ yi. Wèeŋ və kə ni cum m̄vwe' gaŋ ɲkum Nwì sè wo à f̄uh̄a non̄sə fa wèŋ ɲga wo ka nzeŋgònə ntòfak sə.

³⁵ B̄usè ɲjè à sə ya m̄u, wèŋ fa m̄u z̄uz̄u. Nt̄um à sə sə m̄u, wèŋ nè fa m̄u ndzəp. M̄u à ye ɲkùŋ, wèŋ nè nisə m̄u m̄u nda'à wèŋ.

³⁶ M̄u à ye nswè'mbwè, wèŋ fa m̄u cək. M̄u à nòŋ yiyaŋ, wèŋ sə kə t̄esə m̄u. M̄u à cu m̄u ndapndzəmè, wèŋ sə kə cepsə m̄u.>

³⁷ B̄u sè kək̄urè yà'sə wèeŋ nè cep fəsə fa yi də, <Vès ànə ye wu yè'sə sè ɲga ɲjè sə ya wu, vès nè fa wu z̄uz̄u-ε Tà? Kè də ɲga nt̄um sə sə wu, vès nè fa wu ndzəp-ε?

38 Wù ànə ye ηkùìη fòηkuη vès nisə wu mụ ndà'à-nε, kè də wù ànə ye nswè'mbwè sè ηkuη vès nə fa wu cək-ε?

39 Nə ye sà' də vès ànə ye wu yè'sə ma fòηga wù sə yayaa, kè ηga wù cu mụ ndapndzəmè ηkuη vès kə cep sə wu-ε?>

40 Yi nə cep fəsə fa wo də, <Mù sə cep yè'e kek də, bum sè wèη à gù fa-a bè'lə bwema am yè'e, ye də wèη à gù fa yà'sə bohòmù.>

41 Fana mụ yi duk fa bùu sè bo ma ηkwìpə yi sə wèη də, <Coho gəsə ηgu ni'i mù fo', wèη sè Nwì a naaη fa wèη ηgə' mụ tuhù. Wèη du sə mvwe' mis nè wo à gù nòηsə fa ze' nə bə masinjàa ye wèη nà'a.>

42 Njè à sə ya mụ, wèη kà mụ beη fa. Ntəm sə sə mụ, wèη kà mụ ndzəp sə' fa.

43 Mù à ye ηkùìη, wèη kà mụ mụ nda'à wèη nisə. Mù ye nswè'mbwè, wèη kà mụ cək fa. Mù sə yaη nə ye ηgà ndapndzəm, wèη kà mụ kə cèpsə lok.>

44 Fana wo nə cep fəsə fa yi sà' də, <Tà, ànə ye yè'sə sè nè vès à yə wu ηga njè sə ya wu, kè ηga ntəm sə sə wu, kè ηga wu ηkùìη vès kà wu mụ nda'à vès nisə-ε? Kènə à ye fònè vès à yə wu ηga wu nswè'mbwè, kè ηga wù sə ya, kè ηga wù cu ndapndzəm vès kà wu kə cèpsə-ε?>

45 Yi duk fəsə fa wo də, <Mù sə cèp yè'e kek nè kek də, wèη ànə ka-a bohòbè'lə moma am nè mò'fis gu fa, ye də wèη à ka mụ yà'sə gu fa.>

46 Bùu yà'sə nə lo sənə ηgə' nè nà'a kà mègè. Bùu sè wo à sə be' yàwo mandzè Nwì, lo yàwo mvwe' lùη nè nà'a nè kà mè yuk.>>

26

Wo To Làm Mətuhù Jisòs

(Mak 14:1-2; Luk 22:1-2; Jon 11:45-53)

¹ Ghà nè Jisòs ànə tsok wes fa wo bum yè'sə pwe' fana yi bəuŋ duk fa ŋga'a bohòŋgàa fàak ye wèŋ də,

² <<Wèŋ rìŋ də bwehe cu mègù mok nùumbu ba ya ŋkàk Pasobà nè kə dzeŋ. Mvèk ànə ye, wo nè fa mùu mo ŋwè də wo tɛ'lə mù muntəəŋ.>>

³ Sè' mvèk ànə, ŋgàa fa satikà' sè ghaŋ bə bù ŋkwàha bùu Jus wèŋ kə be'lə mù ntombii Kayofàs. Kayofàs nè à ye ŋkum ŋgàa fa satikà'.

⁴ Wo à cèp tes fo' mvè'nə wo nè borə ko Jisòs, nè zə yi.

⁵ Wo duk fe'lə sè' duk də, <<Kaco vesùwèŋ ko yi nùumbu ŋkàk yeŋ, bùusə bwìŋ nè gham vesùwèŋ ŋga'a.>>

Wo Yok Fa Jisòs Kù Bə Làmindà Mwwe' Lak Betani

(Mak. 14:3-9; Jon 12:1-8)

⁶ A ye ŋga'a ŋga Jisòs mwwe' lak Betani. Fana yi lo kə cum mù nda'à Saimə nè yiya kuturu à ko yuk yi mantombi.

⁷ Nwà nəmòk nikok bə ndo làmindà nè nà' gu nteŋ ve'ε wùriŋ. Nwà nè jəŋ yà', nè ke' tsoŋ fa Jisòs mətuhù ŋga yi cu sə zə beŋ.

⁸ Nğàa fàak ye wèŋ à yə ve'nə fana wo jok də ŋwà nè kè' bup sə yà' ve'nə bùu yàlɛ.

⁹ Wo də anə ye co wo seŋ làmindà sə mbàm wùriŋ, nè fa ŋgàa jìŋ wèŋ.

10 Jisòs à rì yusè wo à sè cèp sè, nè duk fa yà'wèŋ duk dè, <<Wèŋ sè fa ŋwà ènè ŋgè' vè'nè bùu yà? Yusè yi gù bohòmù yè'sè, a bèbon wùriŋ.

11 Wèèŋ nè sè ye maligè ŋgàa jìŋ fo', mɛ nè kà yàm vesùwèŋ cu malì.

12 Mvèk nè yi kè' tsè fa mɛ làmindà yè'sè muni'ì vè'nè, yi sè gù tsèrè yà'sè ŋgùpni' àm nè mvè'nè wo nè tuuŋ nà'.

13 Mɛ tsok fa wèŋ ncèp nè nà'a ŋkèm duk dè, mvwe' sè fòpwe' sè wo nè tsoho Ntirè nè Bèbon nè sènè nzeŋgònè fana yusè yi gù yè'sè wo nè sè tsèrè maligè yi bùu zeŋ.>>

Ŋkà'a Pasobà

(Mak 14:10-25; Luk 22:3-23; Jon 13:21-30)

14 Yà'a ŋga'a mvèk nè Judàs Iskarəyà nè yi sè' mòk mɛŋgorè ŋgàa fàak ye sè hum-ncòp-ba sè à lòo, nè kə ye ŋgàa fa satikà' sè ghaŋ wèŋ.

15 Yi fek yà'wèŋ dè, <<A ye-a ŋga mù ko fa wèŋ Jisòs nè, wèŋ fa mɛ yà?>> Wo à làk fa yi mbàm hum tɛ' fo' ndzè bohò.*

16 A nè yè jəŋ ŋga'a mvèk ànè nè lo mantombi, Judàs sè lap mandzè ŋgòsèŋ Jisòs.

17 A kè dzèŋ nùmbu nè wo à yèto ŋkàk nè wo zügè brəd sè jì yis yà'a fana ŋgàa fàak Jisòs wèŋ vè nè kə fek nà' dè, nà' dzəm dè nà'a nè zɛ ŋkàk nè ma fòlɛ, ya wo kə gɛhɛ tsè'rè mvwe' sè.

18 Yi duk fa yà'wèŋ duk dè, <<Wèèŋ du ndzè ntòlak, nè duk fa ŋgà' nà'a duk dè, <Cicà dè

* **26:15 26:15** Judàs à sèŋ mà' Jisòs nè yè'e bə nteŋ nè bùu Jus wèŋ à tiŋ nòŋsə ŋgòywiŋ mo ŋkwèŋ ŋjamòk yà'a.

mvèk ye kùrə lan, yi bə ngàa fàak ye wèeŋ nə zɹ ɲkàk Pasobà munda'à wù.> >>

¹⁹ Ngàa fàak ye sə wèeŋ à kè gù sè' mvè'nè Jisòs duk wo sə. Wo fuhɹ zuzɹ Pasobà sè fo'.

²⁰ Nùm à co, yi bə ngàa fàak ye sè hum-ncòp-ba sə wèeŋ lo ɲgòzɹ zuzɹ.

²¹ Wo ànə sə zɹ fana yi duk fa yà'wèeŋ duk də, <<Mù sə tsè' wèeŋ nè'e ɲkèm duk də ɲwè nè mò'fis mʉtsətsə'rə wèeŋ fɛeŋ nə seŋ mɹ.>>

²² Wo à yuk vɛ'nə, manziŋ ko wo vɛ'ɛ wùriŋ. Wo ye ɲgòfek yi mò'fis, mò'fis, duk də, <<Tà, a mù à?>>

²³ Yi duk fa yà'wèeŋ də, <<Nwè nè yi fa kùrə tsə bo ye bə yàm sənə zuzɹ, a yi nè yi nə seŋ mɹ nə.

²⁴ Mù mo ɲwè, mɹ nə kpɹ lo mvè'nè ɲwàk Nwì sə duk. Fana ɲgə' nè bɹp cu bohòŋwè nè yi seŋ mɹ ànə. Anə boŋ ghak bohòŋwè ànə co wo kà yi dzə lok.>>

²⁵ Judàs nè nà' à sè yi nə fek ye sè' də, <<Cicà, a mù à?>> Jisòs duk fa nà' də, <<Wù cèp mɹmvè'nə.>>

Zuzɹ Nè Nà'a Lèsə mbwè: Losopà

(Mak 14:22-26; Luk 22:14-20; 1 Korè 11:23-26)

²⁶ Wo ànə sə zɹ fana Jisòs jəŋ brəd, nə kwasə Nwì, nə bə'rə fa ngàa fàak ye sə. Yi duk də, <<Wèeŋ jəŋ, nə zɹ. Nè'e ɲgùpni' àm.>>

²⁷ Anə geŋ yi jəŋ ɲgàp sè'. Yi ànə kwasə wes me Nwì fana yi fa yà'wèeŋ də yà'a no. Yi à fa yà' yi sə cɛp də, <<Wèeŋ no wèeŋ pwe'.

²⁸ Yè'sə nduəm am sè yà' sə fè'e ɲgòswì fa bwìŋ bɹp awo. Nduəm sə, a zeŋ sè yà' kì ɲge' ndzənə rùk nè njàm bohòbwìŋ ɲkùuŋ.

29 Mù tsè' weŋ də mɔ nə kà rùuk yè'sə vesùwèŋ mok no be'lə yuk tètè nùmbu nè mɔ nə no fe'lə nà' mok fi vesùwèŋ mvwe' gaŋ ŋkum Tè' àm.>>

30 Fana wo yəm ŋkì, nə tesə lo mvwe' nda Olip.

Jisòs Də Pitàa Nə Dzeŋ Yi

(Mak 14:27-31; Luk 22:31-34; Jon 13:36-38)

31 Anə geŋ Jisòs tsok fa yà'wèŋ də, <<Bə ndzəm nè ntinə nè'e, wèŋ pwe' nə caŋ me'rə mɔ mɔmù. Mù riŋ ve'nə bùsə yà' cu ndzənə ŋwàk Nwì də, <Mùu Nwì, mɔ nə ləp ganakù' nə fana nsùŋgaŋ sə nə sam wes.>>

32 Anə ye sè' də ghà nè mɔ nə lokok mvwe' kpɔ, mɔ nə lo mantombii wèŋ mvwe' nzeŋgòŋ Galili.>>

33 Yi ànə duk ve'nə fana Pità cep fəsə fa nà' duk də, <<A ye-a ŋga bwìŋ pwe' ca me'rə-a wu sè ca, mɔ nə kà wu yàm ca me'rə yuk.>>

34 Jisòs duk fa yi də, <<Mù tsok wu ŋkèm duk də, bə ndzəm nè ntinə nè'e, ntomvəp sə kè to kàmòk ŋga wù də wù ka mɔ riŋ kè' tɛ'.>>

35 Pità nə cep fe'lə sèmok duk də, <<A mègù-a sè ŋgòkpɔ vesù, kaco mù beŋ wu yeŋ.>> Nğàa fàak ye mok sə wèŋ duk sè' ve'nə, wo pwe'.

Jisòs Sə Gù Pìriyà Mvwe' Sə Wo Togè Də Gèsemani

(Mak 14:32-42; Luk 22:39-46)

36 Anə geŋ, Jisòs bə bwe ye sə wèŋ lo mvwe' sèmok sè wo togè fo' də Gèsemani. A kè dzèŋ fo', yi duk fa yà'wèŋ duk də, <<Wèŋ cum yàwèŋ mvwe' yè'e ya mɔ soon lo yàm mantombi, nə gù pìriyà.>>

37 Fana yi jəŋ Pità nə ye bwe Zebèdi ba sè', wo lo. Ghà ànə à ye, ntəm ye ŋgòrwi' yi vɛ'ɛ, yi kà kwəkwa mok tse' lok.

38 Yi duk fa yà' duk də, <<Tsətsərè nè bə manziŋ sə ntùù mù nè bəp co mù coho gbə kpə. Vesùwèŋ cum fɛɛŋ, nə sə so, nə kà lo dzəm.>>

39 Yi ànə soon lo momjo fana yi gbə fə'ə gesə lo si ye sə nze, nə sə gu piriya. Yi sə cep duk də, <<Tè' am, a ye-a ŋga mandzəə yo, wù jəŋ gesə lo ŋgàp ŋgə' nè'e bohòmù fo'. Mə duk-a sè vɛ'nə, wù gu lɛ məm̀vè'nè wù dzəm wù, kà məm̀vè'nè mù dzəm mù gù.>>

40 Anə geŋ yi bwi foho və, nə kə ye ŋgàa fàak ye sè tɛ' sə ŋga wo sə dzəm lo. Yi yəmsə yà', nə fek Pità də, <<Kaco wèŋ cum to nca vesùwèŋ mvək mwejo yeŋ à?>>

41 Wèŋ so, nə sə gu piriya sè' ya məm̀mumsəə kà wèŋ gha'. Ntəm yo, megu də ŋàŋ ka yeŋ.>>

42 Yi lo fe'lə səmok ŋgòkè gù piriya nè kè' ba. Yi lɛŋ də, <<Tè' am, a ye-a ŋga wù duk də kaco yè'sə ca gesə yeŋ tse'ŋga mù yə ŋgə' nə ŋkuŋ, fana mù dzəm sè' cùu yo sə.>>

43 Anə geŋ yi bwi foho və fe'lə, nə kə tseŋ yà' ŋga yà' sə dzəm fe'lə sè lo sə. Anə ye ŋga lo sə ko zəm tse' wo lis vɛ'ɛ nsàp nè bə jòn.

44 Fana yi me'rə fe'lə yà'wèŋ, nə lo ŋgòkè gù fe'lə piriya səmok nè kè' tɛ'. Yi sə cep fe'lə gu sè' yusè yi anə cep to mantombi.

45 Yi bwi və fe'lə bohòŋgàa fàak ye sə wèŋ, nə fek yà'wèŋ duk də, <<Wèŋ sə nòŋ yòŋsə mali yu awèŋ fo' à? Wèŋ ye, mvək kùrə laŋ nè wo sèŋ mùu mo ŋwè, mù cu mok ndzə bohòbù ŋgàa

gù bup wèŋ.

⁴⁶ Wèeŋ lokok a lo. Yeè, ɲwè nè yi sèŋ mɛ nè nè'.>>

Wo Ko Jisòs

(Mak 14:43-50; Luk 22:47-53; Jon 18:2-12)

⁴⁷ A ye ɲga Jisòs sɛ cèp malì ntòfo', fana Judàs nè yi ɲgà fàk ye mòk sè' nè tesè vɛ bɛ bùu sɛmòk vɛ'ɛ wùriŋ ɲga wo rɛp fèk, nè tse' ntòk. A nè tumsɛ wo ɲgàa fa satikà' sè ghaŋ bɛ bùu sè mantombi.

⁴⁸ Anɛ ye ɲga ɲwè nè yi ànɛ sɛŋ Jisòs nè nè tsok nonɲɛ fa bùu sɛ wèŋ yusè yi nè gu laŋ. Yi à duk fa yà' dɛ, yà'a yɛ ɲwè nè yi kɛ cɛpsɛ nà' bèbɔŋ co ɲge' à lɛ, yà' riŋ dɛ nà'a yi nè, yà' ko nà'.

⁴⁹ Judàs nè à vèə, yi cà jwan, nè kɛ ye Jisòs, nè to nà' dɛ <<Cicà, mɛ cɛpsɛ wu>> fana nè cɛpsɛ nà' co ɲge'.

⁵⁰ Jisòs fek nà' dɛ, <<Ŋge' àm, wù sɛ gù fɛnɛ yà?>> Fana bùu sɛ wèŋ kɛ kohò tse' Jisòs cùk.

⁵¹ ɲwè nɛmòk nè yi à ye ye bɛ Jisòs nè wèŋ à sè co'fis fèk ye, nè gbɛ' tiŋ mak fa ɲkwèŋ mòk ntu' sɛ nze. ɲwè nè wo à gwè' ci' yi ntu' nè à ye ɲkwèŋ bohòŋkum ɲgà fa satikà'.

⁵² Jisòs duk fa nà' duk dɛ, <<So fɛsɛ gesɛ fèk nè mà mba'à. Wù rì dɛ ndàaŋwè pwe' nè yi lù-a bɛ fèk nè kɛ kpɛ sè' bɛ zɛŋ.

⁵³ Wù tsɛm dɛ kacɔ mɛ duk fa to tè' àm dɛ yi tumsɛ fa mɛ masinjàa ye, bɔop sè ghaŋ humncòp-ba ɲgòtesɛ mɛ yeŋ à?

⁵⁴ Nɛ ye dɛ wo à còm nonɲɛ ndzɛnɛ ɲwàk Nwì dɛ bum yè'sɛ nè ye tsoŋ vɛ'nɛ. Mɛ to bwìŋ-a

nga'a masinjàa Nwì, bum yè'sə ye fe'lə zìnə anə va?>>

⁵⁵ Mvək ànə à ye, Jisòs fek bùu sə wèŋ də <<Wèŋ tesə co wèŋ lòm̀vwe' bε' ngà yè bə fèk nə ye ntòk yè'e bùu mù à? Vesùwèen yiskokgè m̀m̀vwe' ndap Nwì nè ghan səsə, mù sə yə'rə bwìŋ, wèŋ kà m̀ ko.

⁵⁶ Nə ye də bum yè'sə vε'nə pwe'fo' də ya yusè ngàa tsòhòbum Nwì wèŋ à còm ndzənə ɲwàk Nwì ye vε'nə.>> Yà'a nga'a mvək nè ngàa fàak ye sə wèŋ à mè'rə yi, nə caŋ lo wes pwe'.

Wo Sak Jisòs M̀ Kaŋsurù

(Mak 14:53-65; Luk 22:54-55, 63-71; Jon 18:13-14, 19-24)

⁵⁷ Fana bùu sè wo à ko Jisòs sə à jə lòyi bohòKayofàs, ɲkum ngà fa satikà' nə. Bù ngàa yə'rə fa bwìŋ lùk bə bù ɲkwàha bùu Jus wèŋ à benə cu sè' fa'nə.

⁵⁸ Pità à sə yù vè maŋkwèŋ moòm səsap tètè kə dzeŋ mvwe' ntòmbi ɲkum ngà fa satikà' nè wo də wo nə sak fo' nə. Yi ni lo mbwa, nə kə cum bə ngàa kùk ndap Nwì wèŋ ya yi ye mvè'nè bum nə kə lə.

⁵⁹ Ngàa fa satikà' bə kaŋsurù nə pwe' à sə ləp bum sè ngònaaŋ m̀ tuhù Jisòs də ya wo zə nà', dzəm nga yà'a mvwès.

⁶⁰ Wo kà yumok sè yə. Bùu sè wo à ka yumok sè ye, nə sə kə dzəm borə də wo à yə laŋ wèŋ à ye fo' sè' wùriŋ. A kə lèə, ngàa ci' mvwèes yè'sə wèŋ à tesə vè bwìŋ ba,

⁶¹ nə duk də, <<Vès a yuk bə ntu' avès nga ntèrəŋgòn nè'nə sə duk də, aco yi kuəmsə mak

ndap Nwì nè ghanj nè, nè ci wes megu nà' mune nùumbu tɛ'.>>

⁶² Nkum ngà fa satikà' nè à lòkok mɔtsè, nè fek Jisòs dè, <<Wù ka yumok ngòcèep tse' à? Bùu yè'e sè duk dè wù a duk dè ɛ?>>

⁶³ Jisòs cum megu dèdok. Ngà fa satikà' nè cep fe'lè dè, <<Mù sè fek wu bə liŋ Nwì nè yi ŋwəm nè zìnə dè, wu yè'e mo Nwì, nkum ngà gèm bwìŋ nè à?>>

⁶⁴ Jisòs duk fa nà' dè, <<Wù cèp yà'sə mvè'nə. Mù sè tsè' wenj zìnə dè, ghà nè bum yè'sə mè fana wèŋ ye mùu mo ŋwè ŋga mɔ cu nze bo ma mà'a Nwì nè ngà ñàŋ, nè ye fe'lè mɔ ŋga mù sè tsə və ndzənə mbàk mɔbu.>>

⁶⁵ Yi ànə duk wes vɛ'nə fana nkum ngà fa satikà' nè jok, nè soŋ sarə cək nè mɔ ni'ì yi. Yi sè duk dè, <<Jisòs dè nà'a mo Nwì, ye dè nà' bɔpsə liŋ Nwì laŋ. Njo nè a lap yis fe'lè ŋwè nəmòk ngòkè rɛŋsə fe'lè yumok ka mok yɛŋ. Bəsè bwìŋ yuk wes mvwèes nà' sè mok bə ntu' laŋ.

⁶⁶ Wèŋ duk yàwèŋ dè yà?>> Bùu sè wèŋ duk dè, wo zə mègù yi zəə.

⁶⁷ Fana wo te gesə fa yi nte mɔlisè, nè ləp yi. Bùu mok sè wo à ləp yi sè wèŋ à sè duk dè,

⁶⁸ <<Wù dè wu Nkum ngà gèm bwìŋ nè wù, riŋ-a ŋgèŋgàŋ è.>>

Pità Bèŋ Jisòs

(Mak 14:66-72; Luk 22:56-62; Jon 18:15-18, 25-27)

⁶⁹ Anə ye ŋga Pità cu ye sè mbi fana mɔŋwà nəmòk kə duk fa yi dè, <<Wù yegè sè' wenj Jisòs nè mvwe' lak Galili nè.>>

⁷⁰ Yi bèŋ mantombii wo anə pwe' də yi ka yusè yà' sə cèp yà'sə riŋ lok.

⁷¹ Yi ànə tesə tsoŋ fa'nə ntèn, mənɔwà mòk ye fe'lə yi, nə tsok fa bùu sè wo tə fo' sə wèn də, <<Nwè nè'e a ye sè' bə Jisòs nè mvwe' lak Nazàre nə.>>

⁷² Yi beŋ fe'lə nà' sèmok, nə keŋ də yi ka Jisòs riŋ.

⁷³ Anə sap kok ghàr fana bùu sè wo nə təŋ fo' sə wèn kə duk fa Pità nə də nà' gù tsə gù lə mòk. Də mvè'nə yi sə cèp àlɛ, ncèp cù nà' nə sə nitsè' jəja də nà'a mòk.

⁷⁴ Yà' à bà ve'nə, fana Pità yak ni' ye, nə keŋ mok Nwì də, <<Nwii riŋ yi, mɛ ka nɔwè ànə riŋ.>> Yi à sə cèp wes ntèn, mvəp to.

⁷⁵ Pità tsərə ŋga'a yusè Jisòs ànə cèp sə də, <<Nkuŋ ntomvəp nə sə to ntinə ŋga wù bèŋ fis mɛ kè' tɛ' də wù ka mɛ riŋ.>> Yi tesə lo sə mbi, nə kə waŋ ca ve'ɛ nèbɔp.

27

Judàs Fəsə Mbàam

Sè Yi A Sèŋ Jisòs Bə Zeŋ

(Mak 15:1; Luk 23:1-2; Jon 18:28-32; Ngàa Ntum Jisòs 1:18-19)

¹ Nè zəzòŋ à dzèeŋ, ŋgàa fa satikà' sè ghaŋ bə bù ŋkwàha bùu Jus sə wèn cum kwe' də wo zə Jisòs.

² Wo ko kiŋ yi, nə jəŋ lo fa bohòPalè nè yi ànə ye govənoğhà ànə yi nə.

³ Judàs nè yi à sèŋ Jisòs nə à yə də wo bɔpsə Jisòs fana ntəm ye bɔuŋ. Yi və ŋgòfəsə mbàam

sè hum tɛ' sè yi à sèn Jisòs bə zɛɲ sə. Yi à jə vè yà' ɲgòfa fəsə bohòɲgàa fa satikà' nə ye ɲkwàha bùu sə wènɲ.

⁴ Yi à duk də, <<Mù gù bɛp laɲ bùusə mù gù də wo zə ɲwè nəmòk ɲgwàɲ ɲga yi ka yumok riɲ lok.>> Bùu sə wènɲ duk fa yi də, <<Yà'sə ka nzak ɲjàvès yeɲ. Wù rì bə zɛɲ wù.>>

⁵ Yi lo, nə kə mak noɲsə mbàam sè hum tɛ' sə mɛmɛvwe' ndap Nwì nè ghaɲ nə sə nze. Yi lo, nə kə jəɲ kù, nə kə kə'ə kpɛ yuye.

⁶ ɲgàa fa satikà' sə wènɲ à kè te' mbàam sə, nə duk də, <<Yè'e mbàam nduəm ɲwè, fana kaco a gesə yà' sənə bàam mbàam sè mənə ndap Nwì yeɲ bùusə wo dzègè dzèə.>>

⁷ Wo à cu kwe', nə jəɲ mbàam sə, nə fa bohòɲgà bom kùɲ mòk ɲgòywiɲ jə mɛvwe' sè wo nə sə tuuɲ ɲkùɲ wènɲ fo'.

⁸ Nà'a njo nè wo togè mɛmɛvwe' ànə də mɛvwe' nze nduəm haan ntinə sə.

⁹ Bum yè'sə ànə ye vɛ'nə fana bum sè Jèrèmiyà ɲgà tsòhòbum Nwì à cèp sə bùuɲ vè zìnə. Yi ànə cèp də, <<Wo jə mbàm hum tɛ', mbàam sè bùu Izùrɛ wènɲ a dzəm də nteɲ ɲwèe nə kùrə vɛ'nə.>>

¹⁰ Wo kə ywiɲ nze bohòɲgà bom kùɲ bə zɛɲ. Wo à sə ywiɲ vɛ'nə ɲga Tà Nwì à tsè' mɛ yi.>>

Jisòs Tə Mantombii Palè

(Mak 15:2-15; Luk 23:3-25; Jon 18:33-19:16)

¹¹ Jisòs ànə təəɲ kə mantombii Palè nə yi govənònə fana yi fek Jisòs də, <<Wu ɲkum bùu Jus wènɲ wu à?>> Jisòs cèp fəsə fa nà' duk də, <<Wù duk yà'a mɛv'nə.>>

12 Nə ye də mvək nè ɲgàa fa satikà' bə bù ɲkwàha bùu Jus wèŋ à sə ləp yi bə nzak pwe', yi kà cù mùk lok fù'.

13 Mvək nè yi à sə cu mègù dədok vɛ'nə fana Palè fek nà' də, <<Wù sə kà bum ɲkùuŋ sè wo sə cèp mətuhù wù yè'e yuk à?>>

14 Jisòs à ka cù ɲgòcèp fəsə muk mali, fana govənònə à mərə vɛ'ɛ wùriŋ.

15 A sə yegè lèlùm mvək ɲkàak Pasobà fana govənònə sə fis me'rə fa bùu sə wèŋ ɲgà ndapndzəm mò'fis. Yi fis fa megu yà'wèŋ ɲwè nè wo dzəm də yi fis me'rə.

16 Anə geŋ ɲga wo tse' ɲgà ndapndzəm mòk nè liŋ yee də Bàrabà. Bwiŋ ɲkùuŋ à rì Bàrabà nè də yi ɲgà ndapndzəm nè bup.

17 Wo ànə kə benə mvwe' mò'fis fana Palè fek wo duk də, <<Wèŋ dzəm də mu fis me'rə fa wèŋ ndà? Bàrabà kè Jisòs nè wo to yi mok də Krɛst nà'a nɛ?>>

18 Bəsè yi rì də wo ko jə vè Jisòs bohòyi yè'sə ɲga wo à sə bèn nà' jì njo.

19 Sə va' mwè, ghà nè Palè nə à cu məmve' dzè' ye nè yi sakgè nzak mbwa nə fana ɲgwe ye tirə vesə fa yi ntirè. Ntirè nə à ye də, <<Kà də wu gɔ ɲwè nè yi ka jòn tse' ànə yumok duk. Mù yə nòon lo sè bup bùu yi ntinə wùriŋ.>>

20 ɲgàa fa satikà' bə bù ɲkwàha bùu sə wèŋ sə gɔ megu bwiŋ də yà'a dzəm də wo fis me'rə Bàrabà, nə zə Jisòs.

21 Govənònə fek fe'lə yà' sèmok də, <<Mutsətsə'rəə bwiŋ ba yè'e, wèŋ dzəm də

mũ fis me'rə fa wɛŋ nə fò?>> Bùu sə pwe' kwi' də <<Bàrabà.>>

²² Palè fek fe'lə yà'wèŋ də, <<Wèŋ dzəm də mũ gu bə Jisòs nə wo togè liŋ ye mok də Krest nà'a va?>> Bùu sə pwe' duk də, <<Tɛ'lə yi mũ ntəəŋ.>>

²³ Yi də bùu yà, ŋwè ènə bupsə yà? Kàyà', wo sə fuŋ ghaha fuu də, <<Tɛ'lə yi mũ ntəəŋ.>>

²⁴ Palè ànə ye də bum sè yi sə cèp sə pwe' sə cà mègù wà co ndzəp, nə sə yəəŋ sè' co də ndàaŋ nə tesə fana yi jəŋ ndzəp, nə cuk bo ye mantombii bùu sə wèŋ. Yi à sə cùk yà', yi sə kəa njo nje də, <<Bo am ka sənə nduəm ŋwè nè'e yeŋ. Wèŋ ri bə zeŋ wèŋ.>>

²⁵ Yi ànə duk vɛ'nə fana bùu sə wèŋ pwe'fo' duk də, <<Ŋ, nduəm yee ye mũ tuhù vès nə ye mũ tuhù bwe avès wèŋ.>>

²⁶ Yi jəŋ Bàrabà, nə fis me'rə fa yà'wèŋ. Yi ləp Jisòs bə ŋkwès, nə fa wo də wo kə tɛ'lə nà' mũ ntəəŋ.

*Sojà Wèŋ Ywì'lə Jisòs
(Mak 15:16-20; Jon 19:2-3)*

²⁷ Sojàa govəndənə wèŋ jəŋ lo Jisòs mũ nto' govəndənə, nə to benə sojàa mok sə fo' lònŋ.

²⁸ Wo fweŋ fis cəək ye, nə ni fa yi mòk nə bèbaŋ. Cək nə à ye bèbaŋ co cək ŋkum.

²⁹ Wo lim ndik nəmòk nè bə njàk co tàŋ ŋkum, nə ta fa yi nà' mũ tuhù. Wo fa yi ntatə mòk də yi kotse' ndzə bohòco ntəmbà ŋkum. Wo sə kə təəŋ mantombii yi bə tumfərə, nə sə cepsə nà' co ŋkum duk də, <<Ŋgèè, ŋkum bùu Jus wèŋ.>> Wo sə ywì'lə yi co ləm.

41 Ngàa fa satikà' bə ngàa yə'rè fa bwɪŋ lək nə ye bə bù ɲkwàha bùu Jus wèŋ pwe' à ywì'lə yi sè'. Wo sə duk də,

42 <<Yi tesə rì bòn̄sə mègù bùu mok wèŋ, nə kà ni' nè nje tesə rì. Yi də yi ɲkum bùu Izùre wèŋ yi. Yi suhu tsoŋ-a mɛ ntəŋ fa'nə ɲga'a ya vèes dzəm bohòyi.

43 Yi naaŋgè tu ye bohòNwì. Nwii tesə-a yi ɲga'a ɲga Nwii dzəmgè-a yi na. Bəsè yi dukgè də yi mo Nwì.>>

44 Bù ngàa yəə sè wo ànə tɛ'lə be'lə bə yà' sə wèŋ yak yi sè' vɛ'nə.

Jisòs Kpɛ

(Mak 15:33-41; Luk 23:44-49; Jon 19:28-30)

45 Anə ye ɲga nùum maràŋ kaŋ fana ndzəm seŋ mvwe' nzen̄gòŋ nə pwe' tètè kə dzeŋ co nùm səm.

46 A kè dzèŋ nùm səm anə fana Jisòs waŋ bə ɲgì nè ghaŋ duk də, <<Eli, Eli, làma sabatàni?>> A yà'a bə ncèep lak yà'sə də, <<Nwì àm, Nwì àm, wù mà' mɛ bùu yà?>>

47 Bùu mok sè wo à tə fo' à yuk, nə duk də, <<Nwè ènə sə to Alajà.>>

48 Nwè nəmòk nè yi à ye sè' fo' caŋ ntèŋ, nə kə tsəp və yumok co kùsa vɛ'ɛ sənə rùk mòk nè cɛcɛk, nə tse' gesə mɛ cùhù Jisòs bə ntatɛ də nà'a no.

49 Bùu mok sə wèŋ duk yàwo də, <<Wèeŋ yuk, a ja'a na kèe Alajà nə və ɲgòkè tesə yi àlɛ'.>>

50 Jisòs waŋ fe'lə bə ɲgì nè ghaŋ sèmok, nə me'rə yòŋsè ye lo.

⁵¹ Ghà nè yi ànə kpɛ ànə à ye fana cèk nè nà' à sə gəpsə rum ndap mòk məmvwɛ' ndap Nwì nè ghaŋ nə à sàha jəŋ mətuhù wàrr kè dzèŋ sə mbwèŋ. Nze à tsòho fo', līs sə voho sè'.

⁵² Sèe bwìŋ à mùhu sè'. Bùu sè wo à kpɛ ŋga wo bùu Nwì wèŋ à lòkok mvwe' kpɛ.

⁵³ Numbu nè Jisòs à lòkok mvwe' kpɛ à ye, wo me'rə mvwe' sèe sə, nə lo Jòrosalèm nè nà'a lak sè rərəŋ sə. Wo à ni mɛ ntòlak anə, bwìŋ ye wo wùriŋ.

⁵⁴ Nkum sojà nè yi à ye fo' bə sojàa mok wèŋ sè wo à sə kùk Jisòs ànə ye mvè'nè nze ànə tsoho, nə ye bə bum sè yà' à ye fo' pwe' fana wəə ko wo. Wo duk də, <<Κε', ŋwè ènə nə ye mo Nwì nè zìnə.>>

⁵⁵ Bəba mok à ye fo' sè' wùriŋ. Wo à təŋ səsap, nə sə ja'a. Baa yè'sə wèŋ à yù vè Jisòs mvwe' nzeŋgòGalili, nə sə tesə yi.

⁵⁶ Mok à ye fo' Mèri Màdàlinà, nə ye Mèri ma Jem bə Jòsep nə ye fe'lə ma bwe Zebèdi.

Wo Tuuŋ Jisòs

(Mak 15:42-47; Luk 23:50-56; Jon 19:38-42)

⁵⁷ Nè nconùm à ye fana Jòsep nəmòk nè mvwe' lak Arimàtayà və. Yi à ye ŋgà ghàk, nə sə bɛ' lòJisòs sè'.

⁵⁸ Yi à lòbohòPalè, nə ləŋ nà' də nà'a fa yi vèŋ ni' Jisòs nə ya yi kə tuuŋ. Palè dzəm, nə duk də, wo kə fa nà'.

⁵⁹ Jòsep jəŋ vèŋ ni' ye nə, nə lim gesə nà' ndzənə cək nè fi.

⁶⁰ Yi jəŋ nà', nə gesə lo mvwe' sèe ye. Sèe sə à ye sè fi ŋga yi tu yà' ndzənə līs. Yi ànə gesə

wes, yi bwi' tēhə lok ncùu sèe sə bə ŋkəŋkùm
lis mòk, nə bɛ' mandzè lo.*

⁶¹ Anə ye ŋga Mèri Mədàlinà bə Mèri mòk nə
à sə yə. Wo à cu ma nja vɛ'ɛ, nə sə kək gesə lo
sèe sə.

Wo Tes Bwiŋ NgòSòSèe Jisòs

⁶² Tsok à rɛŋ, ŋga nùmbu nè wo à sə
fùhɔ ŋgòcu dzè càa, fana ŋgàa fa satikà' bə
bùu Faràsi wèŋ baan mvwe' mò'fis, nə kə ye
govənòPalè.

⁶³ Nə duk fa nà' də, <<Mbè, vès sə tsərə mali
mvè'nè ŋwè ènə à sə bərə kɛ'cà bwìŋ fɛɛŋ də yi
nsàp yumòk, nə duk də, <A kè dzèŋ nùmbu tɛ'
mà lokok mvwe' kpɔ səmok.>

⁶⁴ Ye də boco wù fa ŋàŋ, wo sə so sèe ye sə
mənə nùmbu tɛ' sə. Busè aco ŋgàa fàak ye sə
wèŋ kə yə fis lo noon yi ndzəmè, nə borə bwìŋ
də nà' lòkok mvwe' kpɔ laŋ. Nə ye də wo gu-a
nsàp yumòk vɛ'nə zinə, mvwès ènə nə guŋ ghak
nè nà' à ye mantombi nà'a.>>

⁶⁵ Palè duk fa yà'wèŋ duk də, <<Wèŋ tse' sojà
wèŋ co wo so yo. Wèŋ du, nə kə so sèe sə nsàp
nè wèŋ rì vɛ'ɛ pap nè pap.>>

⁶⁶ Anə geŋ wo lo, nə kə zərə lok ncùu sèe sə
mpùŋ. Nə jəŋ sojà wèŋ tes fo' də yà'a sə so.

* **27:60 27:60** Bùu Jus wèŋ à sə tugè wɔ ndzənə lis, nə sə tuuŋ
bwìŋ nja. Wo nòŋsə wes mè vèŋ ŋwè nə nja fana wo lap sè' lis
mòk nə lok ncùu sə bə zɛŋ.

28

Jisòs Lòkok Mvwe' Krɛ

(Mak 16:1-18; Luk 24:1-12, 36-49; Jon 20:1-23;

Ngàa Ntum Jisòs 1:6-8)

¹ Nùmbu dzè à càa, nga tsok sɛ rɛɛŋ tsə nù Sondè Mèri Màdàlinà bə Mèri mòk lokok də wo kək ja'a sèe Jisòs sɛ.

² Wo à kè dzèŋ fo', nga nze à tsoho. A ye nga masinjà Tà Nwì tsə mɛbu, nə kə bwi' gɛsə lis nè mvwe' ncùu sèe sɛ fo', nə kok cum yuye mbwa.

³ Si ye à sɛ rɛŋ co mbùŋ bà'a yi, cək ye sɛ fop co mbàk.

⁴ Bùu sè wo à sɛ sòsèe sɛ wèŋ à kà bə wɛə vɛ'ɛ, nə bùuŋ co bù krɛkrɛ.

⁵ Masinjà Nwì nə à cèp bohòbàa sɛ wèŋ. Yi duk fa yà' də, <<Wèŋ kà wəp! Mù rì də wèŋ sɛ lap Jisòs nə wo à tɛ'lə yi mɛ ntəəŋ nà'a.

⁶ Yi ka fɛnə yɛŋ. Yi lòkok mvwe' krɛ lan mvè'nè yi à duk də yi nə lokok yà'a. Wèŋ və fɛn, nə kə kək ja'a yàwèŋ mvwe' sè yi à nòŋ nè.

⁷ Wèŋ caŋ lo-a, nə kə tsok fa ngàa fàak ye wèŋ də yi lòkok mvwe' krɛ lan. Yi gè cà nà' mantombii wèŋ ngòlòmvwe' nzeŋgòGalili. Wèŋ nə kə tseŋ yì fo'. Wèŋ tsərə tse' bum sè mù tsè' wɛŋ yè'e, nə kà swì.>>

⁸ Anə geŋ wo me'rə mvwe' sèe sɛ bə caŋ. Wɛə sɛ ko wo, kwəkwa rwiŋ wo sɛ ntùu sè' dak. Wo sɛ caŋ lo də wo kə tsok fa ngàa fàak ye sɛ wèŋ.

⁹ Mvè'nè wo à sɛ lòo sɛ, Jisòs kə tseŋ wo vak, nə duk fa yà'wèŋ duk də, <<Mù cèpsə wɛŋ.>> Wo à vè, nə kə kotse' kùu ye, nə kuksə yi.

¹⁰ Jisòs nè duk fe'lə fa wo duk də, <<Wèeŋ kà wəp. Wèeŋ du, nè kə tsok fa bwema am wèŋ də wo lo mvwe' nzeŋgòGalili, vesi wèeŋ nè yenə fo'.>>

Yusè Sojàa A Kè Cèp Bohòŋkwàha Bwìŋ

¹¹ Mvè'nè bàa sə wèŋ à sə lòyàwo fana sojàa sè wo à sə sòsèe sə wèŋ mok à lòmvwe' ntòlak nè fo' nè. Nə tsoho fa ŋgàa fa satikà' wèŋ yusè yà' ye sə pwe'.

¹² Ŋgàa fa satikà' sə à kè cu be'lə bə bù ŋkwàha bùu sè fo' sə wèŋ, nè kiŋ cù bə yusè wo nè gu. Wo à fa sojàa sə wèŋ mbàm ve'ε wùriŋ.

¹³ Nə tsok fa yà' də a gèə, yà' tsok də wo ànə dzəm swi lo ndzəmè àε, ŋgàa fàak ye wèŋ kə yə fis bisə lo vè ni' ye nè.

¹⁴ Wo duk fe'lə də, <<A ye-a ŋga govənyuk bum yè'sə fana vées nè riŋ mvəsè ŋgòtsè' yi ya yi dzəm də a zinə. Wèeŋ kà wəp də wèeŋ nè tse' nzak wəp lok.>>

¹⁵ Bùu sè wo à sə kùk sèe sə wèŋ à jə mbàam sə, nè kə gu megu sè' mvè'nè wo anə tsok wo sə. Haəŋ kə dzeŋ ntinə, yà'a yusè bùu Jus wèeŋ dukgè də yà' ànə ye ve'nə.

Jisòs Yəhə Bohòŋgàa Fàak Ye

¹⁶ Ŋgàa fàak Jisòs sè hum-ncòp-mò'fis sə wèŋ à lo mvwe' nzeŋgòGalili, nè lo mvwe' nda nè Jisòs à tsè' wo də wo lo fo' nè.

¹⁷ Wo ànə ye yi, wo kuksə yi. Wo à gù ve'nə ŋga mok wèŋ sə mərə mali yi ntòmərə.

¹⁸ Anə geŋ, Jisòs sòoŋ kuəp və wo, nə ceŋ də, <<Nwì a fa ɲàaŋ sè mɛbu bə sè sə nze pwe' bohòmù.

¹⁹ Wèeŋ du lo-a ɲga'a bohòbwìŋ ma fòpwe', nə ɣu busə wo ɲgàa be' mandzè àm. Wèeŋ bàptəsə wo mɛnə liŋ Tè', bə liŋ Mwe, nə ye Yòŋsè nè Rəreŋ nə.

²⁰ Wèeŋ yə'rə wo ɲgònòŋsə bum sè mù a tsè' weŋ də wèeŋ nə sə ɣu yà'a pwe'. Fana wèeŋ sə tsərə tse' sè' də, mɛ nə sə ye vesùwèŋ nùumbu pwe' tètè nzeŋgòŋ kə me.>>

Nwàk Nwì Ma Rùk Nè Fi
New Testament in Yamba

copyright © 2011 Wycliffe Bible Translators, Inc.

Language: (Yamba)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 18 Apr 2025 from source
files dated 29 Jan 2022

c475d5b3-da44-51cf-93ca-f255b72fe481